

قارتال

(حکایه لر مجموعه سی)

گنجعلی صباحی



قارتال

(حکایه لرمجموعه سی)

گنجعلی صباحی

چاپ اول ۱۳۲۳



انتشارات فرزانه

گنجعلی صباچی

فارتال (حکایه‌ها و مجموعه‌سی)

چاپ کلشن

چاپ دوم، ۵۰۰۰ نسخه اسفند ۱۳۵۷

حقوق چاپ و نشر محفوظ است

كتاين ايچينده كيلر :

۳	۱ - قارتال
۴۲	۲ - قوجاليقدا يورغاليق
۵۱	۳ - گل دسته سي
۵۸	۴ - آنا قلبي
۸۸	۵ - عارسيز غار
۱۱۰	۶ - كئفلي
۱۳۲	۷ - ئوز آراميزدا قالسين
۱۴۷	۸ - حيات آجيليقلاريندان
۱۶۸	۹ - اوشاق اوسته ساواش

قارتال

واریتانی رستورانی گئیش و تمیز بیر سالونا مالیک ایدی .
میزلر صبرا ایله دوزولموش ، اوستلری سلیقه ایله شطرنج نقشه لی
مشانبالارلا ئورتورتولموشدو . دخیلین دالیندا یئرلشدیریلیمیش قفسه یه
دوزولموش شراب ، قونیاك ، آراق و سائره ایچگی شیشه لری عاشقلرینه
گوز ووروردو . وارطان قرخ - قرخ بئش یاشلاریندا آلچاق بویلو
یونولمامیش ، اتلی - قانلی ، تولوق قارین ، قرمیزی صفت ، یئکه
بورون بیر آدام ایدی . دوشونده آغ دوشلوك دخیلین دالیندا دایانیپ
مشتیریلره گوز گزدیریر ، استدیكلرینه انجام وئرمك اوچون قارسونلارا
فرمان وئیریر ، رستورانایئنی داخل اولان مشتیریلره تعارف ائدهرك ،
اوزلرینه ایریشیردی . بعضآده ، ئوزو اونلارین قاباغینا یو گورهرك :
- خوش گلمیسیز ! بویورون !... دئییه یئر گوستیریرکن ، یئکه
قارنی ئوزوندن قاباق حرکت ائدیردی .

بومیخانانین یوخاری باشیندا ساغ الده ، مربع شکلینده کیچیک
بیر اوطاق بوسالونا آرتیریلیمیشدیکه ، بعضی مقید مشتیریلر آرخاینلیقلا
اوتوروب ایچگیلرینی ایچیب باشلارینی قیزیشدیرا بیلسنلر . سالون
چوخ شولوقد گلدی . رادیونون گورولتوسو ، حرارتله ساغلیق دئینلرین ،

بر کدن صحبت ائندلرین، مستانه گولنلرین، ائله جهده هر دن بیرالینی
 میزه چیرپپ « قارسون ! » دئییه چغرانلارین سسینه قاریشمیشدی .
 هر میزین ئوزونه کوره بیر منظره سی وارایدی . آنجاق خلوت اوطاخدا
 بیر میزین دوره سینده اوتورانلارین وضعی باشقالاریندان سئچیلیردی .
 بوردا ، اوچ نفر قاباخلاریندا یئمک . ایچمک ، آرام بیر حالدا صحبت ائدیر دیلر .
 بونلاردان بیر قورخ دورت - قورخ بئش یاشلاریندا آلچاق بویلو ، اتلی -
 جانلی ، قیر میزی صفت ، کوراوغلو بیغلارینا اوخشار قالین - بورما بیغلی
 بیر آدام ایدی . یولداشلاری او ناعبدالله خان دئییه خطاب ائدیر ، قاباغیندا
 تراکتله ترینیر دیلر . ای بیر یلریده ایگرمی بئش - اوتوز یاشلاریندا
 رسول و قربان آدلی لوطی منش تیملر ایدی . عبدالله خان تئز - تئز
 ساعتنه باخیر ، کیمی ایسه ، گوزلدیگلری آیدین گورونوردو . ساعت
 سکره آز قالیردی . ایکی نفر جوان اوغلان قاپیدان ایچری گیردی .
 اونلار دوز خلوت اوطاغا ، عبدالله خان کیلین یانینا کلدیلر . قاباخدا کی ،
 کاظم آقا آدلی او جابوی ، قارا تتلی ، نازک بیغلی ، اوزونون سول طرفینده
 چاپیق یئری گوزه چارپان ایگید بیر اوغلان ایدی . او ، یانیندا کی
 جوانی اونلارا معروفچولوق ائده رک :

منم لاپ یاخین دوستوم - سرویم قارتاللا تانیش اولون . دئدی .
 عبدالله خان یئریندن قالخیب گولر اوزله :

- به - به ! دوغروندان ، قارتال ! .. دئییه اونونلا محکم ال
 وئره رک ، - خوشوقت ! دئدی . ائله جه ده او بیر یولداشلاری تزه
 گئلر ایله ال وئریب اوتوردولار . عبدالله خانین اشاره سیله بوش شیشه لر
 یغیشدیریلدی . میز تمیزلندی یئنین اوزری - شراب آراق ، جوجه -
 کباب ، سبزی و سایر ایله بزه ندی .

مجلس قیزیشسین دئییه باده لر دولدو . ایلک استکانلار عبدالله خانین ،
- بونو ایچک عزیز قوناغیمز قارتالین ساغلیغینا! امیدوارام که، بوتانی شلیق
صمیمی دوستلوغا و دوستلارین یو کسک نائیتلری ایلله نتیجه لنسین . دئییه ،
دئدیگی آرام و کلمه - کلمه سوزلریله بیر - بیرینه توخوندورولوب ،
باشا چکیلدی . باده لر بیر-بیرینین دالینجادولوب بوشالدى ، کله لر یواش-
یواش قیزیشدی . رنگلر کومور کوزو کیمی قیزارماغا باشلادی .

کاظم آقا قارتالی تهراندان تانیردی . او ، هیکللی ، توکمه بدن .
قارایاغیز ، قارا - قاباق ، قورخونج قیافه لی بیر آدام ایدی . بیرمدت اونون
الینین آلتیندا ایشله میشدی . اونون نقشه چکمه - ده ، اوغورلو خدا
چالما خدا ، وورما خدا کی ، مهارتینی دفعه لرله ئوز گوزوایله گورموشدو .
رحمسین - یر تپجی بیر طبیعتی اولدوغوندان ، ئوزیو لداشلاری اونا «قارتال»
لقبی وئرمیشدی لر . اونون بوگونلرده تبریزه گلدیگینی ، منم - منم !
دئینلردن اولوب ، تهران محیطنه مسلط اولدوغونو عبدالله خانو یو لداشلارینا
سویله میشدی . ئوز آرالاریندا ، اونو ئوز دسته لرینه جلب ائتمگی مفید
ولاییم گوردو گلریندن ، کاظم آقانین واسطه سیله اونو بومیخانایا قوناق
دعوت ائتمیشدی لر . آنجاق ، اونون تبریزه نه اوچون گلدیگینی
هیچکس بیلمیردی . عبدالله خان اصل مسئله یه یاخینلاشماق اوچون
اوزونو قارتالا دوتوب .

- بابا!.. کور اوغلو کیمی آدین دیلدرده گزیر . کاظم آقا او قدر سندن
بیزه تعریف ائدی که گورمه میش ، بیلمه میش ، عاشقین اولموشوق . انصافاً
تعریفه گورمه ده وارسان . دئدی که ، قارتال صنعی بیر تبسم آتاراق :- متشکرم .
دئدی . کاظم آقانین منه لطفی واردر . من ئوزومو بو قدر تعریفه لایق بیلمیرم .

دئديكده ، كاظم آقا ياريم مست حالدا :

- قربانام ! هميشه نو گرينم . دئيە ، عبدالله خانلا . قارتالين صحبتينين آراسينا گيردى . عبدالله خان سوزونون اوجونو ايترمەيب :
- داداش بيزسنە ارادت يئتيرميشيك . استەيرك كه هميشه بيزمە
اولاسان . داهادوغروسو ، بيزمە همكارليق ائدە-من . دئدى . قارتال .
- بومنيم اوچون افتخاردر . آنجاق ممكەن در بوخچانى آچاسين
گورك ايچيندە نه وار ؟ من استەيرم بيلم - گورەم بوهمكارليق هانسى
ساحدە اولاجاق . ' دئيە جواب وئرديكده عبدالله خان سول اليە
بيغلاريني اويناداراق :

- البتدە . البتدە . خدمتيزە عرض ائديم كه ، بيزم ايشيميز تجارتدر .
بلى - بلى تجارتدر . پوللو ، يال - ياغلانديران ، داهادوغروسو ، قاز
ووروب قازان دولدوران ايشدر . عبدالله خانين كلمە - كلمە ، اوزادا-
اوزادا احتياطلا ، اورتولو دانشماغى كاظم آقانى داريخديردى . حوصلە -
سين ليكلە عبدالله خان :

داداش ! نە سوزو اوزادرسان ؟ ميس - ميس دئينجە ' بيردفعە
دى مصطفى ، قورتارسيندا . دئيپ ، اوزونو قارتارلا طرف دونددى .
- داداش بيزم دستە نين ايشى قاچاخچيلىقدە . هرئره ترياك هيروين
يئريدەريك . هر نە قازانديق شريكك . رئيسمزدە عبدالله خاندر
سين بوتون مسؤليتيني يولداشلاريمين يانيندا من عهده مە گوتور -
موشم دئديكده ، قارتالين دوداخلارى قاچىدى . اوز - گوزونده مبهم
بير تبسم اوينادى .

— چوخ متاسفم . دئدی ، قارتالین جوابی اونلار اوچون گوزله
نیلمز اولدوغونداں هامیسی تعجبله گوز آلتی بیر . بیرینین اوزونه باخدی .
او ، کاظم آقانی مخاطب قرار وئرerk :

— عزیز دوستوم! .. دوغر و دور ، سن منی بیر اوغر و و قاچاقچی . پیچاقچی
کیمی تانیرسان . آنجان ، من توبه ائتمیشم . ئوز یولومو د کیشیمش . دئدی .
— حتماً ، تولکونون حجه گندیپ توبه ائدیگی کیمی . دئیلن کنایه لی
سوزون دالینجا ، صنعی گولوشده ائشیدیلدی . قارتال دونوب چپ —
چپ باخدی .

ایشته باه ائتمه یین . من بیر ایلدرال لریمین زحمتیله شرافتله دولانیرام . دئدی ،
— آه ! بوکه ، شعر — غزله کئچدی .

— دئیسه سن حریف اوسوز ، قورخور . دئییه . آرادا گوز . قاشلا
رد . بدل اولان سوزلری قارتال ائشیدیردی . او ، قاشلارینی دارتیب ، آرام
و اعتناسیر بیر حالدا ، اوتورموشدو . کاظم آقا اونون اخلاقینا یاخشی
بلد ایدی . او ، بیلیردیکه ، قارتالا ساتاشماق — وحشی بیر اوکوزون
بوینوزوایله اویناماق کیمی در . یولداشلارینا دونرerk : دوستلار! قارتال
بیزیم خواهشمیزی قبول و یا رد ائتمکده کاملاً آزاد در . هر حالدا
بیزیم گوزوموزون ایشینی — عزیزقوناغمیزدر . دئدی . عبدخان اونون
سوزونه قوت وئرerk . البته . البته ! اردیل بیر شهردر هر کس
ئوزو کیلی . اگر بیر وقت توبه سینی سیندیرسا ، یئنه گوزوموزا وسته
یئری واردر . دئدی . بو حالدا ، رنگی بوزامیش ، کهنه قارا چادرایا
بورونموش بیر قادین سالوندا ال آچاراق ، میز لرین یانیندا کئچه —
کئچه خلوت اوطاغین قاباغیندا دایانندی . اوزونو ئورتموشدو . فقط

گوزلری گورونوردو. حرکت و رفتاریندان دیلنچی اولمادیغی آیدین دیولوردو. بوینونو چیگینه قویاراق، محزون باخیشلارلا :

— آقالار! کمک ائدین! دئییب، ئوتوردو. بو حالدا میخاناصاحبین دونفولتوسو ائشیدیلدی. قارسون عصبانیتله، خانمی قاپیا طرف ایتهدلیکده، قادین یخیلدی. چادراسی باشیندان دوشدو. آغ ساچلاری سولغون اوزونه داغیلدی. چوخورا دوشموش ایری گوزلرینده یاش دامالاری پاریلدادی. بعضی لری بومنظره یه باخیب گولور، باشقالاریدا اعتناسیز بیر حالدا - عادی بیر حادثه کیمی، تماشا ائدیردی لر. لکن بو تصادف قارتالین بوتون وارلیغینی سارسیتدی. ائله بیل اونو ایلدیریم چالدى. آه! ائدیب، یارالانمیش وحشی پلنک کیمی یئریندن سیچرادی. قادینی ایری پنجه لری آراسیندا قوش کیمی، یتردن قالدیردی. چادراسینی باشینا چکمه گه کمک ائتدی. صورنا دونوب،

— یاراما!... دئییه، ووردوغو سیلله دن قارسون فیر - فیرا کیمی، فیریلدانیب اوطرفده یتره دکدی. سالوندا ائله بیل قورباغه گولونه داش آتدین. حامی ساکت و حیرتله، بیر دیلنچی دن، حمایت ائدن بو تانیماز آداما باخیردی. قارتال تئز الینی جیبینه سالیب. بیر دانسا ایگریمی تومنلیک چیخارتدی.

— باغیشلا آناجان!... دئییه قادینا وئریب، اونون اوره یینی آلمایا - باشلادی. بیچاره قادین مات - مات اونون اوزونه باخیردی. اختیارسیز، گوزلرینده حالقالانمیش دامالار سولغون اوزونه دوغرو دیغیرلاندی. او هیچ کسدن بو لطف و مرحمتی گورمه میشدی. ئوزونو دوغرولداراق، باشینی آشاغی سالدی. دالینا باخمادان، حالسیز - یورغون آددیملارلا قایدان چیخدی.

قارتال وورغون كيمي ، شاشقين بير حالدا ، اونون دالينجا چيخدى .
 هانسى طرفه يوللاند يىغىنى بىلدىكىدن صورنا ، جلد كىرى دوندو .
 عبدالله خان و باشقالاريله خدا حافظ لىشب كاظم آغايا ؛

- صبح ساعت دو ققوزدا پاساژين قاباغيندا سنى كوزليه جگم .

ساغ الينى يوخارى قالديريپ ، - گوروشه نه قدر ! دئيب سرعتله اوردان
 چيخدى . قاراچاد رالى ، بير خيال كيمي ياشيل دونلو آغاچلارين آلتيله
 اوزا خلاشirdى . قارتال ايسه ، قدم به قدم بير كولگه كيمي ، اونو
 تعقيب ائدirdى . حزين - حزين اسن ساوالان يىلى ا و نون آلينا
 تو كولهش تئللرينى اوخشايردى . بيرى مقصده جان آتير ، او بيرى
 آوچى كيمي ، بير آن ئبله اونو كوزدن قوي موردو . نهايت ، قادين
 بير باققال دكانينا گirdى . يوز گرم كره ، ايكي دانا بولكو چورك و
 بير شيشه ده سود آليب پاساژين سول طرفينده اولان خلوت كوچه يه
 دوندو . گلستان باغينا چاتماميش سول الده ، كهنه دروازادان ايچرى
 گirdى . حيط اولدوقجا گئيش و قارانلىق ايدى . گئچميشده بورا
 كاروانسارا ومهمانخانا اولدوغو آيدىن گورو نورددو . اينديسه يوخسوللار
 محله سینه چه وريلمىشدى . قادين آشاغى مرتبه ده ، سول الده قوزه ي
 طرفده اولان بير اوطاغا گirdى . قارتالدا اونون دالينجا قاپايا خپنلاشدى .
 اوطاغين كيچك پنجره سيندن ضعيف لامپا ايشيغى ائشيكه ووروردو .
 اونون اوره گى شدتله چيرپينير ، مبهم بير هيجان وجودىنى بوروموشدو .
 او ، قاپينين داليندا دا ياندى . ايچريده كى دانشقارلار آيدىن ائشيديلirdى .
 خفيف ئوسكورك سسيندن صورنا :

- آناجان ! نه اوچون يوباندين ؟ دئيه ضعيف سسله وئريلن سوالا

ایشیم چوخ اولدو. ایندیجه قورتارمیشام. حالین نجه در قاداتان آلیم؟ یاخشیام آناجان! دئییه اشدیلن صحبتدن قارتال او قدر داریلدی که، غیر ارادی اولاراق قاپینی آچیب ایچری گیردی. حتا اجازه آلیب قاپینی دویمه گی بئله اونوتدو. تاخچایا قویولموش لامپا او طاعی ایشیقلا ندرمیشدی. دوشه مه یه سالنیمیش. کهنه کلیمین یوخاری باشیندا، یورغان - دوشکده جوان بیر اوغلان یاستیغا سو که نیب اوتورموشدو. خانم ایچری گیرن کیمی، چادر اسینی باشیندان آتیب، چراغی یاندیریب، چاینیکی اوستونه قویوردو. قاپنین سسینه گئری دوندو. حیرت ایچرسینده:

- سن - سن؟ نه اوچون گلدین؟! دئییه ناراحت بیر حالدا اونا سوال وئردی. قارتال هیکل کیمی دایانمیشدی. قورخونج قیافه سینی یازیقلیق بولودو بوروموشدو. گوزلریندن ایری یاش داملا لاری آخیردی. سانکه، دردی اوره گینه سیغمیر، قلیینده شعله له نن اودو گوز یاشلاریله سون دورمگه چالیشیردی. نرگزین گوزو اونون اوزونده ایدی. سن آغلایرسان؟! .. دئییه ینه سوروشدوقدا، قارتال داهی تاب گتیره بیلمه دی.

- آناجان منم! محمد! ... کاش ئوله دیدیم سنی بو حالدا گورموییدیم. دئییب، نرگزی قوجا خلادی. دردلی آنا اتمیش اوغلونو تانیدی.
- محمد! .. منیم وفاسیز ایتگنیم! دئییب، اونو باغرینا باسدی.
حمید ئوز دردینی اونوداراق،

اسه - اسه یئریندن دوردو. گوزلریندن سئوینج قیغیلجم کیمی ساچیلردی.

داداش جان! سن سن؟! دئییه ئوزونو محمدین قوجاغینا

آتدی . بیرمدت اورك سوزلرینی دیل یوخ ، گوز یاشلاری ترنم ائتدی .
 نرگزین دردی چوخ ، اورده گکی یارالی ایدی . او ، محمدین زحمتینی ،
 جفاسینی چوخ چكمشیدی . آنجاق صفاسینی گورمه میشدی
 ئوپوش - گوروشدن صورنا ، اوچوده اوتوردولار . محمد ایله
 حمیدین سینه دفتری آچیلدی . نرگزاونلار تماشای ائتدیكجه ككچمیشلر
 یادینادوشدو . اوتوزایل بوندان قاباخکی حادثه لر گوزونون قاباغیندا
 جانلانماغا باشلادی . بلی ! او گوندن اوتوزایل ككچردی .

× × ×

نرگزاوندین قارا گونلوسود گل . او ، عمر و بویواوزو گولمهین ،
 کونلو آچیلمايان ، یوخسوللوق یاخاسینی تانیمیش ، غم - غصه ،
 همدیمی اولانلاردان اولوب . آنجاق ، هیچ وقت ئوزونو . بو قدر یازیق
 حسن ائتدیگی گونلری اولمایب .

او ، آنادان اولدوغو گوندن آتادان یتیم قالب . آتاسی بنا
 شاکردی ایمیش . ایشلرکن ، اوچ مرتبه لی بیر تیکیلیشدن دوشوب
 ئولموشدو . ایللرایله آرزوسوندا اولدوغو اوشاغینی گورمك اونا قسمت
 اولمامیشدی . قیزنین موشدولوق خبرینی اونا آپاران ، وای خبریله ائوه
 دونموشدو . قونشولاری اونا « بد قدم » ددئمشیدیلر . ئوز کورپه سیله
 باشسین قالمیش خدیجه نی ، شوکت خانم تزه دوغدوغو قیزی مریمه دایه
 دوتدو . اونون وجودیندن آرتیق استفاده ائتمك اوچون ئوز خیطینده
 اونا گون گورمز کیچیک بیر اوطاخدا وئردی .

بوگون بئله ، وارلی خانواده لرده خانملار زحمته دوشمه سین
 آریخلایب گوزللیگینی ایترمه سین دئییه ، قاباخلاریندا قره باش ایشلر .
 دوغدوخلاری اوشاغی دایه یه تابشیرارلار . خدیجه ده بیر تیکه چورك

اوچون، ئوزو واوشاغي آچيندان ئولمەمك اوچون، نرگزين جوت مەمە سىنين يېرىنى مريمە امىزدىرملى اولدو. بويلەلىكلە، نرگزله - مريم سود باجىسى اولدولار. گونلردونمگە، اوشاخلار قغىلداشماغا، بوى آتماغا، قارالتىنى آلماغا، ايمكلەمگە، داها صونرا آددىمالماغا، دىل آچىب دانشماغا باشلايدىلار. مريم اتلى - قانلى توتوخ، نرگزايسە، ايرى گوز، سارى بنيز، آرىق يىراوشاق اولدو. مريمىن هر حر كنى، دانىشىنى گولمگى، باخىشلارى - اعدالارى، آغلاماغي بئله هامىيا خوش گلەر، قوجاخدان - قوجاغا گزەر، دونه - دونه ئوپولردى. آنجا، نرگز نه قدر سئويملى اولسادا هيچ كس اونا باخماز، دىندىرمزدى. دوداخلار يىندا كى تمعنالى تىسملرە اعتنا ائىدن، داها دوغروسو، سايان اولمازدى. يىتم، ھمدە دول يىر آروادىن اوشاغي كىمىن نه يىنە لازم ايدى؟ بو حال اونون كيچىك قلىبىنى سىخار، روچىنى ازدردى. كوسگون حال آلار، اينجىدەر، قاش - قاباغىنى سالار، چپ - چپ مريمە باخىب غنچە دوداخلار يىنى بوزەر، قاشلار يىنى دارتاردى. خدىجە قىزىن بو حالىندىن غىصەلەر، اونو باغرىنا باسىب نوازش ائىدەر، ئوپەر، آنا محبتى ايله اونون اورە يىنى قىزدىراردى.

خدىجە اىگر مى دورت ياشىندا قارا ياغىز، ساغلام يىر قادىن ايدى. مريم سوددەن كسىلەندىن صونرا، شوكت خانم خدىجەنى بوراخمادى. او، الى دوز، باشى آشاغي، يورولماز - جدى يىر قادىن اولدوغوندا خانم و ادى فرحادخان اوندان چوخ راضى ايدىلەر. ھاميدان تىزدورار، ھاميدان صونرا ياتار، جانىنى جفايە باسار، اوزونە سوز دئىلمەگە قويمازدى. خدىجە نىن گىتمگە يىرىدە يوخ ايدى. ھارا گىتمەدە

قزىنىن وئوزونون قارنىنى دويورماق اوچون ايشلملى ايدى. نجه اولسا،
 بو ائوه - آداملارينا عادت ائتمىشىدى . اوز - گوزو ئوگر نيمىشىدى .
 بويله ليلگله ، گونلر آيلار ئوتدو . مريم ايله نرگز مکتب پاشينا
 دولدو . مريمى مکتبه گونددیلر . نرگز ايسه ائو ايشلرينده آناسينا
 كومك ائتمگه باشلادی . مريمله نرگز گوز آچيب ، بير - يئرده
 بويودو كلريندن ، سود باجيسى اولدوخلاريندان ، بير - يرينه « باجى ! »
 دئير ، اور كدن بير - ييرىنى سئوردیلر . مريم مکتبدن قايدان كيمى ،
 نرگزی چاغريب ، كتاب - دفتر قلمين اونون قاباغينا تو كردى .
 ئوگر نديگلرینی اونا سويلردى . بو حال نرگزده اوخوماغا سونسوز
 بير هوس اوياتسادا ، اونو اوخوماغا قويان كيم ايدى ؟ خديجه نين
 خياطلىقدا باجارىق و هنرى وارايدى . او ايشدن فرصت تاپديقجا ،
 قىزينا گل توخوماغى ، تيكيش تيكمك يوللارینی ئوگره در - بلکه ،
 بير گون دردينه دگدى . دئيردى . او ، اشتباه ائتميردى . ائله ده اولدو .
 نرگز تيكش ايشلريله ار ائوينده ئوزعائله سينه چوخ كومك ائده
 يىلدى .

شوكت خانمين مريمىدن بئش ياش بويوك ، رضاقلی آدلى بير
 اوغلودا وار ايدى . او ، لاپ كيچيك وقتلريندن بئله ، هميشه نرگزه
 ساتاشار ، ايلان كي - مى اونو سانجار - آغلادار ، اذيت ائدردى .
 اونا گورده نرگز اونو گورنده اوزاخلاشماغا جان آتار ، اوز - اوزه
 گلمك استمزدى . نرگز اون دورت ياشينا دولاندا ، رضاقلی اونا كج
 باخماغا سوز آتماغا باشلادی . سايفيسزلىغى او درجه يه يئتىرديكه ،
 خلوته دوشنده ، قوجاخلايب ئوپمكدن بئله ، چكىنمىدى . او ، وقتینی

تقریحده ، سناالاردا ، کئچردیگنیدن ، اوخویا بیلمه میشدی .
سکزنجی کلاسدان مکتبی ترک ائدیپ وئل - وئل گزمگه عادت
ائتمشدی . خدیجه خطرهمتوجه اولدوغونندان ، قیزی نی گوزدن قویمازدی .
اوگونلرده آللهوردی آدلی بیر نفر نرگزی استه یردی . ایشچی و
یوخسول اولدوغونندان ، خدیجه راضیلیق وئرمیر .

- منیم قیزیم هله اوشا خدد . دئیردی . نرگز اوچون شیرین
یوخولار گورور ، اونا لایق صنعتکار - گوزل بیر اوغلان آختاریردی .
قیزنین خوشبخت لیگی اونون آرزوسوایدی . رضاقلی نین اگری نظرلری ،
قیزنین لکه لنمک قورخوسو ، قیزدیرما دردی کیمی ، اونون جانی نی
یاندیریر - یاخیردی . آرزولارینی کول ائدیردی .

بیر یای گونونون آخشامیددی . شوکت خانم ، اری و قیزيله
قوناق گئتمشدی . رضاقلی بهانه گترب ائوده قالیمشدی . آخشام ساعت
سکز اولاردی . خدیجه قوناق اوطاغینی یغشیدیریردی . باشی اشه
قاریشمشدی . بیردن نرگزین بوغونوق حالدا ،

- آنا! . . . دئی ، باغرتیسینی ائشیتدی . باشی آللولو
پیلله لری سچرایب ئوزونو نجه زیرزمینه یئتردیگنی ئوزوده بیلمه دی .
او وقتنده یئشیمشدی . قیز ایت پنجه سینه دوشموش پیشیک کیمی ،
اونون اوز گوزونو جیریر . سیله لیر ، ال - قول چالیردی . رضاقلی
ایسه قویونا سوخولان جاناوار کیمی . نرگزی باسارالایب ، تر تو که
- تو که الله شیر ، زواللی قیزا تجاوز ائتمگه جان آتیردی . خدیجه نین .

- شرفسیز ، یاراما ز . . . دئی ، وحشی باغیرتیسیندان ،
گوزلری قیزمیش رضاقلی نین جانینا لرزه دوشدو . تنز نرگزی

بوراخېب ، دوردو . خدیجه یه باخدیقدا ، آیاق اوستونده جه قورویوب
قالدی . خدیجه نین پوزغون تئلری اوزونه داغیلماشدی . آلتیندا و
اوزونده ایری ترداملالاری قاربامیشدی . الینده آشبارپیچاغی ، گوزلرینی
قیرپمادان ، قورخونج باخیشلارلا اونا یاخینلاشیردی .

– اون دورت ایللیک امگیمین حقیدر ، الیمه وئرمک استه یرسن؟
! . . . دئییه نفر تله دولو وئرلن سوالدان .

– پوخ یمیشم ! آنلامامیشام ! منی باغیشلا! دئییه ، رضاقلی گئری
چکیلماگه ، دیلی دولاشا – دولاشا یالوارماغا باشلادی . خدیجه نین
هیجان و ناراحتلیغینین شدتیندن بدن تتره یر ، هیچ بیر شئی گورموردو .
ناموسیندان دفاع ائتمک اوچون الینی قانا باتیرماغادا حاضرایدی .
قوزونو وقتینده جاناوارین آغیزیندان سالدیردیغیندان اورگی بیر آز
توختادی . هیجان و احساساتینا غلبه چالدی .

– بودفعه سنی شوکت خانیم – آنانا باغیشلایرام – بیرده بئله
یارامازلایغا ال آتسان المدن قورتارمیا جاقسان ! چیخ رداول بوردان !
. . . دئییه ، باغریب اونو ائودن قووالادی . رضاقلی ئوز سوچونو
آنلامیش ایت کیمی ، اوردان اوزاخلاشدی .

خدیجه اوگونون سحری آلهویردیه آدام گوندیدبراضیلیغینی
بیلدیردی . نرگزی ار ائوینه کوچورتدو .

مریم ایسه ، ابتدائی مکتبی قورتاردی . ئوز تحصیلینی دوام
ائتدیرمک مقصدیله اورتا مکتبه گوردی . او ، دو قوزونجو قلاسدا ،
یئرینده سایماغا باشلادی . اوچ ایل دالبا دال رد اولدوغونندان ،
تحصیلدن بئزیب ، جوان یر اوغلانا قوشولوب قاچدی . بوحر کتیندن

تانیماز، یاد بیر آداما قوشولوب قاچدیغیندان آتا-آنا و خانواده سینین گوزوندن دوشدو و اونو ائولادلیقدان چیخارتدیلار. مریمین ارسئچمه سی سئویشمه سی حسابسیز و هوس اوجوندان اولدوغوندان حیات یولداشلیقلاری دا اوزون سورمدی. بئش آیلیق بیر کورپه سی قوجاغیندا ایکن، اری اونو بوشادی. ئوزوده باش گوتوروب تبریزدن گتندی. هارا گتندی، نجه اولدوغوندان هله ده خبر وئرمه ن اولمایب.

مریم قارا قاش، آلا گوزلو، بورما ساچلی، گوزل انداملی بیر - قادین ایدی. آز بیر مدته او، باشقاسیله سئویشیب بیر لشدیلر. تزه اری مریمی نه قدر سئوسده، اوشاغینی گورمه یه گوزویوخ ایدیی. مریم اوچونده، اونون راضیلیغی لازم ایدی. اوچوخ ئولچوب - بیچندن صونرا اوشاغی گوتوروب نرگزین یانینا گلدی. نرگزاو نو دانلایاراق. - سن نجه آناسان؟ آنادا ئوز بالاسینی هر یولدان ئوته نه قربان ائدیمی؟

- باجی جان! گلمدیم که، قاباغینا قویوب منی دانلایاسان. چارم یوخدور. اریم دئیر بو ائوده یا او - یادا من. اوشاغی گورنده ائله ییل قوتودا ایلان گورور چارم ندر؟ اگر سن بو کورپه نی ساхлаماغی بوینونا گوتورمه سن، من مجبورم اونو... دئدیکه، قهر اونو بوغدو. آنجاق، اورگی اوشاغینامی یانیر. یوخسا، تاپدیغی پوللوار الیندن چیخماغیندان قورخوب دولو خسوندوغونو چتین آنلاماق اولاردی. سوزونو تاملایا بیلمدی. مریم نه قدر چوخ بیلمش - حيله گر اولسا، مقابلنده نرگزاو، قدر ساده اورگی یومشاق بیر آدم ایدی. مهر و محبتله دولو قلبی رحمه گلدی. اونا آجیدی.

- مريم خانم! سن گورورسن كه ، من ئوز كيليمى سودان چىخاردا بيلمىم . سىن قودوغونو هاردان ساخلايم ؟ مريم اونون سوزونو كسرهك :

- بو كورپه نىن نه خرچى اولاجاق ؟ من آيدا سنه اللى تومن وئرم . داهادا سوزون وار ؟ نرگزين دولانىشىغي آغير كئچىردى . ارى حمامدا ايشلهير ، گونده دورت تومن پول آلىردى . ئوزوده دوشنده پالتار تىكمك ، گل توخوماق ايله كئچىنرديلر . بئش ياشىندا ياسمن آدلى بير قىزى ، آلتى آيلىقدا بير كورپه اوغلو وارايدى . اللى تومنين اونون دولانىشىغىندا تاثيرى آزد گلدى . گوزونو دولاندىريب اوشاغا باخدى . سكز آيلىق ، قارا ياغيز اوغلان اوشاغي ايدى . بيردرى - بير سوموك لويو اونو عيهجر بير شكله سالمىشدى . گوزلرى چوخورا دوشموش ، ياناق سوموكلرى قالخمىش ، اووردلارى باتمىش ، چنەسى اوزانمىشدى . آدم اوزونه باخاندا جاني چىمچه شىردى . نرگز ئوز - ئوزونه دوشونوب : « دئمك من بوغنترى ئولومون آغزىندان آليرام ؟! » دئيه ، اورە گى اونا ياندى .

- آى قىز ! بو كه ، لاپ آجلىقدان چىخمىشا اوخشاير . بيردن ئولسه ، من نه جواب وئرم ؟ دئيه ، سوال وئردىكده ،

- ئولسەدە - ئولوب . جوابى يوخدور . دئيه ، مريم جواب وئردى . نرگزين يوشالدىغىنى دويدوغوندان ، تئز كيغىنى آچىب ، اللى تومن پول چخاردىب نرگزين قاباغىنا قويدو .

- بودا بير آيلىق خرچى . سوز وئىرم ، آى با - آى پولونو سنە يئتيرەم . نرگز ترحم نظريله ، اونا باخىب

- مريم جان ! منيم سوزوم يوخدور . اما ، ياديدان چيخارتما ،
 سني سئون - اوشاغينيدا سئومردى . دئديكده ، او ، هوسله سيز ليكله :
 س اوشاغى استه مير ، منى سئوير . نه ائديسم ؟ . دئيىب ، اوشاغى
 يئره قويدو . . خدا حافظ نر گز جان ! دئيىب ، اوردان چيخدى .
 اوشاق آناسينين دالينجا فرياد قوپار اراق ، آغلادى . مريم طلبكار اليندن
 قورتارميش بورجلو كيمي ، دالينا باخمادان ، اوردان اوزاخلاشدى .
 آنجاق ، كورپه نين گوزو وفاسيزدا اولسا ، ئوز آناسينين دالينجا ايدى ،
 او گونندن محمد ، حميدين مهمه پايينا شريك اولدو . اونلار
 سود قارداشى اولدولار .

همين گون آخشام آلهووردى يورغون - آرغين بير حالدا . ائوه
 گيرنده ، ايكي كورپه ويغىلتى سى ائشيتدى . اونا ائله گلديكه ،
 قولاخلارى سسه دوشوب . دقتله باخديقدا ، گوردو حنير . دئيى سن ملا-
 نصرالدينين قازان قضيه سينه دونوب . اوشاق جوت اولوب . نر گزه دونرك :
 - نر گز خانم ! دئيى سن اوشاق ايكي اولوب ؟
 - گورورسنكه ، ايكي اولوبدا . آلهووردى اوشاخلارا
 ياخينلاشدى . دقتله اونلارى گوزدن كئچرديكدن صونرا :

- بو حميد در . بس بو عيبه جر كيمدر ؟
 - او ، عيبه جرده محمد در . كوچه دن تاپميشام .
 - كوچه دن تاپميسان ؟ قيز منى سريمه . بيز ئوزوموزه چورك
 تاپميريق ، ئاپديق ساخلايا جا خسان ؟ دئيى ، دونقولدا نماغا باشلادى .
 نر گز اونون ضعيف نقطه سيني بيليردى . تاخچادان مريم وئردىگى
 اللى تومنى كتيريب اونون قاباغينا قويدو .

- آلتی آیدر ائو کرایه سی یغیشیب قالیر . ملك صاحبی گونده قاپیمیزی دویور ، آپار اونون بورجونو وئر . دئدی . دوغرو داند ، ائو کرایه سی آللهویردی کیشینی داریخدیرمیشدی پولو گورنده گوزلری ایشیقلاندی . تعجبله :

- بو نه پولدر ؟ دئیّه ، سوروشدو . نرگز احوالاتی اولدوغو کیمی ، اونا سویله دی . آللهویردی داها بیرسوز دئمهدی .

بویله لیکله محمد ده بو یوخسول عائیله نین بیر عضوی اولدو . او ، کوندن نرگزین زحمتی بیرّه - ایکی آرتدی . بونون انسانلیغینین مقابلنده ، مریم خانم فقط ، ایکی آی محمده خرج وئردی . پول وئرمدیگی هج ، محمد اونون سینه دفتریندن همیشه لیک سیلیندی . محمدین جانی ئوز آناسینین عاطفه سیزلیگی و اونا اولان قایغیسیزلیگی نتیجه سینده اریمیشدی . اونا گوره ده ، تئز - تئز ، سو یوخلایر ، مریضله یردی . دفعه لرله او ، ئولومله الّه - یاخا اولموشدو . نرگز گئجه لر صبحه کیمی ، باشینین اوستونو کسیب ، یوخونو ئوزونه حرام ائدده ک ، اونون آغلاماق سسینه - زاریلتیسینا « جان ! » دئیّه ، جواب وئرمیش ، پرستارلیق ائدده ک ئولومدن قورتارمیشدی .

محمد بویودو گجه ، زحمتی - خرجیده آرتیردی . نرگز نه اریتین تهملرینه ، نه ده اونا اوره گی یانیب « آت گئتسین قیز ! بونه در ساخلا یرسان ؟ » ، « ئوز گه اوغلوندان آداما اوغول اولماز ! » ، « آپار قوی یتیم خانایا جانینی قورتار . » دئیّه ، یول گوسترنلرین نصیحتلرینه باخمایاراق ، گئجه - گوندوز زحمته قاتلاشیب اونا وفا - دارقالدی . پروانه کیمی ، اودونا یاندى ، سسینده چیخارتمادی . بیر

آنا اولاراق، اونون نازيله اوينادی، اونو بويوتدو. مکتب وقتي چاتاندا، ئوز دوغما اوغلو حميدله برابر اوخوماغا گونددی. بويله ليکله، محمد يياوش - يياوش بوي آتيب - بويودو. اته - قانا دولدو. نر گز حميدله اونو ياناشي گورنده ئوز زحمتينين بارينا باخيپ فرحله نيردی.

محمد ائوده نه قدر باشي آشاغا، مطيع اولسادا، چولده - مکتب محيطنده دالاشغان، دجل بير اوشاق اولموشدو. او، اون دورت ياشينا دولموشدو. بير گون قونشولارينين اوشاغی ايله، برك دويوشدويو يئرده، اوشاغين آناسی سسه چيخيپ بونلاری آرا لاشديران دان صونرا، سول اليني بئلينه ووروب، ساغ اليني ئولچه - ئولچه آغزينا گلني محمد دئدی. بونولا اوره گي سويومادی.

- سن دوزه مللي توخوم اولسايدين، آتا - آنان ساخلاردی
داها ئوز گه لرین قولتوغوندا بويومزدین. دئديکده، بوسوز محمدی برك دوتدو. سانکه، اوره گينه بير يارا ووردولار. اوردان، دوز نر گزين يانينا گلدی. نر گز او - دوتغون - دولغون گوردو کده، - نه وار؟ گئنه کيميله دالاشميسان؟ دئي، سوروشدو. محمد ئوزونو ساخلایا بيلمدي. گوزلرينده ياش کيله لندی. نر گز اونو قوجا خلايب نوازش ائدرک، ئويدو. چونکه، او هيچ وقت محمدی بو حالدا دوتغون، کدرلي و آغلار گورمه ميشدی. - نه وار، نه اولوب؟ سنکه، کوتک يئمکله آغلایان جانا وار دگلسن؟! دی گوروم نه اولوب؟ دئي سوال وئردیکده محمد هيشقريقلار ايچر يسينده، بوغولا - بوغولا، قونشو آروادين اونا دئدیگی سوزلری سويله دی. نر گز اونو اوووتما غاچالشاراق:

- او ، آنلامیر ، غلط ائدیر بوسوزو دئیر . سن منیم ئوز اوغلو .
 سان . دئدی . محمد اون دوت یاشا دولموشدو . داهاعقلی هر شئی کسیردی .
 اونا ائوده چولده ، اوشاخلیغیندان ، نر گزین اونا چکدیگی زحمتلردن
 چوخ دئمیشدیلر . آنجاق ، بوجور تعنه لی آچیق تهمت ائتمه میشدیلر .
 اونا گوره ده نر گزه یالواریب ، اصل حقیقتی اونا سویلمگی خواهش
 ائتدی .

نر گز اونون ناراحتلیغینی گوردو کده ، ئوزوده عصبانیله شدی .
 - نه اولسون ؟ آتا - آنا ن سنی آتدی . من دوتدوم . مگر ؛
 آنالیقدا زحمتیمی یا جانیمی سندن اسیر گه میشم ؟! دئییه ، محمدین
 اوستونه بوزاردی .

- یوخ . آناجان ! سن همیشه منمه مهربان آنا اولموسان . آنجاق ،
 من اصل حقیقتی بیللمک استهیرم . بونون نه ضرری وار ؟ دئییه محمد
 جواب وئردی . نر گزین حرصی بیر آرزو سو یودو .

- چوخ یاخشی . دئدی . ایندیکه بوقدر اصرار ائدیر سن ،
 دئییه رم ، هانسی قوشون یومورتاسیسان . دئییب ، محمدین سر گذشتینی
 اولدن آخیرا کیمی اونا سویلمگه باشلادی . محمد گوزلرینی قیر -
 پمادان ، دقتله اونو دنیله یردی . ائله که ، نر گز سوزونو قورتاردی ،
 محمد :

- بس بئله ! .. دئییب ، فکره گئتدی . دیریلیگینه باعث نر گز
 اولدوغونو یاخشی درک ائتدی . قلبینده دوغما آناسی مریمه قارشی
 درین بیر کین و انتقام حسی احساس ائتدی . غیری ارادی اولاراق ،
 - گرک من اونوتا پام . امگینی الینه وئره ! دئدی . او ، گوندن

محمد همیشه فكرلى دولانير، دانیشدیران اولماسا، دیلله نمر، یاسمن و حمیدین ظرافت و سواللارینا هوسله سیزلیکله جواب وئریر؛ ائله - بیلکه؛ سینه قفسه سی اورگینه دارلیق ائدیر، دالغین حالدا گزیردی.



تیرآیین اوللری ایدی. هوالار گئتدیکجه فیزماخدا ایدی محمد آیدین بیر سحر ائودن چیخدی. نهرا گلمدی. آخشام اولدو. اوندان خبر وئرن اولمادی. زواللی نرگز، بالاسی ایتمش آهو - کیمی، هر یئری بیر - بیرینه ووردو. گئجه نی صبحه کیمی، گوزونه یوخو گئتمه دی. بیر تیقلتی ائشیدن کیمی، یئریندن سچرایب قاپیا یوگوردو. آنجاق، محمددن خبر چیخمادی. گونلر - هفته لر ئوتدو. اوندان خبر وئرن اولمادیکه، اولمادی. نرگزه فقط، آیریلیق دردی - گوزیاشلاری قالدی.

محمد یوخ اولاندان بیر ایل صونرا، آللهویردی مریضله یب ئولدو. یاسمنی ده، بیر آله بنده سینه اره وئرديلر. نرگز ايله حمید قالدی.

محمدین یوخ اولماغی، اونون دالینجا ارینین ئولومو نرگزه دوزولمز درد اولدو. وجودی شمع کیمی، اریدی. فکر - خیالدا ن باشینا قار یاغدی. گوزلرینین ایشیغی آزالدی. ایش باجار یغینی الدن وئردی. بویله لیکله، ایش دوشدو حمیدین بوینونا.

اونون هله اوخوماق وقتى ایدی. قانماز آداملار کیمی، بوصه بتلر احتیاجین باشینا گیرن دگل، چورك دالینجا قاجمالی ایدی. یئر برک، او کوزخام. چیگینه - دوشموش آغیر یو کو داشیمالی ایدی. او، فداکارلیغی ئوز آناسیدان ئو گر نمیشدی. چوخ تلاشدان صونرا.

بیر مطبعه ده شاگردلیگه قبول اولوندو . وجودی ضعیف اولسادا ، چالشقان ، جدی و استعدادلی بیر اوغلان ایدی . آزمودنه ، چاپخانا ایشلرینی ئوگرندی . «حروفچین - چاپچی» صفتیله ایشلمگه باشلادی . چاپخانا گون گورمز ، رطوبت بیر زیرزمیده ایدی . هوانین پیسیلیگی ۱۲ - ساعت آغیر - یوروجوایش ، بدنین احتیاجینا گوره یئمک - ایچمک و استراحتی اولماماگی اونا گوج گلدی . هردن ، سویوق دگنده خفیف قوسگورک ونا راحتلیق حس ائتمگه باشلادی . هرشدن آرتیق اونا دینجلمک - استراحت لازم ایدی . آنجاق او ، ایشلهملی ، گونده لیک خرچلرینی چیخارتمالی ایدی . آخی ، اوندان باشقا چورک گتیرن یوخ ایدی . بوتون بو او یغونسوز لوخلار ، یاواش - یاواش اونا گوجدن سالدی . یورغان - دوشگه دوشدو . یئنه ایش دوشدو نرگزین بوینونا . آنجاق ، او نهائده بیلردی ؟ باجاریق و حرارتینی الدن وئر - میشدی . گوردویو ایشلر - ایش صاحبلا رینی راضی سالما دیغیندان ؛ داها هیچ کس اونا ایش وئرمیردی .

حمیده ایسه ، دوا - درمان لازیم ایدی . ائوده امیدى گلن هر نهیی وارا ایدی ، سادی - سودو . عمرو بویو هر زحمته قاتلاشیب ، هیچ کسین منتینی گوتورمه یین غرور لونر گز ، ایندی اوغلونون حیاتی نی خطرده گورور کن ، هر شئی اونو تئموشدو . الی هر ئیردن اوزولدویوندن ، اوغلونندان گزلی ال - آچماغا - دیلنمگه ده بویون اگدی . ئوز ، یاشاماگی اوچون اولسایدی ، حیاتی نا صون قویار ، ال آچمازدی . نرگزین اورده گینه آغیرلیق ائندن دردینی آنلاماق چتین دگل ایدی . بئله بیر حالدا اون آلتی ایل بوندان قاباق یوخاچیخمیش محمد بیردن

اونون قاباغيندا گو گرميشدى .

حميد باشلار يندان كئچەنى محمدە سويلەدى. سوزونو قورتاراندا
نرگزدولوخسونموش : المده يايى ما باخ ، گل اوزلو آيى ما باخ ،
چكديگيم زحمتيمه ، آلدېگيم پايى ما باخ
دئيه، بو باياتىنى سوزله دئدى .

محمد خجالتدن باشىنى آشاغا سالىدى . حميد آرايا سوز قاتاراق ،
- بو بيزيم باشىمىزىن قضا و قدردى ايدىكه ، سويلەدېم . ايندى
سندى گوروم ، نجه اولدو كه ، آي كيمي باتدين ، گون كيمي
چىخدين . بو اوزون ايللرى هارالاردا كئچيرتدين ؟ نه ايش گورورسن ؟
دئيه ، سوال وئردى . محمد سون سوز بير علاقە ايله حميدىن سويلەدېكرينه
قولاق آسميشدى . او ، بو عائله نين فلاكتە اوغراماسينا ، حميدىن
ورم خستە ليگينه مبتلا ، نرگزين ال آچماغينا مجبور اولماسينا باعث
ئوزونو گوروردو . او دوشونوردو : اگىر باش گوتوروب بوردان
اوزاخلاشمايىدى ، حميد له ال - اله وئريب چاليسا ، نرگزي
خوشبخت ائده بيلردى . حميدىن سوالىنين قارشىسىندا :

- من شوقئرم . دئيه ، جواب وئردى . حميد بو جوابا قانع
اولماي اراق :

- داداش جان! منده سىن بومدئده باشىندان كئچنلرى ائشيتمك
استەيرم . دئديكده ، محمد فكرە كئتدى . چونكه ، دئيه جك سوزو
يوخ ايدى . او ، بو صميميت - فداكارلىق اوجاغيندان اوزاخلاشانان ،
فتنه - فساد باتداقلىغيندا اوزموشدو انسانلىغى ، شرافتى اونوداراق ،
يرتيجى بير جاناوارا چەوريلميشدى . ائو داغيدىب آنالار آغلاتميشدى

او، نندن؟ ... گوردویوهانسی یاخشیلیقلاردان دانیشایدی؟ او،
ئوزونو حقیر، یاراماز، درده دگمه‌ین هرزه بیر علفه‌اوخشادر، اوتوردوغو
یئرده، خجالتیندن تر تو کوردو.

— داداش جان! منیم باشمین قضاسی چوخ اوزوندور. اگر
اجازه وئرسه‌نین باشقا بیر وقته قویاریق. سیزه، دینجلمک لازمدر.
دئدیگده، حمید داها بیرسوز دئمه‌دی. سانکه، اونون ایچریسنده کی،
طوفانی حس ائدیردی. گنجه یارییا آز قالیردی. محمدین آلتینا
سالماغانه دوشک، نده اوستونه ئورتمگه یورغان وارایدی. نرگز ال—
آیاغا دوشوب، ئوز الدن دوشموش دوشه‌ینی اونون آلتینا سالماق
استدیگده، محمد مانع اولدو. بیر طرفده، کیلیمین اوسته اوزانیب،
— من بوردا، بئله‌جه راحتیم. دئدی. بویله‌لیکله هر اوچو
اوزانیب یاتدی‌لار. آنجاق، ایلان ووران یاتدی، محمدین گوزونه
یوخو گئتمدی. اون آلتی ایلدن بری کئچردیگی چیرکین — قورخونج
حیات گوزونون ئونونده رقصه گلدی.

او، تبریزدن یوک ماشینلا یولا دوشموشدو. تهران
محیطنه دوشنده، تجربه‌سه سیز، سوتول بیر اوغلان ایدی.
ساعتلرله کوچه لرده هدف‌سیر اولاراق، دولانمیشدی. خیابانلارین
شولوخلوغو، آراسی کیلیمدن حر کتنده اولان ماشینلارین بوق و
گورولتولاری، گوگلره باش قالدیرمیش تیکیلیش‌لرین عظمتی اونو
حیرته سالمیشدی. هوالار ایستی اولدوغوندان، هاردا دوشسه، اوردا
جا یاتماق اولاردی. او، ایکی گونو بویله‌لیکله یولا سالدی. جییینه
اولان ریال‌لاری قورتاردی ایش اوچون هر یئرله باش ووردوسا،

مسخره ائدیپ یولا سالدیلار . اوچونجو گونو او، سحر دن آج ایدی . هر یئردن الی اوزولموشدو . آجلیق اونو لاپ الدن سالمیش ایدی . خیابانلاردا ، کوچه باشلاریندا ، هر آددیمدا راست گلدیگی دینلنچی- لری گوردو کده ، اودا دینلمک فکرینه دوشدو . نه قدر ئوزونه نهب ووردوسا ، شخصیت و وقاری اونون ال آچماغینا مانع اولدو .

- یوخ ، آجیمدان ئولسمده ال آچمارام دئی ، ئینه وه لله نه . وه لله نه دولانماغا باشلادی . آخشام اولدو . او ، گزه - گزه گلیب مجسمه یه ، اورداندا ، رضاشاه خیانینا چیخمیشدی . بیرمدت سرگردان گزندن صورنا ، یورغون - آرغین و آج بیر حالدا ، دانشگاهین جنوب غرب طرفینده ، دیوارین کونجونه قیسیلیب اوتوردو . اوراداجا محمدی یوخو آپاردی . آخشام ساعت اون بیر اولاردی . او ، شیرین یوخودا - ایکن ، بو یروندن دگن تپیکدن ، گوزونو آچدی . دوره سینی بئش نفر ئوزو یاشیندا و ئوزوندن بویوک اوشاخلار آلمیشدی .

اونلار محمده ساتاشاراق :

- گده بوردا نیه یاتمیشان ؟

- مگر دده وین طووله سیدر ؟ دئی ، وئر یلن سواللاردان محمد اولکמוש ، یئریندن سچرادی . یوخو باشینا وورموشدو . گنج کیمی ایدی . اوشاخلار بیر - بیرینه :

- دئی سن حریف خامدر .

- حریف خامدر ! حریف خامدر ! ها ها ها ...!

دئی ، هامیسی سس - سسه وئر یب ، بیرلیکده تکرار ائدیپ گولدولر . بو حالدا ، محمد بئش ایتین آراسینا دوشموش ، غریب بیر ایتنه بنزدیردی .

بونلارين بو حر ككتلى اوئا يوخو كىمى گليردى . باشىنى -
 گوزونو اليه اوكلارلايىب ، گيجلميش حالدا ، يئره اوتوردو . اوشاخلار
 اونون دورمه سىنى آلدىلار . بونلارين ايچىنده لور ، فارس ، كورد ، و
 بير نفرده آذربايجانلى وارايدى . او ، محمده ياخينلاشاراق ، اونونلا
 درد - دل ائتديكده ، آنلاديلار كه ، محمد تهرانا تزه گليب . ئوزو-
 نونده نه ياتماغايترى ، نده يئمگه چوره گى وار . آج در . ايچلرينده
 هاميسىندان بويوك ، نسبتاً ، بوينو يوغونو وار ايدى . او :

- اوشاخلار ! بس بوگون قوناغمزدا واردر . شامىمىزى بوردا
 جايئيه جگيك . هر كسكىن نه يى وار تو كسون اورتاي . ديئب ، بير
 روزنامه آچدى . چورك ، پنير ، قالباس و بير بطريده آراق شيشه سى
 اورتاي قويولدو .

بوييله ليككه ، محمده بو سفيلىر دسته سىن بير عضوى اولدو .
 بير نچه گون اوشاخلار اونويانلارينجا گزديرديلر . اوغورلوق يوللارنى
 اونائو گرتديلر . بيرى مهارتله ، بير خانمىن كىفنى قاچىردى . او
 بير يلىر اوتور ايستگاهلارنىدا ، سىنملاردا ، شولوخ يئرلرده - باسا-
 باسدا جيب كسىرلر . بعضاده ، بيرى دكانچى نىن باشىنى قارىشديرىر ،
 ايكينجى سى اليه گله نى چاليب كئچردى . محمد تجربيه چيخمىش
 شاگردلر كىمى ، اوستادلارنىن يانينجا دولانير ، هنرلىنى عملده
 گورور ، سلاخلانيردى . نهايت اودا ايشه باشلامالى ايدى .

آخشام اوستوايدى . ماشىنلار آردى - آراسى كسىلمدن حر كتنده
 ايدى . يولدان ئوتنلرين ، گزمگه چيخانلارين ليندن ترپنمك اولموردو .
 باتماخدا اولان گونشنى ايشيغى هله ، يئنى يانديريلمىش لامپا ايشىقلارنىن

نورونو بوغوردو .

محمد ايکي نفيولداشي ايله ، استانبول خيابانيندا - لاله زارين دورت يول آيريميندا دايانيب ، آج تولکو آواختاران کيمي ، ايتي گوزلريني هر طرفه دولانديرير - اوتوشوردولر . بو حالدا ، بير گوزل خانم نازلانا - نازلانا زر گر دکايندان چيخدي . او ، قيرمیزی گوللو ، آغ . بيردون گئيميشدي . گرده ني ، سینه سي ، اتلي - آغ قوللاري ، بالديرلاري آهن روبا کيمي ، هامينين نظريني ئوزونه جلب ائيدirdi . باشينين توکلريني کله قند شکلنده دوزلندرميشدي . قاشلاري کمان دگل ، اوخا بنزه يردی . ايري - آلا گوزلريني سوزدوره رک ، هر طرفه باخير ، ادا و حر کتلي ايله ، هر يولدان ئوته ني ئوزونه تماشا ائتمگه مجبور ائيدirdi .

الينده آغ کيفي واريدي . بو متجدد خانم بالا لوطولاريندا نظر دقتيني ئوزونه جلب ائتدي . قاش - گوزله بير - بيرينه اشاره ائدره ک ، اونون دالينجا دوشدولر . محمده :

- جواهر دکايندان چيخدي . يقين که ، آلدیغي کيفينده در .
- دورما ! دالينجاسورون ! هاردا گوردون فرصتدر قاپ - قاج !
- قورخما ! . . . بيزده دالينجا گليريک . دئيه ، اونو قوروب قادينين دالينجا سالدیلار . محمد قادينی تعقيب ائتمگه باشلادی .
ندنسہ ، مبهم بير - قورخو اونون وجوديني بوروموشدو . گوزلري قاديندان باشقا هيچ کسی گورمور کيمي ، قاباغينا گلنلري ايله کنارا ووروب کئچردی . خام حر کتلي هر گورہ ني شهبه يه سالاييلردی .
او ، حتا بير کيشيکچي پاسبانادا توخوندو . پاسبان قايديب اونا

باخاندا ، دئەسن ، حریفین مقصدینی آنلادی. اودا ، یاواش یاواش اونون دالینجا حر کته باشلادی . خانم خیابانا چیخدی . ال قالدیریپ تا کسی ساخلاماق استهیر کن ، بیردن ، محمد جوموب کیفی الیندن قاپدی . خانم چیغیریپ ،

– وای ! . . قویماین کیفی آپاردیلار ! . دئیه ، چغیردی . محمد ئوزونو قارشیغا سالدیقدا ، دالیدان آغیر بیر ال اونون چیگینه دوشدو. تهرانداعادتند ، بیر یئردن سس قالخسا هامی اورا یغیشار. خانمین چغیرتسی ، محمدین دوتولماغی بویوک بیر ییغما سبب اولدور. یتره ن « اوغرو ! » دئیه ، اونا بیر قاپاز یا دورتمه ووروردو . پاسبان کیفی اونون الیندن آلدی. باتونو ایله بدنینی یومشالتدیقدان صورنا ، خانملا برابر کلانتیرییه دوغرو آپاردی . محمد دویولنده ، ائله جه ده پاسبان قولوندان دوتوب کلانتیرییه طرف سوروینده ، گوزلری یولداشلارینی آختاریردی. آنجاق ، « حامیلر » چوخلان اورتادان چیخمشدیلار . ایلک اوغورلوغو اولدوغو اوچون محکمه اونا اوچ آی ایش کسدى. محمدی بویوک - دمیر قاپیدان ایچری ئوتوردولر . دوشدویو بویئنی محیط محمده تانش دگل ایدی. هو یوخموش حالدا ، هر طرفه بویلاندى. هر شئی اونا یابانچی - یاد گوروندو . بیر طرفه چومبه لثمه قوروب اوتوردو. نهچه گوندن بری باشینا گلنلری خاطرلادی . غریبلیک اونو سیخدی . اوره گى گوره لدی . آناسینی ایترمیش بالاجا اوشاق کیمی ، بوغونوق ایشقیر یقلار ایچری سینده آغلاماغا باشلادی. اوشاخلار بوتزه گتیر یلمیش قوناغین دوره سینی آلمیشدیلار . آغلادیغی اوچون ، اونو مسخره ائدیر ، هره سی بیر سوز دئیب ، گولوشوردولر .

- بیچاره اوشاغی سوددن آیریلا . اودورکه ، آغلایر .
 - اوتان گده!.. خجالت چک! آرواد دگلسن که، آغلایرسان؟
 - پولون اولماسادا ، قورخما . بوردا یئمک - ایچمک مفتہ در .
 - بلکه ، رحمتلیک ددهسی یادینا دوشوب . اونلار سوز آتدیقجا
 محمد چپ - چپ باخیر ، دولموش گوزلرینی سیخردی . هچ بیرسوز
 دئمه یردی .

- اوشاخلار ! اونو قیناماین . منده اول بورا دوشنده داربخد -
 یغمندن ، دیونجا آغلامیشدیم . آغلایاندا آدامین اوره گی توختایر .
 آغلا ، داداش ! آغلا ! .. گولوش سسلری اوجالدی . بیر نفر اونون
 یانیندا اوتوروب :

- سن دردلی ، من یارالی . کیمه دئیم دزدیمی ؟ دئیہ ، اللرینی
 دیزینه چیرپپ یالاندان آغلاماغا باشلادی . یئنہ گولوش سسلری
 اوجالدی . اوشاخلاردان نسبتاً ، بیر آز اوجا - جانلی ، قارا یاغیز بیر
 اوغلان :

- یئرہ گیرہ سن ، بئلہ اوغول ! .. دئیہ ، ایکی اللی محمدین
 باشینا قاپاز سالدی . اونون بو « دوزلو » ایشی اوشاخلارین شدتلی
 گولوشونه سبب اولدو . آنجاق ، محمدہ چوخ آغیر گلدی . یئریندن
 سچرایب اوغلانا دوتارلی بیر سیللہ ووردو . اوغلان بیر آز گیجه لن
 کیمی ، اولدو . سسلر - گولوشلر کسیلدی . او ، ئوزونو دوغرولداراق
 قاپارمیش حالدا :

- گده منی وورورسان ؟ ! دئیہ ، محمدلہ البہ - یاخا اولدو .
 اوشاخلار سونسوز بیر هیجانلا ، خوروز دیوشونه تماشا ائدن آداملار

کیمی، اونلارین دوره سینی آلدیلار . بیز محمدین دویوشکن اولدوغونو اونو تمامیشیق . حریفی بویدا اوندان اوجا اولدوغونا باخمایاراق ، ال آچماغا قویمادی. ضربه لری بیر بیرینین دالینجا یئندیریر ، سانکه ، بوتون آجیغینی اوندان آلماق استه یردی .

کشیکچی الینده کی باتونو هر طرفه دولانديريب تماشاچیلاری داغیتدی . اوغلانی محمدین الیندن آلدی . معر که قورتاردی .

آخشام یاتی وقتی محمدین یوخوسو گلمدی . دونن یئدیگی کوتکلرین آغریسینی ایندی حس ائدیر ، بوتون بدنه نی سیزیلدایردی . او ، دوتدوغو ایشین غلط اولدوغونو ایندی آنلاماغا باشلادی .

– بونه ایش ایدی من گوردوم . دیئه ، پشیمانلیق چکر ، مبهم ، قارانیق گله جگینی دوشونوردو . اما ، چوخ گئج ایدی . دومانلی فکر لر ایچریسینده اونو یوخو آپاردی .

محمدین دونکی چیریشمادا کی جسارتیندن اوشاخلار حساب آپارمیشدی . داها اونا ساتاشماغا هچ کسده جرئت یوخ ایدی . اونلار دوست اولماغا – قیلیغینا گیرمگه باشلادیلار .

ایکی – اوچ گون ایچریسینده هامی ایله دوستلاشماغا ، عادت ایتمگه ، محیطه اویشماغا باشلادی . داریخما – غریبلیک توزوچکیلدی . یولداشلاری اساس اگله نجه لری اولان قمار اوینونو اونا ئوگر – تدیلر . چوخ وقتلر دوره قوروب ، باش – باشا ئوئرک ، ئوزسر گذشتلریندن داستانلار قوروب سویله یر ، اوغورلوخلاریندان ، دیوار لاردان آشیب حیطرله دوشدو کلریندن ، حر کتده ایکن ، سچرایب ماشینین ایچیندن شئی سالماخلاریندان ، توتولماخلاریندان ، دویولمکلریندن ، کله

وورماق، پىچاق چىكمكلىرىندىن شىشە-شىشە دانىشیر دىلار. محمدده دقتله اونلار قولاق آسیردى. ياواش - ياواش، سینمالاردا قهرمانلىق و جنایت موضوع لاریندا کی، فیلمره تماشا ائدیپ، تحت - تأثره قاپلمیش؛ خیال عالمینده ئوزلرینی اثرلرین قهرمانی یئرینده گورمك استهین جوانلار کیمی، محمدده ئوزونو بو کیچیک یارامازلارین یئرینده گورمك هوسی قلیبنده اویانماغا، پرواز اتمگه آماده اولان قوشلار تىك قانات چالماغا؛ گونلر ئوتدو كجه، بو فکرلر قوتلنمگه، ئوز پاك دویغولارینی اونوتماغا باشلایردی. بویله لیكله، اوچ آیدا دارالتأدیپ اونوسلا حالانمیش، آماده بیر اوغرو کمی ائشیه بوراخدی. محمد سونسوز بیر علاقه ایله ایشه باشلادی. دویوله - دویوله، زندانا دوشوب چیخا - چیخا، پیشدی، بر کیدی. بویو دو. ایگر می یاشینادو - لاند، بدنی گوزله نیلمز بیر طرزده بویویوب هیكللی، قوتلی، چپیک - قیوراق و قورخماز بیر جاناوارا چئوریلدی. وورشدا - دویوشده هیچ کس قاباغینا چیخا بیلمه دیگیندن، اونا «قارتال» آدی قویوب دسته باشی ائدیله. بویوک اوغورلوق، قاچاقچیلقلار پیشه سی اولدو. هر پیس ایشه ال آتدی. گونو قمار اویناماق، بدمستلیکله کئچدی. زندان دده ملکونه چئوریلدی. بویله لیكله او، ایگر می دوققوز یاشادولدو.



بیر گون قارتال جواهرات سراغیله بیر حیطه اوغورلوغا گیرمیشدی. هامی یاتمیشدی. آنجاق بیر قادین آیق ایدی. او کورپه - مریض بیر اوشاغین باشی اوزرینده اوتوروب، اونا لایلائی دئیر، هر ایکی ساعتدن بیر بوغازینا چای قاشیغیله درمان تو کوردو. اوشاغین مریض -

لیگی آغیر و ناراحت ایدی. او، هم قوسور، هم آياق یولوچکیردی. هامی شیرین یو خودا ایکن، آنا پرستارلیق ائدیردی. گوزونو او - شاغین اوزوندن آیرمیردی. هچ عاشقین عشقی آنانین ئوزبالاسینا اولان سئوگیسی قدر یو کسک اولایلمز. آنا محبتی پاك آسمانی بیر هدیهدر. اونون بوتون وارلیغی ئوز کورپه سینه باغلی در. او، گاه الله یالواراق، بالاسینا شفا دیلیر، هر دنده گوز یاشی اولدوز کیمی، یاناخلاریندا پاریلدا یردی. قارتال ساعترله بو منظره یه تماشا ائتدی. یورولدو. آنجاق، آنا یورولما میشدی. اول آخشامدان اولدوغو کیمی، همان حرارت و محبتله اوشاغین باشینا دولانیردی. نه یوخو یادینا دوشور، نده بئزیردی. آنانین بو حالی قارتالین روحینه، قانینا، ایلیکلرینه قدر ایشله دی.

- آنا محبتی! .. دئی، دوداخلاری ترپندی. اونون یاتمیش دوینغولاری او یاندی. قارتالی تهرانا چکیب گتیرن ئوزدوغما - وفاسیز آناسیندان انتقام آلماق حسی ایدی. او، ایللر ایله اونو آختاردی. آنجاق، مریم ایکنجی اری ایله ده سازش ائده بیلمه میشدی. اری او نا خیانت ائتدیگی سندن، زهرا یچیپ ئوز حیاتینا صون قویموشدو. نرگزین: «سنی سئون اوشاغیداسئوردی» سوزلری ئیرینی دوتموشدو. بو خبردن قارتال او قدرده دو تولمادی. چونکه، قارتالین بوینوندا اونون آنالیق حقی یوخ ایدی. قارتالین یادینا دوشن آنالینی نرگز ایدی.

- دئمک، اودا منی بوز حمتله بویودوب؟! دئی، فکره گئتدی. اونون نوازش و محبتلری - قایغیسی یادینا دوشدو. بو تصادف او نا،

اوقدر تائثر ائتمیشدیکی ، هاردا اولدوغونو بئله اونوتموشدو .
 - آه ! .. آنا ! .. دئییه ، اورده گیندن قوپان ناله حیطه یاییلدی .
 قادین بو سسدن دیکسینب آیاغا دوردو . قارتال قورخدوغونو گور -
 دوکده ، اونو قورخودان چیخارتماق مقصدیله ، پنجره نین قاباغینا
 چیخدی .

- قورخما ! قورخما ، باجی ! من .. من .. دئییه سوزونودئمک
 استدیگده ، آنا بو بیچیم سیز - دیوصفت آدامین قیافه سیندن وحشت
 ائدرهک ، چیغریب ئوزوندن گئندی . قارتال بویله گورنده ، شاشیرمیش
 پشیک کیمی ، سیچرایب دیواردان ئوزونو کوچیه سالدی . اونون
 تاپیلتی سینا ، آوارا ایتلرین هوروشمه سسی باشلادی . یولداشلاریندان
 ایکی نفر جیب ماشینیدا اونو گوزله یردیله . او ، ئوزونو یولداشلارینا
 یئتریب ، سرعتله ماشینینی حرکته گئیردی . اونلار قارتالی ال - آیاغینی
 ایترمش ، پوزغون گوردو کده ، بیرى :
 - اله گتیره بیلمدین ؟ دئییه ، نگران باخیشلارلا اونا سوال
 وئردی .

- یوخ ! .. دئییه ، قارتال حدتله جواب وئردی . یولداشلاری
 قارتالی فقط ، برك مست وعصبانی اولدوغو زمان بو حالدا گورموشدولر .
 او ، دوغرونداندا مست ایدی . اما ، شراب مستی دگلدی .
 گئجه دن چوخ کئچمیشدی . او ، یورغون - ازگین بیر حالدا ،
 ئوزیا تاغینا اوزاندى . فکری هله ده ، مریض اوشاق و آناسنین یانیندا ایدی .
 اون بئش ایل آیریلیقدان صونرا ، نرکز ، حمید ، یاسمن و آللهویردی
 کیشی یادینا دوشموشدو . اونلار گوزونون قاباغیندا سان گئدیردیلر .

بويله ليكله ، اونو يوخو آپاردی .

اثرته سی گونو آخشام چاغی ایدی . قارتال روزنامه لرده بیر خانمین ئوز مریض کورپه سینین باشی اوزرینده چیغیریب حالدان گئتیدیگینی ، هله ده هوشا کلمه دیگی خبرینی اوخودو . باشیندا توکلری بیز- بیز اولدو . روزنامه ده گوستریلن آدرس ، بو اوغورولوغا گئتیدیگی ائو ایدی . قادینین قورخودان اوره گی گئچمیشدی . دئمک ئولسه ، قاتل - قارتال ئوزوایدی . آنجاق ، قارتال اونو ئولدورمک استه میردی . او ، بونون قلیبنده دونموش آنا محبتینی ئوز حرارتیله قیزدیرمیش- یومشالتمیشدی . ئوز اوشاخلیغینی ، نرگزین چکیدیگی زحمتلری یادینا سالمیشدی . بو خبردمیرچی چکیجی کیمی ، کلله سیندن دگیب اونو گیجولتمیشدی . التهاب و هیجانیندان آزقالیردی باغری چاتلا سین . قادین «شفا» مریض خاناسیندا یاتیردی . قارتال تا کسییامنیب مریضخانایا گلدی . قاپیچی لارا انعام وئرمگله ، ئوزونو کشیکچی دکتره یتیردی . ئوزونومریضین فامیللریندن معروفچولوق ائدره ک ، حالینی سوروشدو . دکتر متفکر و دالغین بیر حال آلاراق :

- مریض هله که ، آیلمایب . قلبی چوخ ضعیفدر . امید چوخ آزدر . هر حالدا ، بیز باشاردیغمز قدر چالیشاجایق . دئدی . قارتال ده لی کیمی ، اوردان چیخدی . هدقسیز اولاراق ، بیرمدت کوچه لرده قدم ووردو . داریخدیغیندان آز قالیردی فریاد قویاریب « قاتل منم !... » دئی ، باغیر سین . نهایت ، او ، میخانایا پناه آپاردی . آراق استکانلارینی دالبا دال بوشالتدیکی ، هر شئی اونو تسون . لکن ، عکسینه ، ایچدی کهجه آنانین و کورپه نین خیالی داها آرتیق گوزونون ئونونده جانلانماغا ،

بویومگه باشلادی . لول کتغلی ، آنجاق ، پریشان و کدرلی بیر
حالدا ئوزونو یاتاق اوطاغینا سالدی .

سحره یاخین ایدی . او - ئوزونو تبریزده - بویودویو یوخسول
خانواده نین ایچینه گوردو . نرگز ، حمید ، یاسمن و آللهویردی
غملی بیر حالدا ، او توروب باشلارینی آشاغا سالمیشدیلا . اونون
سلامینا جواب وئرن اولمادی . هر طرفه دوندو ، اونا اعتنا سزلیقلا
جواب وئردیلر . بو حال قارتالی داریخدیردی . نرگزه یاخینلاشاراق :
- آنا جان ! منم ، محمدم ! دئدیکه ، نرگز باشینی یئردن
قالدیردی . سونسوز بیر نقرتله اونون اوزونه باخاراق :

- یاراما ! اوغرو ! قاتل ! .. دئییه ، ذیل - ذیل اونون گوزلرینین
ایچینه باخدی . قارتال اونون کسگین باخیشلارینین قارشیسیندا تاب
کثیره بیلمه یب ، اوزونو حمیده ، یاسمنه ، داها صونرا ، آللهویردی
کشییه طرف دوندردی . هر طرفه دوندو ، نرگزین « یاراما ! اوغرو !
قاتل ! » دئییه ، دئدیگی سوزلری ائشیتدی . اونلارین مهر - محبتدن
اوزاق ، نقرتله دولو باخیشلاریندان یاخا قورتارماق اوچون :
- آناجان ! .. دئییه ، نرگزین قاباغیندا دیز چو کوب یالوارماغا
باشلادی . نرگز ساکت - یومشاق باخیشلارلا :

- گئت بوردان ! گئت ، اوره گینی دگیش ، انسان اول ! ..
دئدیکه ، قارتال وحشت ایچریسینده یوخودان اویاندی . اونون بوتون
بدنینی تر باسمیشدی . اوره گی شدتله دیونوردو . یئرینین ایچینه جه
اوتوروب ، نرگز « گئت بوردان . گئت اوره گینی دگیش ، انسان اول ! »
دئییه ، دئدیگی سوزلری کلمه - کلمه تکرار ائتدی . او ، تبریزدن

چیخاندانر گزین کچیک بیر عکسینی جیسینه قویوب ئوزوایلہ گتیر میشدی .
 بویوتدوروب باشینین اوستونه - دیوارا وورموشدو . عکسین قاباغیندا
 دیز چوکوب :

- آناجان! آند ایچیرم سنین سودووه! منه چکدیگین زحمتلره!
 انسان اولماغا چالیشاجام !!.. دئیب دوردو. پالتارلارینی کئیپ سرعتله
 ئوزونو مریض خانایا یئتیردی . کشیکچی دکتربله عوض اولمامیش ،
 ئوز اوطاغیندا ایدی . او ، قارتالی گورهن کیمی :

- خطر ئوتدو . مریض آیلب ، حالی یاخشیدر ، آرخاین اول .
 دئدیگده ، قارتال قلیبنده سونسوز. بیر سئوینج دویبدو. سانگه ، اوره گی
 یونگولله شدی . ائله بیل که ، دنیا لاری اونا باغیشلادیلار . دکتردن
 راضیلیق ائدرهك اوردان چیخدی . او دقیقه دن ، فتنه - فساد اوجا -
 خلاریندان اوزا خلاشدی . بو مدته او ، ماهر بیر شوفر اولموشدو .
 بیر شرکنده سوروجولو گه استخدام اولوندو . اونون توبه ائدیپ ،
 بیردن دگیشیر یلمه سینه هامی شبهه ایله باخیر ، بونو یئنی نقشه ، بیر
 کلک کیمی ، تلقی ائتسه لرده ، او یولونو دگیشیمیشدی . بیر ایل
 بویله لیکله کئچدی . قارتالین گونلونه وطن و آنا صو و داسی دوشدو .
 او ، مرخصلیک آلا راق ، عائله سینی گورمک اوچون تبریزه گلیشیدی .
 گمانی گلن یئر لردن آلله ویردی کیشی و نر گزی سورا خلا شیردیکه ،
 کاظم آغایا راست گلمیش و میخانایا دعوت اولونموشدو . تصادفاً ،
 بوردانر گزله اوز - اوزه گلیب ، حمیدین وره مخسته لیگینه دو تولدوغونو
 گوردو .

گناهسیر آنانین ئوز مریض کورپه سینین باشی اوستونده ئوزوندن

گئتمه‌سی قارتالی آییلندی ، ئوزونه گئیردی . چیر کین عمللرینی آتاراق ، توبه ائتدی . ایندیه ، یاتمش وجدانی اویانمیشدی . اونو انسانلیغا دوغرو صووق ائدیردی . او ، ئوز گناهلارینی فداکارلیق ، اگر لازیم گلسه ، ئوز قانیله بئله ، یوماغا حاضر ایددی . ئوزونو زواله اوغرامیش نر گز و حمیدین حامیسی گورور ، حمیدین معالجه‌سی اوچون فکرلشیردی . بو رطوبت گون - گورمز اوطاغین ورم خسته - لیگی ایله سازیشی اولمادیغینی دوشونوردو . اونون قارشیسیندا ، اوطاگی دگیشمک ، راحت و آسوده بیر یاشایش قورماق دوروردو . بونون اوچونده پول لازیم ایدی . ایشله‌مکله ، چالشاخلا بو - پولودوزلتمگه ایللر ایله وقت لازیم ایدی . آنجاق ، او ضروری احتیاج قارشیسیندا ایدی . سحره کیمی ، فکرینده ووروشدوراراق ، یول آختاردی . خوروز - لارین اوچونجو بانیندا اونو یوخو آپاردی . ساعت سکیزی ووراندا ، قارتال یوخودان آییلدی . نر گز و حمیدین مهر - محبتله دولو تبسم لریله قارشیلانندی . چای حاضر ایدی . ال - اوزونو یویوب ، کئچمیشده اولدوغو کیمی ، باهم سفره نین دوره سینده اوتوردولار . ساعت دوققوزا آز قالیردی . محمد دوردو . بیر دسته پول چیخاردیب نر گزین قا - باغینا قویدو .

- آنا جان ! . حمیده یاخشی باخ . هیچ بیر شئی اسیر گمه . امیدوارم که ، منده تئزلیگله قاییدام . دئدیگده ، نر گزین چهره‌سینه غملی بیر دومان چو کدو .

- سن گئدیرسن ؟ ! . . .

- بلی ، آنا جان ! من گئتمه لیم . دئدیگده ، نر گزین گوزلرینده

ياش ھالقالاڭدى . حمىدىن اوزونە امىدىسىزلىك توزو اوتوردو . اونون باخىشلار يىندان ، محمدىن جانىنالىر زە دوشدو . سانكە ، او باخىشلاردا « منى بو حالدا آتيب ھارا گىدىرسن نامرد ! » دئيە ، افادەنى اوخويوردو .

حمىدى قوجاخالايب باغرىنا باسدى . دونه - دونه ئوپىرەك :

— من قايدا جاغام . اينان ، داداش جان ! آندايچىرم . ھەدە ، ھمىشەلىك قايدا جاغام . دئيە ، اونلارا امىد وئىرەك ، اوران چىخدى .

محمد نرگىزە وئىردىگى پول مىن ايگى يوز تومن ايدى . ئو كرايەسى آيلارلايغىشىپ قالمىشىدى . باققالا ، چورە كىچى يە بورجىلوايدى .

نرگىزىر نىجى نوبەدە طلبكارلارى راضى سالدى . صونرا حمىدىن معالجه سىنە اقدام ائتدى . اونون آرزوسو فقط ، اوغلىنون ساغالماغى ايدى .

حمىدورەم دردىننن ايلك دررە سىنى كىچىرىدى . معالجه سى چىتىن دىگلىدى . دىكتىزىن اصرار يىلە ، نرگىز ھمىن حىطدە گون دوشن بىر اوطاغا كوچدو . حمىدە لازم اولان دوا - درمانى آلدى . راحتلىغى - نى ، يىمك - اىچمىگىنى قايدا يا سالدى . بىر آي مدتىندە ياواش - ياواش مريضىن رنگى آچىلماغا ، دىزلىرىنە قوت گىلمە گە باشلادى . آنجاق ، معالجه سىنى دوام ائتىدىرەك لازم ايدى . حمىدىن روحيەسى قويلەشەر ، دررە اوستون گلىردى . ايگى آي كىچىدى . محمدىن خبر چىخمادى .

پول قورتاردى . بىچارە نرگىز ئىنە ئىلام - ئىلىمە قالدى . او ، حاضر - ايدى گوزلىرىننن ايكىسىندە اليندن آلسىنلار . آنجاق ، حمىدىن معالجه سى دايانماسىن . يوخسوللوق ئوز آمانسىز - ايتى جايناخلارنى اونون بوغازىنا يىرلىشىدىر مىشى . ناراحتلىق و ھىجىنى صون دررە جەيە چاتمىشىدى .

ياين ايلك گونلری ایدی . گونش ئوز قیزیل - ایللق ساچا -
 خلارینی پنجره دن ایچری سالمیشدی . نر گز حمیدین صبحانه سی
 فکرینده ایدی . گنگنه باققالا مراجعت ائتملی ایدی . اگر ، نسیه
 وئرمکدن بویون قاچیرتسا ، نه ائتملی ؟ دئییه ، دوشونوردو . حمیده
 دوروب ، ال - اوزونو یوموشدو . آینانی قاباغینا قویوب ، باشینی
 دارا ایردی . نر گز ئوز ناراحتلیغینی گزلمگه چالیشسادا ، حمیدین
 آیق - ایتمی باخیشلاریندان یایا بیلمیردی . بویله بحرانی بیر دقیقه ده
 قاپی دیولودو ، پوسچو نر گزین آدینا سفارش کاغذینی وئردی . نر گز
 اللری اسه - اسه کاغذی آچدی . اونون آدینا ایگر می مین تومن پول
 گوندریلیمیشدی . کاغذین آلتیندا . محمدین آدینی اوخودو . هیجاندان
 اوره گی ضعیفله یب ، یئرہ چو کدو . حمید قورخموش :

سنه نه اولدو ، آناجان ؟! دئییب ، اونو قوجا خلادی . نر گز
 ئوزونه توختا خلیق وئرہ رک ، الینی اوغلونون تئلرینه چکدی ، صورنا ،
 اونون اوزونو تتره یین الیه ئوز - اوزونه یاپیشدیردی . آغریلاری
 توختامیش یارالی کیمی ، اوزونده راحتلیغی - خوشحاللیغی آندیران
 بیر تبسم گوروندو . ضعیف بیر سساره :

- هچ ، اوغلو ! دئییب گوزلرینی دولدوردو . الینده کی کاغذی
 اونا اوزاتدی . محمد اونون امگینی ایترمه یب ، یامان گونونده دادینا
 چاتماغی اونون اوره گینی یومشالتمیشدی .

چوخ چکمدی که ، حمیدین حالی دوزه لدی . سینه سیندن گوتورو -
 لموش عکسلر جگر لرینین ساغالدیغیندان مژده وئردی .
 پول گوندرندن صورنا ، داها اوندان خبر چیخمادی . بیر نچه

آی كئچدى . بىر گون حمىدىن گوزو روزنامه ده بىر عكسه ساتاشدى.
 بو قىافه اونا چوخ تانىش ايدى. بلى، او - ئوزوايدى . محمد ايدى.
 حقينده « قارتالين ئولومو » سرلوحه ده مفصل بىر مقاله يازيلمىشدى .
 آنجا قىنا اوچون توبه سىنى سىندىر دىغىندان هيچ بىر سوز يازيلمامىشدى.

قوجالیقدا یورغالیق

حاجی فرج آلتیش یاشیندا ، آلچاق بویلو ، قارا یاغیز،دولو،
ئیکه قارین ، گوزلری کیچیک ، باشی داز ، ساده و خوش صحبت بیر
آدام ایدی . جوانلیغیندا چوخ زحمت - مشقت چکمیش اولسادا ،
ایکنجی دنیا محاربهسی دورونده بازاری دوتموش ، قاچاق مال آلیب
ساتماخلا ، ئوزونه گوره دولانیشیق دوزلده یلمیش ایدی . شهرین
لاپ گوزونده حیه طی ، دکانی ، زندگانلیغی وار ایدی . اصل ایشی
بقال اولسادا ، جنگدن صورنا ، ایشی بویودوب خرازی دکانینا
دوندر میشدی .

اونونلا - منیم تانیشلیغمه لاپ جوانلیق - یوخسوللوق وقتلریندن
باشلامیشدی . حاجی چوخ صحبت جیل آدام ایدی . اگر بیرى چنه -
سینین آلتینا دوشسه ، الیندن قورتارماغی آللهه قالمیشدی . صحبتلریده
معمولا : ئوز سر گذشتیندن ، چکدیگی چتینلیکلردن ، ائتدیگی
یاخشیلیقلاردان ، بیر سوزله ، انسانلیقدان - گذشتدن اولاردی . حافظه دن
بیر آزکاسب اولدوغوندان ، چوخ وقت صحبتلرینده تکراره یول وئره ،
قولاق آسانی یوروب - بزدیره ، دده سینی یانديراردی . من اونون
یانینا تئز - تئز گئتدیگمدن صحبتلرینین منیم اوچون تزه لیگی یوخ

ایدی . بوراسینیدا دئیم که ، آرامیز یاخین اولدوغوندان منیم سوزوم
اونا توخونمازدی . اونا گوره ده ، سوزه باشلایاندا ، اگر اثیشتمیش
اولدوغوم بیر صحبت اولسا ، سوزونو کسب :

– داداش ! بونون شاباشینی وئرمیشیک . تزه صحبتین وار ؟

دئیه ، سوروشدوخدا ، قاه – قاه چکب گولر :

– یوخ ، تزه صحبتیم یوخدور دئیر ، سوزو دگیشردی . هر

گوزه لین بیر عیبی اولدوغو کیمی ، منم دوستوموندا بیر عیبی وارایدی .

اونون نظرینجه اگر ، بیر – بیرینه یاخشلیق ائتسه ، الیندن دوتسا ،

او آدم گرک ئوز چوره گینی آغزیندان چیخاردیب ، بونون بوغازینا

تیخایا ، هر یئرده اونون تعریفینی ائده . والا ... یاخشلیق بيلمه یین ،

دوز – چوره ک آياخلایان آدمالار جر که سینه یازاردی . او قدرده ، باشقا –

سی اونو تعریف ائتمگه احتیاج یوخ ایدی . اگر ، بیرینه – بیر تیکه

چوره ک وئرمیش اولسا ، هر یئرده ئوزو اوندان صحبت آچیب داستانلار

دوزلدردی . لازیم گلسه اللی دفعه ده باشینا چالاردی . آدم گرک

انصافدان کئچمه سین . الیندن گلسه ، یاخشلیغی اسیر که ینده دگلدی .

البتده . انسانلیق خاطرینه یوخ ها ! .. شهرت اوچون . دئسینلر که ، فلانکس –

فلانا یاخشلیق ائتدی . بیر گون یئنه دوستومون یانینا گئتمیشدیم .

من ایچری گیره ن کیمی ، خوش – بئش دن صونرا ، چینگنلرینی

چکدی . بونونو قینینا یغیشدیریب ، اللرینی آچدی :

– والله ، آدم ثیله سین ؟ .. قدینی دوزلدیب سوزونه ادامه

وئردی :

– بیرده آدم گرک آدامین دردینه دگسین ده . بس بشر نه

اوچوندر ؟ من سوزون آراسینا گیردیم .

– گینه نه اولوب حاجی آقا ! دئییه سن تزه خبروار ؟ دئدیگده :

– یوخ ، بابا ! .. ائله بیر خبر یوخدور . دونن سحر باشی یولوم

مشهدی غلامحسینین کاراژیندا دوشدو . گوردوم بیر قوجا کیشی الی

قوینوندا دایانیب ، یانیندا دا ، بیر آرواد – آنام – باجیم اولسون بیرده

جوان بیر قیز . گوردوم بیچاره چوخ نا راحتدر . دئدیم :

– داداش ! نهوار ، نه اولوب ؟ دئدی :

– والله ، تزه مسافرتدن گلیمشیک . آداملاریمیزین آدریسینی

بیلیم . یئر – یوردوموز یوخدور . آرواد اوشاخلا قالیشام بئله .

من دقتله بونا ، آروادینا وقیزینا باخدیم . اوره گیم دایانمادی . دئدیم :

– داداش ! بونون فکری یوخدور . الحمدلله ، مگر مسلمانلیق

دگل . من ئوز حیطمده سیزه بیر اوطاق وئره رم . تا ال – آیاغین

آچیلیب ئوزونه یئر تاپانا کیمی . دئییب ، شئی – شویلرینی یغیشدیریب

اؤه کتیردیم . آروادی ، قیزی آز قالیر دیلار منی یالاسینلار .

– مرحبا داداش ! .. دوغرو دانداندا صواب ایش گورموسن . ال

دوتماق ، علی دن قالیب . دئییه ، حاجی آغانی گوردویو خیر ایشی

اوچون تشویق ائتدیم . بوصحبندن اون گون کئچدی . یولوم گینه

حاجی نین دکانینا دوشدو . گوزوز یامانلیق گورمه سین . فاطما خانم ،

حاجی نین آروادی ، گوزونو یوموب آغزینی آچمیشدی . ائله که ،

منی گوردو . حاجینی بورا خیب مندن یاپیشدی ،

– گوزون آیدین ، گوزوموز آیدین ! یاخشی گلیمسن . من :

تعجیله .

- خیر اولا فاطما خانم ! بو نه سس - کویدورسال میسان، مگر نه اولوب ؟ دئییه ، سوال وئردیکده ، بیر هنرپیشه کیمی ، آغیز - بورنونو اگیب ، ال - قولونو ئولچه - ئولچه :

- نه اولاجاق ؟ ! آلتیش یاشیندا قیللی دانا، ایندی تزه دوشوب میدانا. سنین عزیز، آیدان آری - سودان دورو دوستون عشق بازلیق هوسنه دوشوب. دئدیکده ، حاجی عصبانیتله :

- حیا سیز، بسدور !.. جهنم اول بوردان ! والله! . آللهی اکبر ! دئیپ ، منه طرف دوندو : - آکیشی ! سن آلله بو قانجیغین شرینی منیم باشیمدان سوو. آخی ، گورمندن نه استهیر ؟ ! دئدیکده ، فاطما خانیم دیشلرینی قیچیرتدی ، گوزلرینی برلدهك :

- نه استهیه جگم ؟ ! طلاغیمی استهیرم ! دئدی . من گوردوم خیر موضوع چوخ جدیدر . ار - ایله آروادین آراسینا گیرمگین خطری یادیمادوشدو . قورخودان تو کلریم بیز - بیز اولدو. آنجاق ، نه ائده بیلردیم ؟ ئوزومو وظیفه قارشیسیندا گوروب ، ناچار ، بونلاری آتان یاخشی - آنان یاخشی بیر طهر ساکت ائتدیم . دعوا - دالاشین سسی ائشیکه چیخماسین دئییه ، من ایچری گیرهن کیمی ، حاجی دکانین قاپیسینی قفیللامیشدی . بونلاری دکانین آخیرینا چکدیم .

- بالام ! . بیر هوسله نیزی باسین . آلله شیطانا لعنت ایله سین . بیر دئین گوروم نه اولوبکی ، ایش طلاغا چکسین ؟ فاطما خانم ! آلتی اوشاق آناسیدا طلاق سوزو دانیشار ؟ دئدیکده ، فاطمه خانم :

- بس آلتی اوشاق آتاسیدا تزه دن اون دورت یاشیندا قیز آلماق

فکرینه دوشر ؟ !.. دئییه ، جواب وئردی . من ئوز - ئوزومه : « نهجه

یعنی اون دورت یاشیندا قیز آلماق» دئییه فکرلشیردیم . دوغروسو ، اینانا بیلیمیردیم که حاجی، بئلههوسه دوشه. بیردن:

- بئله عجب ائدییره م ! .. آلمین ایچیندن گلیر . لاپ سنین آجیغینا ائله، بوگون آلاجاغام! دئییه، فاطما خانیم اوئردیگی جوا بندگان من هو یو خوب لاپ مات قالدیم .

- بویور. ائشیتدین نه دئدی؟ گوردون که ، من یالان دئمیره م.

دئییب ، الینی دخل میزینین اوزرینه چیرپدی .

- بوساعت گره که منیم طلاغمی وئره سن ! یوخسا، اود ووروب ئوزومو اودلارام ! دئدی . من بونلارین آراسیندا قالمیشدیم . دئمگه سوزوم یوخ ایدی . گاه اونون - گاه بونون اوزونه باخیر ، آرالیقدا کوتک یئمگه ئوزومو آماده ائله میشدیم . حاجی ایله فاطمه خانمین آتشماسی ساچ - صاققال یولدوسونا چاتمیشدی که ، بو حالدا ، ایکی نفر دکانین قاپیسیندا دایاندی . بونلاردان بیر قرخ بئش ، اللی یاشلاریندا ، اوجا بویلو ، ایری سومو کلو ، بدنی ضعیف دوشموش بیر کیشی ایدی . او بیر ۲۲ - ۲۴ یاشلاریندا جوان بیر اوغلان ایدی . قوجا الینی قاپنین دسته سینه قویوب آچماق استه یردی . حاجی اونو گورن کیمی ، یو گوروب قاپینی آچدی . فاطما خانم ، یئری سوپور - مکده اولان چادر اسینی یغیشدیریب ، چپ - چپ گلنلره باخیردی . منه اشاره ائدره که :

- کیشینین قاین آتاسیدر . گورنجه دونک کیمی ، آتیلا - آتیلا قاباغینا یو گورور . دئییب، اوزونو دیواره طرف چوندردی . حاجی سونسوز بیر احتراملا، صندل چکیب اونلاری اوتورتدو. تئزیو گوروب

دورت دانه شیرین چای سفارش وئردی. فاطما خانم، شدتی سون دره جه به قالخمیش بیر بوخار قازانینا دونموشدو. اوره گمده دیئردیم، «آللہ سن ساخلا!» منه ائله گلیردیکه، ایندیجه پارتلایا جاقدر. آنجاق، مشهدی رستمین:

— کلدیم سیزدن خدا حافظ لشم. دئیہ، دئدیگی سوزلر، دئیہ. سن اونون قازینی آلدی. چادر اسنین آلتیندان سینه سی دمیچی کورو. یو کیمی، دولوب. بوشالدى. درین نفس آلدیگی آیدین گوروندو. مشهدی رستم یانیندا کی جوانی نشان وئره رک:

— بیزیم قیزین آداخلی سیدر. دئدی. حاجی تعجبله:

— دئیر سن، قیزین آداخلی سیدر؟!!

— بلی، بلی! گلزارین نشانلی سیدر. بوردا اولورلار. بوگون سوراخلایب گلیب تاپیپدر. بیزی ئوز ائولرینه آپارماق استه یر. دئدیکه، حاجی نین کیچیک گوزلری بویودو. آغزی آچیق قالمیشدی.

— بس؟! .. دئیب سوسدو. سوزونون دالینی گئیره بیلمدی.

فاطمه خانمین قیریشیقلاری آچیلیمیش، اوزونو بو طرفه دوندر.

میشدی. فرصتی فوته ویرمه یب، کنایه ایله دولو بیر ادا ایله:

— اوتانما! .. دیگیلن بس من؟! . فاطمه خانمین بو سوزوندن

مشهدی رستم ایله جوان بیر آزهویو خدو. حاجی بوزارمیشدی. دودا.

خلاری تتره یر، آجیغیندان دیشلری باغار ساخلارینی کسیردی. پیچاق

وورسان قانی چیخمازدی. دئمگه ده سوزو یوخ، نطق کیلمیشدی.

قوناخلار حاجی نین حالی دگیشیر یلدیگینی دویدولار. آنجاق، اصل

مسئله دن خبر لری اولمادیغیندان ، ساکت اوتوروب ، قاباخلارینا قویولموش چایی ایچمگه ، سویون شیر یلتی سینا قولاق آسماغا باشلادیلار .
 بیاخدان بری فیتلینه اود وورولموش بمب کیمی ، پارتلاماق قورخوسو اولان فاطما خانم بیر آندا ، قوزویا دوندو . مطلبینه چاتمیش بیر معشوق کیمی ، شادلیق قیغیلجیملاری اوزونو ایشیقلا ندیردی . مخصوص بیر ادا ایله حاجی نین قاباغیندان کئچه - کئچه :

- بس من گئدیم خانملارلا گوروشوم . گنده رلر گورمه رم ، خجالت قالارام . دئیب ، اوزونو منه چوندردی . خدا حافظ ، آغاداش .
 دئیب ، دکاندان چیخدی .

آلله کافره ده گوسترمه سین . حاجی نین حالی اودوزموش قمار - بازلارین حالینا دونموشدو . قاش - قاباغیندان کیفر لپک یاغیردی .
 دوداخلاری یئر سوپوروردو . نه باشیزی آغریدیدیم . مشهدی رستم ایله کوره کنی چایلارینی ایچیب ، مین جور تعریف - تمجیدله ال وئریب ، خدا حافظ لشیب دکاندان چیخدیلار . حاجی دکانین ایچینده ایکی باش اوطرف - بو طرفه گئت - گل ائله دی . ناراحتلیغی آیدین گورونوردو .
 بیردن قیزیشان آدام کیمی ، اونلارین دالینجا ائشیگه یو گوردو .
 - آغای مشهدی رستم ! بیر دقیقه لیگه بورا زحمت چک . دئیه ،

کیشینی سسله دی . ئوزو تنز قایدیب ، دخیلین دالینا کئچدی . بیر تیکه کاغذ و قلم تاپیب ، نه ایسه ، تنز - تنز یازدی . مشهدی رستم قایتمش ایدی .

- بلی ، حاجی آغا ! فرمایشین واریدی ؟

- خوب ! .. گئدیرسین آلله یاخشی یول وئرسین . بس بیزیم

حسابيميز ؟ دډيکده ، مشهدي رستم :

- چشم حاجي آغا ! سيزين يانيزدا بوي نوم قيلدان ايشگه در .
بیز دوز اون گون سيزين اوطاخدا اولموشوق . هر نه بويورورسان تقدیم
اښديم .

- صحبت ائو کرايه سي دگل .
- بس ندر ؟ حاجي عينگيني گوزونه تاخيپ ، الينده کي کاغذ
پارچاسيني اوخوماغا باشلادی .

- باشماق زنانه - بير جفت ۲۰ تومن . ايپک چرقت بيردانه - ۱۰
تومن . جوراب نايلون بير جفت اون تومن . نقد ۲ تومن . بير قوطوشيريني
بئش تومن . مشهدي رستمين قاشلاری چاتيلدی . اوزو بوزاردی .
عصبانيتله :

- من نه وقت بونلاری سندن آلميشام ؟

- سن آلاميسان . ائوه وئرميشم .

- من دئميشم وئر ؟

- يوخ . وئرميشم ده .

- يئرسيز وئرميسن

- دی ، بودا بيزيم ياخشيليغمز .

- منيم ائويمه شئي لازيم اولسا ، ئوزوم آلارام . سن آنلاماميسان
وئرميسن . دڬيه ، مشهدي رستمين سسي اوجالماغا باشلادی . من
گوردوم سس - کوی اوجالسا ، دوستومون آبرو وحيثيتي تمام آرادان
گئده جک . بيا برچيلغا چکه جک . تئز حاجيا ياناشيب :

- کیشی، ئوزووو بيا برائلمه! دئيب، مشهدی رستمین قولوندان
 دوتوب ائشېگه سالدېم . او ، داش دگمیش آبی کیمی دوتقولدونا -
 دوتقولدانا چخېب گئندی. حاجی لاپ ئوزوندن چېخمیشدی. تئز بیر
 سیغار یاندىریب ، اونا وئردیم. چکدیگی سیغارین توستوسونو بورنو-
 نون دئشیکلریندن فواره کیمی ، ائشېگه بوراخېب :
 - دى گل بوندان سونرا ، جماعته ياخشىلىق ائله ، ال دوت .
 دئيه، دئىنمگه باشلادی. حرصی بیر آز سويوموشدو. ياواشجا اگېلىب
 قولاغينا دئدیم :
 - حاجی داداش ! سنین بو نمايشنین آدینی نه قوياق ؟ حاجی
 باشینی قالدىریب ذیل - ذیل اوزومه باخدی . سونرا ، گولومسەيب ،
 ياواشدان :
 - قوجالېقدا يورغالىق . دئدی.

گل دسته سی

۱۳۲۶ - نجی ایلین بهاری ایدی. داریخما منه ال وئردیگیندن، قصبه نین اطرافنا گزمگه چیخمیشدیم . قات - قات اوجالان صیرا داغلارین قوینوندا یئرلشن « مظفر قلعه سی » نین طبیعت گوزللیگی انسانین روحونو اوخشایردی. داغلارین اتگیندن شاریلتی ایله آخیب، انسان عمرو کیمی ، گئدن چایلارین هممه سی ، هر طرفده قاینایب قالخان دورو بولاخلارین زمزمه سی، حزین - حزین اسن یئلدن، رقصه گلن یارپاخلارین پیچیلتی سی ، آزاد قوشلارین بوداخدان - بوداغا سیچرایاراق ، سئوینجله دولو، شیرین نغمه لری ، منی ئوز غم - خیال دنیامدان آیرمیش ، گل - چیچکلرین عطری دوتغون شراب تک منی مست ائتمیشدی . هر طرفه اوز دوندرسن ، طبیعت ئوز گوز للیگی ایله انسانین اوزونه گولوردو .

گزه - گزه ، گلیب ') ایلدیریم بولاغینین باشینا یئتیشدیم . یورولموشدوم . ال - اوزومو یودوم . بولاغین کناریندا اوتوروب ، یئرین سینه سیندن گوز یاشی کیمی، قاینایب - قالخان دورو سویا تماشا ائتمگه باشلادیم. ندنسه ، یئیندن غم لشکری منه هجوم ائتدی. اوره گیم

دولغون بولوت کیمی دوتولدو. ئوز ائل - اوبام ، وطنم یادیمادوشدو. ایندی اوردادا طبیعت ئوز دونونو دگیشیب . دوزلر - یاماجلار آل یاشیلا بورونوب هر گولون اوزرینده بیر بلبل جه - جه وورور. چولرده قویون سورولری ، قوزولار مله شیر . چوبانین چالیدیغی یانغیلی توتک سسی داغ - دره لره یایلیر . بهار ، هر یئرده بهاردر . آنجاق ، منیم وورغون گونلوم وطنم یازینی آرزولایر . آخی ، من اونون قوینوندا بویویوب - بویا چاتمیشام. تورپاغینین هر آدیمیندا سئوگی - سئوینخ، کدرلرله دولو خاطره لریم واردر. هر شئدن اوستون ، سئو کلیم ده اوردادر . او، گوزو یولدا منی گوزله یر. آیریلیق دردینی کیم بیلیمیر؟.. اوره گیم طوفانا دوتولموش دینز کیمی ، تلاطمه گلیمشیدی . داهایا طبیعت گوزللیکلرینی گورموردوم . روحم قوشو وطن دیاریندا پروازا گلیمشیدی. اونون خیالی گوزومون ئونونده جانلانیردی . اودا منیم کیمی پریشان، سولغون ، دوتغون، دولغون گورونور. او دا ، هجران اودوندا یانیردی . آمان آلله!.. نه قدر دوزولمزدر ! ...

ایکی الیم ایله باشیمی دوتدوم . سانکه ، بونونلا بئینمنده عمله گلیمیش فرتینانی ساکت ائتمک ایسته یردیم. سون گوروشوموزدن آلتی آی کئچردی . آیریلیق دقیقه لرینده اوز وئره ن هیجان، گوزیاشلاری، امید سیز باخیشلار بیر - بیر گوزومون ئونونده جانلانیدی . بوتون وارلیغی سارسیلندی .

بویله بحرانی بیر حالدا ایکن ، محبتله دولو اینجه بیرسس :
 - آغا، سلام!.. دئییه، منیم دادیم چاتدی. قورخونج یوخونون وحشیتندن اویانان آدام کیمی ، ئوزومه گلدیم - قارشیمدا اون - اون

ایکی یاشلاریندا، قیوریم ساجلی، آیاق یالین بیر لر قیزی گوردوم . او
الینده بیر دسته گل ، قاباغیمد دایانمیشدی . قارا - ایری گوزلرینده
مهر - محبتله دولو وحشی بیر باخیش وارایدی .

- من بو گولو سنه درمیشم . دئیه ، گل دسته سینی منه اوزاتدی .
من شاشقین بیر حالدا ، گولو آلدیم . او ، سئوینرهك ، گلرله بره نمیش
اوتلاری یاراراق، ده لی جیران سچرایشلاریله اوزاخلاشدی . من اونو
تانیدیم . المده کی گل دسته سنه تماشا ائتمگه باشلادیم . نرگز ، بنقشه
و سائره .. رنك به رنك گوللرین آراسیندا یئرلشدیریلیمیش ایکی
دانه لاله گولو بو دسته نین گوزللیگینی تاماملامیشدی .

بو گل دسته سی معصوم بیر قلبدن چیچکله نین پاك بیر عشقین
ترنمی ، قدر دانلیغین افاده سی ایدی .

گل دسته سنه تماشا ائتدیكجه ، اونون آل ، ساری ، قیرمیزی ،
بنقشه چیچکلرینین ، یارپاخلاری خاطره دفتریمین ورقلرینه چئوریلدی .



بو گونکی کیمی یادیمدادر . قیش ایدی . قار عظمتله اوجالان
داغلاری دوتسادا ، هله ، الشتر دوزلرینه آغ ئورپه گینی سره بیلیمه میشدی .
بهمن آیینین اوچو ایدی . آخشام طرفی بیردن آغ - قالین بولوتلار
رقصه گلهرك ، گوک اوزونو دوتدو . سویوق ساق قارشیسینا گلنه
قامچیلا ب قو ووردو . هوا قارالدیقجا ، سویوق داهادا ئوزونو گوستریر ،
قار - بوراندان خبر وئریردی . بیزده دورت نفر یولداش ، قالانمیش
دیوار یخارسینین دوره سینه یغیلیمشدیق . بیزیم اختیاریمیزا وئریمیش
بواطاق ، هرشدن آرتیق ، کیچیک بیر کندلی تووله سنه اوخشایردی .

دیوارلاری توستودن قارالمیش ایدی. قاپیسی قیریق، پنجره سیده یوخ ایدی. چالا - چوخور دوشمه سینه یورد سالمیش بیره لر چوولاندا ایدی.

انسانین اوزوبرك اولار. اگر، آزدا اولسا، امید نوری قلبینه ایشیق سالمیش اولسا، هرچتینلیکه دوزه. بیز ایکی آیدان بری بو اوطاخدا، گونلری بیر - بیر یولا سالیردیق. هامیمیز ببردردلی ایدیک. بخارینین توستوسو ایچرینی دولدورموشدو. آجیشان، یاشارمیش گوزلریمیزی هر دن سیلهرك. نوروز کیشینین صحنه قولاق آسیردیق. او، هامیمیزدان یاشلی، دنیا گورموش، ئولکه لر گزمیش، روزگارین استی - سویوغونو دادمیش، شیرین صحبتلی بیر آدام ایدی. اوجا بویلو، انلی کورکلی، ساچ - صاققالی آغارمیش بو آدامین، اوزو، آلین قیریشقلاری، سویله دیگی داستانلاری کیمی حکایه لر ترنم ائدیردی. او، بوگون بیزه ئوز ائل اوغلو سو ستارخانین داستانینی سویله یردی. او، صحبتینی قورتاریر کن، اوجاخدا کی اودونلاریانیب قورتارمیشدی. قیرمیزی کوزلرین اوزونو کول قاتلاری ئورتموشدو. ائشیکین سویوغو قاپینین چاتلاریندان ئوزونو ایچری ووراراق، اوطاغین هواسینی سویو تماخدا ایدی. یاتاق یئرلریمیزی دوزلندیک: آفتافا گوتوروب - گئری قایدانلار، بوزوشموش بیر حالدا:

- قار یاغیر.

- بوراندر! دئی، ئوزلرینی ایچری سالیر دیلار. هر کس یورغانینی باشینا چکیب ئوز نفسیله یئرینی قیزدیرماغا چال شیردی. بودا - انسان عمر وندن بیر گون ایدی، کئچدی.

— سحر ایشیغی قاپینین چاتلاریندان کئچرهك ، داخمانین قارا-
 نلیغینی بوغموشدو. یئریمدن قالخیب پالتارلاریمی گئیدیم. چای قویماق
 اوچون سو یوخ ایدی. دولچانی گوتوروب ائشیگه چیخدیم. هر یئری
 قارئورتموشدو. آخشام گون اوزونو دوتموش بوز بولوتلاردان خبر
 یوخ ایدی. گونشین زرین ساچاخلاری قارلی داغلارین زروهسینه یایلا
 راق ، اونلاری - تآتر صحنه سینده اوزونه پروژه کتورسالیتمش گوزل
 بیر هنرمند اوزو کیمی ، جلوه لندیریدی. آسمان صاف ، هوا تمیز ،
 اورهك آچان ایدی. آیاز وشاخدانان، کوچه لرین کناريله اوزانان
 آرخ سولارینین اوزو قایماق باغلامیشدی. حزین - حزین اسن شمال-
 یئلی ائو بخاریلاریندان قالخان توستونو جنوبا دوغرو هایلایردی. من
 قصبه نین شرق طرفیندهن آخیب کئچن « ایلدیریم بولاغی » سویوندان
 گتیرمه لییدیم. بوداخلاری قارایله ئورتولموش آغاجلارین آراسیندان
 کئچرهك ، بولاق سویونا یاخیلاشدیقدا، سویون کناریندا باشی آچیق ،
 قیوریم ساچلی ، آياق یالین ، سویو خدان آل دوداخلاری گو گرمیش ،
 کیچیک بیر لر — قیزی گوردوم. او ، آياخلارینین بیرینی گوتوروب -
 او بیرینی قویور ، گوزیاشلاری بوزارمیش یا ناخلارینی ایسلا تمیشدی.
 قاباغیندا سو ایله دولو بیر قازان وار ایدی. بو منظره منه « ویکتور-
 هوغونون » « قوزیتا » سینی خاطراتدی. او ، رومانتيك بیر داستان
 اولسادا ، بو ، گوزومون ئونونده جانلی بیر واقعیت ایدی. تئز قیزا
 یاخیلاشدیم.

— نه اوچون آغلایرسان ، قوزوم ؟ دئیيه ، سوال وئردیکده ،
 ظواللی قیز جیغاز ، تترهین کیچیک - توپول اللریله گوزیاشلارینی

سیلەرك :

- قازانی باشیما قالدیرا بیلیمیرم . دئدی .
- گوجون چاتدیغی قدر دولدورسانا ! .. او ، بوغونوق ایشقر-

تیلارلار :

- آز دولدورسام خانمین آجیغی دوتار . دئدی .
- آتا- آنان یوخدورمو ؟
- اونلار کئنده در .
- سن کیمین یانیندا اولورسان ؟
- آغانین .
- آغان کیمدر ؟
- ارباب در . علی خاند ، دئی ، جواب وئردیگی زمان داهای
- برك تتره مگه باشلادی . اونون حالی منی شاشیرتمیشدی . تئز قازانی
- قالدیریپ باشینا قویدوم .
- ظواللی قیز جیغاز ، قیشلاری دولاشا - دولاشا بیر - ایکی آددیم
- ایره لیلدی . سویوق اونو حالدان سالمیشدی . قازانین آلتیندا موازنتینی
- ایتیردی . اونون حر کتلیرینی گوزدن قویما یردیم . تئز ، قازانی
- باشیندان قاپدیم . او ، دیزی اوسته یئره گلیمیشدی . تئز قالخدی .
- وجودینی مبهم بیر قورخو بوروموشدو . سحر - سحر قاباغیما چیخمیش
- بو اقبالسینز پرییه اوره کدن آجیدیم .
- آدین ندر ؟
- مهری .
- آغلاما قوزوم ! دئدیم . من سنه کمک ائدهرم . ئوز دولچامی

اورادا قویوب ، اونون قازانی گوتوردوم. او ، کیچیک آددیملارلا، دالیمجا قاجیردی. علی خانین قاپیسینا یاخینلاشدیقدا او ، هیجانلا:

— داها ئوزومه وئر ! یوخسا ، خانم منی ئولدوره ! دئدی .

قازانی آستاجا اونون باشینا قویوب ، قاپیدان ایچری کئچمهینه کمک ائتدیم . منیم نگرانلیغیم یئرسیز ایدی . او ، ئوز قوهسینی توپلایا بیلیمیشدی . ایچری کئچدیکده ، آغیریو کون آلتیندا زحمتله ، بوینونو هر لیب منه باخدی . بو باخیشدا دنیالار وار ایدی . قاپی ئورتولدو . من ئوز دولچامین دالینجا یولا دوشدوم . اونون یالین آیاخلارینین قار اوزرینده بوراخدیغی ایز منه جیغیر ایدی . «خانمین آجیغی دوتار» سوزلری قایالی اوچروم . لاردان قاپیدان عکس صدا کیمی ، بئینیمده سسله نیردی . یول اوزونو ئوز — ئوزومه دئینیردیم : « مگر خانمین ئوز اوشاغی یوخدور ؟ آنا دگلیمی ؟ او ، ئوز اوشاغینادا بو ظلمی روا گوره رمی ؟ بس آنا قلبی ، انسانلیق ؟ ...! »

بعضاً ، انسان جوشغون بیر هیجانا قاپیلیر کن ، ئوزونو اونودور . فتودال قایغیسیز لیقلا ریندان اولان بو کیچیک خاطره ده منی اوتوردوغوم بو چشمه باشیندان اوزا خلاش دیر میشدی .

المده اولان گل دسته سینی درین - درین اییله دیم . عطری بیر آندا اولسا ، کدرلریمی داغیتدی . روحومو اوخشادی .

آنا قلبی

رحیم بوتون گنجہ نی ٹولوملہ چارپیشدی۔ حیات اوچون مبارزہ
اٹندی۔ اسنطاق آلتیندا اولان، گناہسیز بیر مقصر اشگنجہ لہرہ تاب
گنیرمہ یب، ٹولوم آختاردیغی کیمی، رحیمدہ بوتون گنجہ نی درد۔
دہن ایلان کیمی قیوریلیر، یاشاشدان بئزیر کن، لایلا، رعنا و دمیر:
«بس بیز؟! ..» دئیہ۔ اونون گوزونون ٹونونده جانلانا راق،
دردہ مقاومتینی آرتیریردی۔

— یوخ، تانریم! یاشاماق استہیرہم! .. ہر آغریا۔ ہر دردہ
دوزہرم۔ دئیہ، فریاد قوپارماق ایستہیردی۔

فقط ہیہات! .. اونون تلاشلاری ٹولوم کرہنتی سینین آغزیندا
بیچیلدی۔ ہمیشہ لیک اولاراق، زحمت دنیا سینا گوز یومدو۔ ابدیتہ
قاووشدو۔ اون یاشیندا رعنا و آلتی یاشیندا دمیر آدلی یادگارلارینی
قادینی لایلا ایلہ، احتیاج و مبہم گلہ جگین اختیارینا تابشیردی۔
گوز یاشلاری قورومامیش، ہلہ، ٹولومون آجی خاطرہ لری اوزہرینہ
توز قونمامیش، ائلچی لر قاپینی دویدو۔

لایلا اولدو قجا گوزل ایدی۔ عمر ونون بہار چاغینی کئچیریردی
قارا قاش، آلا گوزلری اور کلری چالیر، اوزو۔ یئی آچیلیمیش قیزیل۔

گل کیمی ، انسانی واله ائدیردی . بوی - بوخونو گوزللیک تانر -
 یلارینین هیکلترینی خاطر لادیردی . او ، یئنیجه ایگرمی آلتی یاشا
 دولموشدو . اونا گورده ، استیه نی چوخ ایدی . آنجا ، جواد آقا
 هامیدان آرتیق اونا وورولموشدو . لیلانین گونلونا له گتیرمک اوچون
 هر قاپینی دوپوردو . لیلانین یاخین تانیشلاری ، قوجا - قاریلار :
 - آی قیز ! عمرو نوایکی قودوخدان ئوترو چوروده جکسن ؟ ..
 - والله ائولاد نه قدر شیریندرسه ، او ، قدر وفاسیزدر .
 - منی گورورسن ؟ اوتوردوم اوشاخلاریمین اوستونده ، اده
 گئتمه دیم . زحمتلرینی چکدیم ، بویوتدوم . ایندی هیچ یادلارینادا
 سالمیرلار که ، بیزیم بیر قاری آنامیزدا وار .
 - ئوز جوانلیغینا - گوزللیگینه حیفین گل سین .
 - اوغلان سنین ده لی - دیواندر . جوان - گوزل ، همده پوللو ،
 داها نیه بختیوه تپیک آتیرسان ؟
 - بالا ، بلادر ، جان یونغاریدر . آت گئتسین !
 - او ، سنده - اوشاخلارینیدا خوشبخت ائده بیلر .
 - آی قیز ! آغلینی باشینا یغ . بئله آدام اله دوشمز . صونرا ،
 پشیمان اولارسان . باغ بئله - بوستان بئله دئی، اوند اده گئتمک مئیلینی
 اویا تماغا چال شیر دیلار . لایلا ، اونلارین دئدی کلرینه قولاق آسیر کن ،
 ایلک عشقی - ایتگیسی یادینا دوشور ، هردن گوزلرینی سیخاراق ، آب
 نیشان بولودو کیمی ، سویونو آخیدیردی .
 - رحیمدن صونرا ، منه ار یوخ ، ئولوم لازمدر . دئی، جواب
 وئیردی . تکلیکده ئوزو دوشونوب - تصمیم دوتماق استهیر کن ،

بئینینده فرتینا، اوره گینه تلامم په لئیردی. اونون قارشیندا ایکی یول دوروردو :

برنجی - اره گئتمک . راحت و خوش بیر حیات سورمک .
ایکینجی - ئوز حیاتینی رعنا یله دمیرین یولوندا قویماق . اونلاری اوخو -
تماق ، تربیه سینه یئتیشمک ، گله جک سعادتلرینی تأمین ائتمک .
اجتماع اوچون دگرلی - لایق انسانلار یئترمک ایدی . هر هانسینی
استه سه ، انتخاب ائتمک اونون ئوزوندن آسیلی ایدی . ایکی ضد فکر
خیرله - شرتانریسی کیمی ، بئینینده چیرپیشاراق :

- سعاد قاپیسی همیشه آدامین اوزونه آچیلماز .

- سعاد - فدارکارلیق و گذشته در .

- هر کس ئوزو اوچون یاشایر . نه اوچون ئوز گوز للیگیندن .

جوانلیغیندان استفاده ائتمیهسن ؟ بئش گونلوك عمرونو دئی - گوله
باشا وئرمیهسن ؟ ائولاد دا ئوزو اوچون یاشایاجاق . سنه نه ؟

- ئوزو اوچون یاشاماق انسانا هدف اولابیلمز . وفانی اونوتما !

ئوز خوشبخت لیگینی رعنا یله دمیرین وجودینده ، اونلارین گله جگینه
آختار ! دئی ، اونا نهیب ووراراق ، گيجلتمیشدیله . « اوشاق آتادان
یتیم قالماز ، آنادان یتیم قالار . » خلق آراسیندا ایشله نیلن بو سوزلر
یادینا دوشدو .

- یوخ ! من قویمارام اونلار یتملیک حس ائتسینلر . دئی ،

ئوز فکرینده یارانمیش قارا پرده نی کنارا ووردو . او ، ئوز حیاتیندا
اره گئتمیش دول قادینلارین آرادا قالمیش اوشاخلاریمی یادینا سالدی .

آنا محبتی جوشا راق، خیالیندا قیملدانا شہوت دویغولارینی بوغدو.
اونا وئریلن بہشت زندگانلیغی وعدہ لرینی دمیرایله رعنائین آیاخلاری
آلتینا آتدی .



لیلا ئوزونون و اوشاخلارینین دولانیشیغی فکرینه دوشدو .
اریندن اونلارا قالان - اوچ اوطاخلی کچیک بیر حیط ایدی. آنجاق،
ئوز آتاسیندان اونا ایکی حیط و شہرین کناریندا سولو بیر زمی و
باشقا شئلرده قالمیشدی. آتا ما لیلہ ئوز کوچونوسودان چیخاردا بیلردی.
اوشاخلارینین تربیہ سی واوخوماغی، لیلانین قارشیسیندا دوران اساس
هدف ایدی .

ساغلیغیندا، رحیمین اوشاخلارا علاقہ و محبتی حدیندن آرتیق
ایدی. بوش و قتلرینده او، اوشاق کیمی، دمیر ورغایا قوشولوب اوینا-
یار، اونلاری سئور - اگلہ ندیرہردی . بعضاً، اویون تمام اولاندا،
یورغون حالدا، چکیلیب بیر طرفده چومبہ لثمہ قوروب، اونلارا باخار،
اوزونده، آجی - معنالی بیر تیسیم اوینار، لیلایا دونرہرک، حسرتلہ:
- او، قدر ئولمہ ییدیم کہ، بونلاری اوخودوب باشا چاتدیرا
بیله ییدیم . دئیہردی . ارینین بوسوزلری ایندی بیر وصیت کیمی،
لیلانین قولاغیندا سسلہ نیر، اورہ گیندہ : « من گرک اونون آرزوسونو
یئرینہ یئتیرہم . » دئیردی . بویلہ لیگلہ، او، اوچ ایل ئوز ملک لرینین
گلیری ایلہ، دولاندى. بو مدتدہ حیطنین بیرینیدہ ساتماغا مجبور
اولدو . لیلہ فکری آچیق، قاباغی گورن بیر خانم ایدی . آتاسینین
ہردن: « وار دریا جادا اولسا، اوستونہ گلہ سہ قورتارار . » دئیہ -

دئدیگی سوزلری اونو تمامیشدی .

— گرهك ئوزومه بیرایش تاپام . دئییه ، دوشونمگه باشلادی .
بو باره ده دایی سی مرسله مراجعت ائتدی . اونون اوچ عدد توخو جولوق
دزگاهی و ایش یئری وارایدی . او ، اولدوقحا مهربان ، اوره گی
یومشاق ، گونلو - گوزو توخ بیر آدام ایدی . لیلانین ایشله مک
فکرینه دوشمه یندن پوزولدو .

— من ئولمه میشم که ، سن ایشله یه سن . بیر تیکه چوره ك تاپاریق .
هچ فکر ائتمه . دئییه ، اونو ئوز فکریندن داشیندیرماغا چالیشدیسادا ،
لیلا راضی اولمادی .

— یوخ دائی جان ! ایشله یه جگم . من هچ کسه یوک اولماق
استه میرم . دئدی . بویله لیکله ، دایی سینین یانیندا ایشه باشلادی .
او گوندن حیاتیندا یئنی بیر صحیفه آچیلدی . رحیم ئولن گوندن ،
آناسی گلستان قاری کوچوب لیلانین یانینا گلمیشدی . فکری ائو و
اوشاخلاردان راحت اولدوغوندان ، تمام اشتیاقلا ایشه باشلادی . او ،
بوتون گونو ایشله یره ك ، آخشاملار اعومینه دونوردو . کوچه قاپیسینی
دوین کیمی ، رعنا ایله دمیر اونون استقبالینا قاجیردی . قاپینی آچدیقدا ،
لیلانین بوتون یورغونلغو یادیندان چیخیر ، اوزو ، گوزو ، دوداخلاری ،
قلبی بئله گولوردو . قوللارینی آچاراق ، اونلاری باغرینا باسیر ، آلدیغی
ئوپوشلرله ، بوتون آغریلارینی اونودوردو . بویله لیگله ، آیلا ر ایللر
دوندو . اوشاخلار بویودو . رعنا قیزیل گل غنچه سی گیمی ، آچدیقجا -
گوزلله نیر ، ئوز کمالیله ائولرینی و آناسینین قلبینی ایشیقلا ندیر یردی .
ایله جه ده ، دمیر ، کلاسلا ریندا هر ابل اولمجبی شاگرد اولاراق ،

تانیماسی ؛ لیلانین گله جگه امیدینی آرتیریدی .

آمانسیز اجل گلستان قاریندا اونلارا چوخ گوردو . آناسنین ئولومو لیلایا یئری دولماز بیر ایتگی اولدو . الی ایشده ، فکری ائو و او شاخلارینین یانیندا قالدی . زحمتی داهادا آرتدی . آخشاملار ایشدن قاییداندان صورنا ، ائو ایشله رینه ده یئتیشمه لی اولدو . دوغرو- دور ، رعنا بویوموشدو . آناسنین الیندن دوتوردو . آنجاق ، درس لرینه وقتینده یتیسه بیلک اوچون ، لایلا اونا ایش بویورمازدی ، هر ایشی ئوزو گوره ردی . رعنا آناسنین زحمتدن اوز گون دوشدویونو گور- دو کجه ، متاثر اولور ، اوره گی اونا یانیردی . بیر گون صحبت آچاراق :

— آناجان ! سن چوخ یورولورسان . نه وقته کیمی ، سن چالیشا- جاقسان بیز یئیه جگیک ؟ من ایندی ایشله یه بیله رم . اجازه وئر منده ایشه گیریم . دئدی کده ، لایلا گوزله نیلمز بیر حالدا پوزولدو . حیرتله دولو باخیشلارلا قیزینی سوزه رک ، آجیقلا :

— بوسوزو بیرده دیلینه گتیرمه ملیسن !.. آنلادینمی نه دئدیم ؟ !

دیئب ، سوسدو . آنجاق . بو عصبانیت اوندا اوزون سورمدی . چونکه ، رعنا بوسوزلری اونون قلبینه توخونماق اوچون دئمیردی . بلمکده ، آناسنین فکرینده اولدوغونو گوستریر ، اونون قایغیسینا قالیر ، آنا- سینین یو کونو ئوز چیگینه آلماغا حاضر اولدوغونو بیلدیریدی .

لیلانین گوزلری دولدو . رعنانی ئوپه رک ، نوازشله :

— من قیزی می احتیاج قاریشیسیندا اگیلن ، متیع — عاجزیوخ ، تحصیلینی بیتیرمیش ، موفق — خوشبخت گورمک استه یرم . آنلادینمی گولوم ؟ !

— منده اوخوماق استهیرم . اما ...

— اما سی یو خودور. دئییه، قیزین سوزونو کسدی. دمیر اونلارین

صحبتینه قاریشاراق :

— آنا جان ! من که ، یاخشی اوخویورام .

— البته! منده سیزین یاخشی اوخوماغیزی گورنده فخر ائدیره .

— بویوک اوغلان اولاندا ، قویمو یا جاغام سن ایشله یه سن .

ئوزوم ایشله یه جگم .

— بیلبره ، بیلبره قوزوم ! البته ... دئییه ، لایلا اونا جواب

وئردی . گوزلرینین هله قوروما میش یاشینی سیلهرک ، ئوز - ئوزونه :

— فکریمی چکنیم، قایغیما قالا نیمدا واردر. داها منیم نه دردییم؟! ..

دئدی .



یئنه عمر کتایی ورقلندی، ایلر دوندو. رعنا اورتامکتبی بیتیردی.

بیر ایلیلک پرستارلیق قورصونا داخل اولدو. بورانیدا موفقتیله. برنجی

شاگرد اولاراق، قورتاردی. تجربه دوره سینی مریض خانالاردا کئچر-

یرکن ، آصلان آدلی بیردکترله تانیش اولدو. بوتانی شلیق ، یاواش-

یاواش پاک بیر محبته - سئوگییه چئوریلدی . مشترک حیات قورماخلا

نتیجه لندی . اونون خوشبختلیگینی گورن لیلانین ، روحی سمالاردا

پروازه گلیمیشدی. ئوز زحمتی نین بارینا باخیب خوشحال اولان باغبان

کیمی ، اودا ، شاد ایدی. اوره کدن سئوینی-ردی . او ، بونونلا ایلك

آرزوسونا چاتمیشدی. صون استگی ، دمیرین مکتب قورتاریب ، ایش

صاحبی اولماغی، اوغلونو ائولندیریب گلینیله خوشبخت گورمه یی ایدی.

بوفکر خیالیندان کئچیر کن :

- هیات !! دئیہ ، درین بیر آہ چکردی . بو آرزو اونا ، انسان دیله گلری قدر اوزاق و خیال گورونوردو . آنانین تلاش و فداکارلیغی بو اوزون ، قارانیق یوللاریدا ایشیقلا ندیردی . دئمک انسان استک و اراده سی هر مشکلی آچایلر . دمیرده اورتا مکتبی بیتیردی .

اون اوچ ایلده لایلا آتادان اونا قالمیش هر نه یی واریدی ساتدی سوودو . اوغلونون عالی مکتبه داخل اولماغی ، تحصیلنه ادامه وئرمه یی اوچون ساتیب خرچلمگه بیرشئی قالمامیشدی . ئوزو گونده آلدیغی بئش تومن زحمت حقیله نه ائده بیلردی ؟ دمیر آناسینین وضعیتینی یاخشی بیلیردی . عالی تحصیل اوچون اوره یی چیرپینسادا ، هله جوان ایکن ، باشینا قاریاغمیش لیلانین ، دولانی شیق اوچون نه قدر زحمتده اولدوغونو درک ائدیردی . درسدن ال چکیب ، ایش فکرینه دوشمه لی ایدی . بو احتیاجین جبری ، بیر حکمی ایدی . لایلا اوغلونون نظرینی آنلادی . آنجاق نه ائده بیلردی ؟ ..

یوخسوللوق آمانسینیز بیر دشمن کیمی ، قارشیسینی کسمیشدی . ئوز ایچیله الله شیردی . رعنا آناسینی دالغین و پریشان گوردو کده :
- نه اولوب ، آناجان ! ؟ نه اوچون بو قدر ناراحتسن ؟ دئیہ ، سوال وئردی . لایلا باشینی قالدیریب ، محزون بیر حالدا ، قیزینین اوزونه باخدی .

- دمیر اوخوما خدان ال چکیب .

- نه اوچون ؟

- منکی ، اونون خرچینی یئتره بیلمه رم . دئدی کده ، رعنا بیر

آز فکره گئندی . جدی بیر حال آلاراق ،

- قوی اوخوسون . من کمک ائدهرم . دئییه ، جواب وئردی .

- سن کمک ائدرسین ؟ !

- بلی ، بلی ، آناجان ! بس من نه وقت سیزین دردیزه دگه جگم ؟

- آخی ، ارین ! ..

- اریم ؟ ! من ئوز حقوقوملا سیزه کمک ائده جگم ، ازیمه نه

دخلی وار ؟ بودا اولماسا ، آصلان هج بیرسوز دئیهن آدام دگل . سن

لاپ آرخاین اول . دئدیگده ، لیلانین قیریشیقلاری آچیلدی . اوزو

گولودو ، گوزلری دولودو قیزینی باغرینا باساراق :

- آه ! نه قدر خوشبختم ! دئییه ، ئوپدو . بویله لیکله آنانین بو

دویونوده آچیلدی . دمیر آناسنین اصراريله ئوز تحصیلینی دوام

ائتدیردی . هر زحمتله چتینلیکله اولسا ، عالی مکتبی قورتاردی

معلم صفتيله ایشه گیردی . بونونلادا ، لایلا حیاتلا مبارزهده اوستون

گلدی . لکن ، بو غلبه بیر انسان عمرونون بهاری . یایی ایل بهاشا

گلدی ، جوانلیق - گوزللیک گئندی . دیش تو کولودو : باش آغاردی ،

قیزیل گل رنگی سولودو . اوزونده قیریشیقلا ، عمر خزانینا دوغرو

جیغیرلار آچدی . وار - یوخو الیندن چیخدی . بونا باخمایاراق ،

او ، ئوزونو خوشبخت سانیردی . چونکه ، زحمتی هدهره گئتمه میشدی .

باغینین بهره سیندن راضی ایدی . دمیرایله آرام بیر یاشیسا باشلادیلار .

آنانین یالنیز بیر آرزوسو قالیردی . اودا ، اوغلونو ائولندیرمک ،

قاین آنا اولماق ایدی .

بیرگون لیلا دمیرین کتونو اوتوله مک اوچون ، جیلرینی
 بوشالیدردی . کاغذلرینین ایچیندن یثره بیرعکس دوشدو . لیلا تئز اونو
 یئردن گوتوردو . عکسین صاحبی : قاراقاش ، قاراگوز قیقاجی باخیشلی
 گوزل بیر قیزایدی . بو عکس لیلانی چوخ مراقلا ندیردی . تماشا
 ائتدیکجه ، دوداخلاری قاچیر ، اوزونده خوش بیر تبسم اوینایردی .
 بیردن :

- بس ، سن منیم گلیم اولاج قسان ؟ ! دئیب ، عکسی باغرینا
 باسدی . آخشام اولدو . دمیر ائوه دونورکن ، لیلانی قاش - قاباخلی
 گوردو .

- آناجان ! نه اولوب ؟ نیه قاش - قاباغین یئر سوپورور ؟
 - البتده سوپوره . بواؤوده قورت کیمی قالمیشام تک ، قارالا -
 قارالا . یورولموشام . ایشله یه بیلیم . عمر و مون صونوندا ، بئش
 گونده دینجلمک - راحتلیق استه یرم . باشا دوشدونمو ؟ دئییه ، هدتله
 جواب وئردیکده ، دمیر هویوخموش حالدا ، اونون اوزونه باخماغا
 باشلادی . آناسنین سوزلریندن نتیجه چیخارتماغا چالشیردی . آنجاق
 بیر یثره یوزا بیلمدی . او ، هچ وقت آناسنین دولانیشیقدان شکایت
 ائتدیگینی - داریلدیغینی گورمه میشدی . حیرتله :

- آناجان ! بوگون سن سوزلو آداما اوخشایرسان ؟ بیر آچیق
 دانیشسانا گوروم نه دئمک استه یرسن ؟ آخی نه اولوب ، دئییه ، سوال
 وئردی . لیلا هله ده ، دوتدوغو جدی قیافه سینی دگیشمه میشدی .
 دمیر بیردن بارماغینی آغزینا آلاراق ،
 - آهان ! .. باشا دوشدوم . عجب آنلامازام .

- البتہ باشا دوشرسن. نیہ دوشمورسن، اوشاق کی، دگیلسن .
- دئیہ سن ، یالقیزلیقدان شکایت ائتدین ائلہ می ؟
- بلی ، بلی ! یالقیزلیقدان. سحر گئدیرسن، آخشام قایدیرسان
سوزومو دئمگہ بیر آدامدا تاپمیرام . دئدیگده دمیر گولر اوزلہ :
- آنا جان ! قادان آلیم ! بونون کہ ، دعواسی یوخدور . بیردی
گوروم گوز آلتین وار ، یوخسا من تاپمالیام ؟
- من نیہ گوز آلتی ائدیرہم ؟ ئوزون تاپارسان .
- بئلہ منیم بو گوزلریم اوستہ. سنہ بیر ار تاپیم کہ ، لاپ اورہ.
گین استہ یں . دئدیگده : لیلہ گولومسہ دی .
- شیطان ! .. من ار استہ میرم . گلین استہیرہم ، گلین !
– گلین ؟ ! ..
- بلی ، گلین !
- بو چتین اولدو . بیر آز دوروخوب صونرا ، – بس اونودا
سن تاپ . دئدیگده ، لیلہ عکسی چیخاردیب اونا نشان وئردی .
- باخ ، گور بو نجه در ، بگہ نیرسنمی ؟ دمیر عکسی آلیب
باخاندا دیلی دولاشماغا باشلادی .
- بونو ؟ ! .. بو .. بو کیمدر ؟ من تانیمیرام .
- یاخشی ، یاخشی . ئوزونو تولکو ئولومونہ وورما . بیلیرہم .
- آنجا ، مندن گیزلتدیگین اوچون ، سندن اینجیمیشم .
- مندن اینجیمین ؟ آخی
- آخی سی یوخدور . گورونور سن آنا انا اینانمیرسان . یوخسا،
سامان آلتیدان سو یئریمہ سن .

- یوخ ، آنا جان ! اینانکی ، دئمک استهیردیم . آنجاق ،
اوتانیردیم .

- مندن اوتانیردین ؟ اوتانان جاننا قربان ! یاخشی ، ایندی
دی گوروم بوقیز کیمدر ؟ نه چیدر ؟

- آتاسی تاجیردر . تجارتخانالاری واردر . گمان ائدیهره
ئوزونده تانیاسان . ابراهیم خان معروفدور .

- ابراهیم خان ؟ ! ..

- بلی ، آنا جان ' بس تانییرسان ؟ لیلادوروخدو . صونرا ،
مات بیر حالدا یانیندا کی صندلده اوتوردو . گوزلری اوطاغین بوشلو-
غوندا چیرپنیر کن :

- قیزین آدی ندر ؟ دئییه ، سوروشدو .

- مرجان .

- اونو چوخمو سئویرسن ؟

- بلی ، آناجان ! ئوزجانمدان آرتیق . بیلمرسن نجه نازنیندر .

- اودا سنی سئویرمی ؟

- بس نجه ؟ ! مندن ئوترو دلی - دیوانه در . دئییه ، جواب

وئردی .

- بس بئله . . دئییه ، پیس یئرده گیره دوشموش کیمی ، لیلانی

فکر گوتوردو . دمیر آناسنین بویله دوتغونلوغونو گوردو کده :

- نیه سوسدون . یوخسا قیزدان خوشون گلمدی ؟

- سن سئودیگینی من بگنمیه بیلرم می ؟

- بس نیه فکره گئتدین ؟

— منی دوشوندوره ن باشقا شئی در . دمیر تعجبله :
 — باشقا شئی ؟ ! آنا جان ! نیه ئورتولو دانیشرسان ؟
 — ئورتولو دانیشمیرام . منه ائله گلیر که ، سن چوخ یئکه
 یئردن یاپیشمیرسان .

— یعنی دئیرسن اونو منه وئرمز لر ؟
 — وئرسه لرده ، بیز اونلارین چالیدیغنا اوینویا بیلیمریک . بیرده
 او ، ناز پرورده در . قورخورام بیزیم ساده زندگانلیغمز ایله سازش
 ائده بیلیمه .

— بونلار کهنه سوزلر در . بیز ، بیر - بیریمیزی سئویریک .
 عهد - پیمان باغلامیشیق . منجه ایکی کونول بیر اولسا ، هر اختلافی ،
 گون بوزو اریدن کیمی ، اریدر .

— کاش که ، ائله اولسون . منیم بیر سوزوم یوخدور . کور نه
 استه ؟ ایکی گوز . بیر ی اگری - بیر ی دوز . منیم ده آرزوم سیزین
 خوشبخت لیغیز در ، دئدیکه ، دمیر سئوینجیندن آناسینی قوجا -
 خلاب ، ئوپدو . بویله لیکله ، لیلا دایی سی مرسل کیشیله ائلچی لیگه
 گئتدی . اوغلانین هچ بیر عیبی یوخ ایدی . یوخسول عائله دن اولسادا ،
 شرافتی - تمیز آدی وار ایدی . تحصیل گورموش بیر اورتا مکتب
 معلمی ایدی . قیزین راضیلیغینی دویدوخدان صونرا ، آتا - آناسیدا
 بو وصله ته بویون اگدی لر . توی باشلانندی . گلین گلدی . لیلا قاین
 آنادا اولدو . انسان آرزوسونون صونو یوخدور . ایندیده او ، نوه
 گورمک امیدله قانات چالماغا باشلادی .

مرجانلا - دمیرین بیر- بیرینه اولان محبتی ، بو کیچیک عائله-
نین دولانیشیغینا شلیک یاغدییردی. سعادت دنگیلن گوگرچین اونلا-
رین باشی اوزرینده پروازه گلیمشدی. لکن، بو خوشبختلیگی ، آددیم-
آددیم ، گولگه کیمی ، ایزلهین بیر قارالتیدا گورونوردو . اودا ،
لیلانین گلینله آرالاریندا اولان حیات ویاشیسا باخیش آیریلیقلاری؛
عقیده و سلیقه لری ایدی . مثلاً : اوطاخلارین قورولوشوندا ، یئمک -
ایچمکده ، اوتوروب - دورماخدا ، گزمک و بو کیمی ، باشقا مسئله-
لرده فکرلری بیر - بیرله دوز گلیمردی . لایلا پیشیریپ - دوشوردو-
یونو مرجان بگه نمیر؛ الینی آغدان - قارایا وورمادیغی بس دگل ، هر
شئه ، هر سوزه بیر قیلپ قونداریپ ، اراد دوتور ، آغیز اگیب ،
لیلانی نا راحت ائدییردی . لایلا ، اوغلونون اونا اولان علاقه سینین
شدتینی گوردو کجه ، سوسور ، اوغلونون خاطرینه ، مرجانین نازیله
اویناماغا مجبور اولوردو . چونکه ، اونلارین خوشلوغو لایلا اوچون
هرشئی ایدی. مرجانلا هر سوزو اولسا، اوره گینده ساخلایار ، سینیرم-
ردی . ئوز - ئوزونه :

- بودا منیم ئوز بختمندرد دئیردی . بعضاً ، ئوز گلینلیگی ،
قاین آنا - قاین آتا سیله رفتاری یادینا دوشر ، ککچمیشلری یوخو
کیمی ، خاطرلاردی .

لایلا ار ائوینه آیاق قویان گوندن ، قاین - آتا - قاین آنا -
سینین احترامینی عزیز دوتمودشو . آیلارلا ، قاین آتا سیله ، احترام
اوچون، لال او یونو چیخارداراق، دانیشمامیشدی. اونلارین قاباغیندا
نزا کتله دولانیب ، خدمت ائتمیش ، راضیلیقلارینی اله گتیرمگه چا -

لیشمیشدی ، لیلانین قاین آتاسی آلتیش بئش یاشیندا، مهربان، خوش اخلاق ، ایشدن دوشموش بیر آدام ایدی . آنجاق ، قاین آناسی حوصله سیز ، تند معجاز ، بیر قاری ایدی . هر کیچیک شئیدن ئوترو لیلانین اوزونه چیغیرار ، گوردویو ایشلره ایراد دوتار ، اوتوروشونا دوروشونا بئله گوز قویاردی . لیلانین بیر کلمه ده اولسون اونا ، سوز قایتارماغا جرئتی اولمازدی . سحرلر یئریندن بیر آز گئچ دورسا ، کلثوم قارینین سس کویو ائوی گوتورهردی . او، بو آجی کئچمیشلره ، رحیمین خاطره سینه دوزهر ، پروانه کیمی یانسادا ، سه سینی چیخار - تمازدی . بونون بو وضعیتینی گورن تای - توشلاری ، یاخین قوهوملاری لیلانین دردینه قالب ، آیریلماق مسئله سینی اونون قاباغینا چکهرهك ، قولاغینی دولدوردولار .

بیر گون یاتی وقتی ، لایلا ، کلثوم قارینین بد اخلاقلیغیندان ، اونا وئردیگی سیخینتی و ناراحتلیقدان صحبت آچاراق ، آیریلماق مسئله سینی اورتایا آتدی . جدی بیر صورتده :

- داها من بوجور یاشایا بیلرهم . سن اگر منی سئویرسنسه ،

آتا - آناندان آیریلمالیسان . دئدیگده ، رحیم هوپوخموش :

- دئیرسن ، آتا - آنامدان آیریلیم ؟ !

- بلی ! گرهك آیریلالسان .

- اگر ، آیریلماسام ؟

- اوندا من بو ائوده اوتورمویاجاغام .

- او ... بس بئله ..

- بلی ، بئله ! دئییه ، لایلاجواب وئردیگده ، رحیم قانی سویوخلو خلا .

- چشم! .. دیئب، سوسدو . لیلا سحر آیریلماق شووقیله شیرین
یوخویا گئندی . صبح اولدو . رحیم ایش پالتارلاری عوضینه تمیز
کت - شالوارینی گئیدی ، صونرا ، لیلایا مراجعتله :
- پال - پالتارینی یغیشدیر . هر نهین وارسا ، گوتور . دئدی .
لیلا حیرت ایچریسینده :

- پالتارلاریمی ؟ ! .. نه اوچون ؟
- ئوزون دئمه دینمی ، اگر آیریلماسام داها بو ائوده اوتور-
مویا جاحسان ؟ من آتا - آنامی آتا بیلرهم . اونا گورده ، سنی ئوز
آتان ائوینه آپارمالییام . دئدی . رحیمین بو گوزله نیلمز تصمیمی ،
لیلانی تترتدی . قورخموش :
- یوخ ! دئدی . من گئتمیرهم !

- نه تئز پشیمان اولدون ؟ من سنی نه قدر سئویره مه ، آتا -
آنامی سندنده چوخ ایستهیره م . اونلار منیم زحمتیمی چکیب ، بویو-
دوبلر . ایندی قوجالیب الدن دوشموش وقتلرینده ، من اونلاری نجه
آتیم ؟ خلق منه نه دئیه ر ؟ بس منیم انسانلیغیم هاردا قالار ؟ عیبی یوخدور .
اگر سن بودولانی شیقدان بئزمیسه نسه ، آزاد سان ! بوساعت کیینی وی
وئره ر ، دئدی کده ، لیلا :

- سن منی بوشاماق استهیرسن ؟ !

- چاره م یوخدور .

- سن منیم جسدیمی بو ائودن چیخاردا بیلرسن ! آنلادینمی ؟ ! ..
دیئب ، گوزلریندن یاشی تو کدو .
- - من که ، سنی بوشاماق استه میرم . ئوزون دئیرسن . دئییه ،

رحیم جواب وئردیکده ،

– من غلط ائدیره‌م. دئییه ، لایلا ایشق‌ریقلار ایچریسینده جواب وئردی . رحیم یومشالدى . آهنگینی دگیشره‌ك :

– منی سئویر سنسه ، آتا- آنامیدا سئومه‌لیسن . بیلدینمی ؟

– بیلدیم . دئییه ، لایلا جواب وئردیکده ، رحیم گولومسه‌دی . اونو ، ایکی قوللاری آراسیندا سیخاراق ئویدو .

– بیلیرم ، بو سوزلر سنین ئوز سوزون دگل . آنجاق ، آتا-

آنانین احترامی بیزه واجبدد. بیز اونلارا خور باخیب، احترام‌سیز- لیک ائتسك ، بیزیم ائولادلاریمیزدا بیزه ائده‌رلر . دئدی . او گوندن لایلا بیرده آیریلیق صحبتی دیلینه گتیرمدی . رعنا بیر یاشیندا ایکن ، قاین آتاسی ئولدو . ایکی ایل صون‌رادا کلثوم قاری سفر بوخچاسینی دوینوله‌دی . لایلا بو گئددگی قوناخلارین آخیرا قد خدمتینده اولدو . اونلاردا ، لیلانی گوز به‌بکلری کیمی ، سئویب ، راضیلیقلا ، عمرلرینی باشا وئردیلر .



لایلا، کلثوم قارنین قاین آنالیق یولونو ایزلمدی . او، ئوزوندن آجی دگل، شیرین خاطره‌لر قویوب گئتمك ایسته‌یردی . او ، ایسته- یردیکه ، گلینی همیشه ، اوندان بیر معبت سمبولو ، قایغی‌یاقالان آنا- باجی کیمی، یاخشیلیقلا یاد ائتسین . اما ، مرجان اونون بویاخشیلیق ایسته‌ین نیتیندن ئوز نفعینه استفاده ائتمگه ، یاواش - یاواش ائوین مدیریتینى ئوزالینه آلماغا، بیر خانم کیمی ، لایلا یا بویورماغا باشلادی، بیرگون مرجان قاین آناسینا :

— بوندان صورنا ، سنین هچ بیر شئی ایله ایشین اولماسین .
 دوشك آلتیندا - یاستیقدا دالیندا اگلش . هر ایشی من ئوزوم گوره جگم .
 دئدی . بو سوزلری دمیرین یانیندا ، ظاهرده قاین آناسینا احترام
 قائل اولدوغو اوچون دئدیگینی گوستردی . آنجاق ، باطنده لیلانین
 الینی هر ایشدن کسمک ، اختیارینی الیندن آلماق اوچون دئیردی .
 دمیر اونون آناسینا ائدیگی لطف دن گولومسه دی .

— سن نه قدر یاخشیسان ؟ ! دئی ، مرجاندان قدردانلیق ائتدی .
 لایلا ایسه ، دولغون یاز بولودو کیمی ، دوتولدو . بیر بهانه یه بند
 ایدیکه ، ایلدیریم کیمی ، چاخیب ، گوزلریندن یاشی تو کسون . او ،
 هر سوزه وناراحتلیغا دوزه بیلردی . آنجاق ، ایشی اونون الیندن آلماق ،
 اونا چوخ آغیر گلیردی . ایشله مک - چالماق ، اونون اوچون اگلنجه
 ایدی ، حیات ایدی . بویله لیکله ، مرجان آلماق ، پشیرمک - دوشورمک
 ایشینی ئوز الینه آلدی . بونونلا بئله ، دمیر گوردویو ایشلره ،
 پیشیردیگی خور کلره بیر ایراد دوتسا ، مرجانا بوزارسا ، لایلا تئز
 قانادلارینی اونون اوزرینه یایاراق ، مین بهانه ایله اونو تمیزه چیخاردار ،
 ئوزونو مقصر قلمه وئره ردی . عمر بویو ، بوتون چتینلیکلره اوستون
 گلیمش لایلا ، مرجانین خودخواهلیغی ، ملاحظه سیزلیگی قارشیسیندا
 عاجز قالمیشدی . او ، مرجانین عهده سیندن یاخشی گله بیلر . اونو
 یئرینده اوتوردا بیلردی . آنجاق ، سوسوردو . چونکه ، ئوز خاطرینه
 اولارین شیرین دولانیشلارینا آجیلیق قاتماق استه میردی . بیرگون
 لایلا سویوق دگدیگیندن ، مرجاندان خواهش ائدیکه ، نه ارا آش
 پیشیر سین . اما ، مرجان اونون سوزونه اعتنا ائتمه یب ، سیرکه - شیر علی

کلم دولماسی دوزلندی . لیلا نہار یٹمدی . دمیر :
 - آنا جان ! نہ اوچون نہار یٹمیرسن ؟ دئیہ ، سوروشدوخدا ،
 لیلا :

- مثیلیم یوخذور ، اوغول ! دئیہ ، جواب وئردی . آخشام
 مرجان قاین آناسیندان دمیرہ گلہئی ائتمگہ باشلایارق :
 - عجیب آدامد . ہر نہ دئیرسن آجیغنا گلیر . نہ پیشیریرسن
 بگہ نمیر . من یلمیرم نہ ائدیم کہ ، اونون خوشونا گلین . دئدیکدہ ، دمیر ،
 - بیزیم کی بودور . ہر کسین خوشونا گلہسہ ، باشماخلا -
 رینی چوتلہ قوی قاباغینا . دئیہ ، جواب وئردیکدہ ، لیلا قاپیدان
 ایچری گیردی . رنگی آغارمیش ، دوداخلاری تترہ یردی . آغیر وجدی
 آددیملارلا ، دمیرہ دوغرو ایرہ لیلہدی . کپرک چالمادان ، ذیل - ذیل
 اونون گوزلرینین ایچینہ باخدی . ہیجانلا :

- من مرجانین ہر سوزونہ - طعنہ سینہ دوزوردوم کہ ، اوغلوم
 ائشیتسہ ، بیلسہ ، ناراحت اولار . آنجاق ، سین بوسوزونوئیہ بیلمرہ !
 دئیرسن منیم باشماخلاریمی قاباغیما جوتلہسین ؟ ! من جوتلہمہ میشدہ
 گئدہ بیلرم ! دئیہ ، عصبانیتلہ قاپینی چیریب ، ائشیکہ چیخدی .
 دمیرین باشی بیر آرقیزغین ایدی . آغزیندان توند آراق ایی گیردی .
 آناسین سوزلریندن سانکہ ، باشینا بیر قاب بوزلو سو تو کدولر ،
 تئز لیلانین دالینجا :

- آناجان ! آناجان ! . من شوخلوق ائدیردیم . ہارا گئدیرسن ؟
 دئیہ ، سسلہ دیسہ دہ ، لیلا دالینا باخمادان ، اوردان اوزاخلاشدی .

آخسام ساعت سکز یاریم اولاردی . رعنا یئنیجه شامی اورتایا قویموشدو . آلتی یاشار اوغلو پیروز ایله ، اوچ یاشار قیزی سوسن و دکتر آصلان میزین دوره سینی آلمیشدیلا . بیردن قاپی نین زنگی چالیندی . اونلارا ائله گلدیکه ، مریض گتیریلر و یا خود دکتري مریض اوسته آپارماغا گلیلر . دکتر ئوزو آیاغا دوردو . قاپینی آچاندا ، لیلانی قارشیسیندا گوروب ،

- آناجان ! .. سنسن ؟ دئییه ، گولر اوزله اونو قارشیلادی .
- رعنا ! .. آناجاندر . گلیب . دئدیگده ، رعنا و اوشاخلاریئمگی اورتادا قویوب اونون قاباغینا یو گوردولر . لیلا اوشاخلاری قوجا خالیب ، ئوپوب - سئوندن صورنا ، ایچری کئچدیله . رعنا نگران بیر حالدا :
- خیر اول ، آنا جان ! سن بو وقت بیزه گلن دگلسن ؟
دئدیگده ،

- اوشاخلاری اوره گیم ایسته دی . داریدیم ، گلدیم . دئییه ، لیلا جواب وئردی . شام یئلیب یغیشدیریلدی . پیروز ایله ، سوسن نه نه لرینین بوینوندان آسلانیر ، دیزی اوسته چیخیر ، جوربه - جور سواللار ایله صحبت آچیب اونو اگلندیریردیله . آنجاق ، لیلا آغیر ایشدن چیخمیش ، یورغون - ازنیک بیر آدم کیمی ، حوصله سیز جواب وئریر ، صنعی گولوشله ریندن بئله الم ساجیلیر ، دوتغون - دردلی بیر حالدا ، ئوز ایچیله اله شیردی . دکتر مطالعه اوچون ئوز دفترینه گئتدی . رعنا سانکه ، آناسنین قلبینه کی طوفانی اونون کدلسر یاغدیران گوزلریندن اوخویوردو . اونا یاخیلاشاراق :

- آنا جان ! نه اوچون بو قدر ناراحت سن ؟ مگر نه اولوب ؟

دئیہ، سوال وئردیکده، لیلانین اوره گی کوورلدی . گوزلرینین یاشی
ایری داملا لارلا سولغون یا ناخلاریندان آشاغی تو کولدو. قهر بوغا-بوغا:
- نه اولاجاق ؟ ! قارداشین امگیمی الیمه وئردی .

- نجه مگر ، بونه سوزدور ؟

- باشماخلاریمی قاباغیما جوتله-همك اجازه سینی ده آروادینا
وئردی .

- دمیر ؟ .. !

- بلی ، دمیر ! دئیب هیجانلا باشینین قضاسینی سویلدی .
زعنا اوچون، مرجانین رفتاری و دمیرین ظالمانه سوزلری اینا-
نیلماز ایدی . آنجاق ، بونلاری آناسینین دیلیندن ائشیدیردی .
اینانمیا بیلمزدی .

- پست فطرتلر ! .. دئیہ ، اونلارین دالینجا دئیندی . صونرا،
لیلا یا دونرهك :

- آناجان ! منکی ئولمه میشم. ئوله نه قدر سنین خدمتینده و ارام.
مگر منده سنین ائولادین دگلم ؟ .. نه فرقی وار ؟ دمیرین ائوی
اولماسین، منیم ائویم اولسون . بورادا سنین ئوز ائوین دگلمی ؟ دئیہ،
آناسینین اوره گینی تو خدا تماغا باشلادی .

سحر آچیلیمیشدی. گونش یئنیجه قیزیل ساچاقلارینی داغلارین
دوشونه سرمیشدی . رعنا صبحانه حاضر لایردی . اوشاقلار شیرین
یوخودا ، دکتور گوزلرینی آچیب ، یئرینین ایچینیده جه ، ئوز قار-
شیسیندا دوران مسئله لر اطرافیندا دوشونور ، لیلا ایسه ، غمگین بیر-
حالدا ، اوتوروب :

گنجہ نین آیی نا باخ ، اولدوزون سایننا باخ ،
 یار یولوندا جان قویدوم ، وئردیگی پایینا باخ .
 دئیہ بو باباتینی زمزمه ائدیر ، ئوز طالعینه آجیردی . قاپی
 دیولودو . رعنا قاپینی آچدیقدا ، دمیر حیطه گیردی .

– سلام ، باجی جان ! آنام سیزده در ؟ دئیہ ، سوال وئردی .
 اونون تئللری پوزغون ، گوزلری قیزارمیشدی . ناراحت و هیجانلی
 گورونوردو . رعنا اعتناسیز بیر حالدا ، اونون سلامینا جواب وئریب ،
 معنالی – نفرت آندیران باخیشلارلا اونون اوزونه باخماغا باشلادی .
 دمیر ، داریلیمیش :

– رعنا! نه اوچون جواب وئر میرسن ؟ دئیرم ، آنام سیزده درمی ؟
 دئیہ ، سورغو سونو تکرار ائتدیکده ، رعنا :

– اونون اوره گینی سیندیریب ، ائشیکه سالاندان سونرا ، سنه
 نه فرقی وار بوردادر ، یا هاردادر ؟ دئیہ ، جواب وئردی .

– یوخ ، رعنا ! منمله ائله دانیشما . سن یاخشی بیلیرسنکه ،
 من آنامی نه قدر سئویرم . ئوز دئدیگم سوزلر یادیم دوشنده باغیریم
 چاتلایر . آنلایر سانمی ؟ من آخشام کئفلی ایدیم . مرجان منی تحریک
 ائتدی . او ، سوزلری غیری ارادی اولاراق ، آغزیمدان قاچیر تمیشام .
 بیر دوشون نه دئیرم !

– دوتاق که ، بونلاری دوز دئیرسن . سن بو وقته قدر آروادین
 ئوز یاراماز رفتاریلہ ، اونا روحی عذاب وئردیگینه نه دئیہ بیلرسن ؟
 – سن نه دانیشیرسان ؟ من اونلاری همیشه ، دئیہ - گولہ ،
 مهربان گورموشم .

- یعنی ، مرجان خانمین عشقی اوقدد باشینا ووروبدر که ، هج
بیر شئی سئچه بیلیمیرسن ، ائله می ؟
- بو کنایه لی سوزلری بوراق ! من آناملادانیشمالیام . دئیب ،
ائوه کئچدی .

- سلام ، آنا جان ! دئیب لیلانی قوجاخلادی . دونه - دونه
ئوپدو . منی باغیشلا ، آناجان ! منی باغیشلا ! .. او ، سوزو من مست
حالدا ، عقلم باشیمدا اولمایب ، دئمیشم . آنلامامیشام . دئی . اونون
اوره گینی آلماغا چالمیشدی . آنجاق ، آنانین اوره گی سینمیشدی .
وقاری چیگننمیشدی . او ، هج بیر وجهیله ئوزونو راضی سالیب ،
اوغلونون توهینه گوز یوما بیلیمیردی . او ، عمرونون سونوندا ،
ئوزونو سینمیش ، عاجز گوروردو . هج بیر سوز دئمهدن ، گوزلرینین
یاشینی آخیدیر ، اوره گینی بوشالتماغا چالشیردی . دمیر نه قدر
یالواردی ، چالشدیسا ، اونو سوزه گتیره بیلمدی . او ، اوغلونندان
کوسموشدو .



لیلا چیخان گوندن ، اورهك خوشلوغودا ، ائودن اونوللا
چیخمیشدی . مرجان ایلك گونلر ، ظاهرده لیلانین گنتمه یندن متأثر
اولدوغونو آندیرسادا ، اوره گینده بونو ئوزو اوچون بیر غالبیت سانیر ،
قاین آنا شریندن یاخا قورتاردیغیندان ، ال - قولو داهادا آچیلجا -
غینا ، ئوزونده بیر یونگوللوك حس ائدیردی . عوضینده لیلانین گو -
نلونو آلماق ، اونو گئری قایتارماق تلاشی فایدا سبز اولماغی ، دمیره
روحی بیر عذاب اولموشدو . او ، لیلانین آنالیق ، ائله جه ده آتالیق

حقینی پایمال ائتمیشدی . ئوز دیلی ایله اونو زهرلیمیش . اورده شیشه‌سینی سیندیرمیشدی . بو ، دمیر اوچون دوزولمز ، آغیر پرورد ایدی . او ، آناسنین چکدیگی زحمتلری هله اونو تمامبهدی . ئوز موقتینینی اونون وارلیغیندا گوروردو . اولایا ، وفالی اوغول اولماق ، ئوله نه قدر اونو گوزلری اوستونده ساخلاماقتا شهیردی . اونا گورمه ده ، هر دفعه ائوه گیره رکن ، پیرشتی اینیرمیش کیمی ، گوزو همیشه آناسنین اوتوردوغو - دوردوغو یئرلری آختاریر ، یارالاری تزه له - نیردی . مرجانین شیرین سوزلری ، ادا لاری داها اونا آجی گلیردی . چونکه ، آنا ایله بالا آراسیندا کی ، اینجیک لیگین باغشی او ، ایدی . اونا گورمه ده ، ائوده قرار دوتا بیلیمیر ، باش گوتوروب گئدیردی . هر - گون ، گنجه - ساعت اون ایکیده - بیرده ، کسبل و مست حالدا ، ائوه دونوب ، یاتاغینا اوزانیردی . بو حال مرجانی دوشونمگه ، آیلماغا . ئوز اشتباهینی درک ائتمگه ، داها دوغروسو ، ئوزو - ئوز ایله شیرین آشینا زهر قاتدیغینی ، آنالاماقتا کماک ائتدی . آخی ، او ، لیلادان محبتدن باشقا بیر پیسلیک گورمه میشدی . او ، ائله دوشونور دو که ، لیلان کئتسه ، دمیر بوتون محبتینی اونا سالماق . آنجا ، عکسینه اولاراق ، او ، گئدن گوندن مرجان دمیرین گوزوندن دوشموشدو . باخیشلاریندان نفرت یاغیردی . بو وضع مرجان اوچون دوزولمز ایدی . نهایت ، او لیلانین یانینا گئتمک ، عذر استه مک ، اونو گئری قایتارماق فکرینه دوشدو . آنجا ، اوزو گلیمیردی . لیلایله قاباخلا شماغا خجالت چکیردی . بیر گون داریخما اونا زور گلدی . جانینی دیشینه دوتوب ، رعنا کیله ، لیلانین یانینا گلدی . اونا ائله گلیردیکه ، بونودا دمیر کیمی ،

دانشدیر میاجاق. سویوق قارشیلایاق. بلکه ده، هیچ اوزونه بئله باخمایا-
جاقدد. بوردادا او، یانلیردی. لیلا اونو گورن کیمی، یوگوروب
قوجاخلادی. دونه - دونه ئوپدو. هرایکیسین گوزلری دولمشدو.
ایگرمی گونون آیریلیغی، لیلایا ایللر آیریلیغی کیمی، گلیردی.

- آنا جان! بس سن منی باغیشلایرسان، ائله می؟!

- من که، سندن کوسمه میشم، قوزوم!

- آخی، بوتون تقصیر منیمد.

- یوخ، یوخ! سنن هیچ تقصیرین یوخدد. من سیزین حیاتبزدا،
بیر انگل ایدیم. امید وارم که، بوندان صونرا، ئوز اوره گز استهین
کیمی، خوشبخت یاشایاسیز.

- دئیر سن، خوشبخت؟! سن او، ائودن چیخان گوندن منیم
گونوم قارا اولوب دئیب، دایاندی. ئوز سوچونو بوینونا آلان مقصر
لر کیمی، باشینی آشاغا سالاراق، - من ایندی آنلایرام که، سیزه
نه قدر پیس گلین اولموشام. سنن قدرینی بیلمه میشم. سن همیشه منه
مهربان اولموسان. منیم آنلاماز لیقلا ریما گوز یوموب گذشته کئچمیسن.
سن سیز او، ائو بیر جهنمه چه وریلیب. گرهک بیزی باغیشلایاسان.
دئی، لیلایا یالوار اراق گئری قایتماغینی خواهش ائتدی. لیلا،
جوابیندا:

- بیر دفعه اوغلوم باشماخلاریمی قاباغیما جوتلیدی، قورتادی.
من بیرده او، ائوه آییاق باسما رام دئی، پوزغون بیر حالدا، جواب
وئردی. مرجان چوخ دئدی، لیلا آز ائشیتدی. مرجان اصرارینی
یئرسیز گوردو کده، مأیوس بیر حالدا، آیاغا دوردو. رعنا یولالماق

اوچون، دانیشا - دانیشا، کوچه قاپیسیناقدرد، اونونلا گلدی. مرجان:
 - آنا بوسبوتون دگیشیریلیب در. آدامدا بیرسوزدن ئوترو
 ائو - ائشیگینی، اوشاغینی آتار؟ چوخ غریبه در. دئدیگده، رعنا:
 - ئوزون گوردون گه سن اونونلا نه قدر پس رفتار ائتمیش
 اولساندا، سندن اینجیمه یب. آنجاق، دمیرین بیر سوزو، اونون
 بوتون وارلیغینی سارسیدیپ، اوره گینی پارچالایبدر. اونون حق وار.
 چونکه، او آنادر! اوغلونون دیلندن او سوزلری ائشیتمگه انتظاری
 یوخ ایدی. دئدیگده، مرجان:

- دمیر ئوزو بوینونا آلیر که، او، سوزو دئینده کئفلی اولوب،
 عقلی باشیندا اولمایب. داهایه دئیر؟

- آنام ئوز حقیقده دئیلن سوزلری ئوزقولاغیله ائشیدیپ. اونون
 اوچون فرقی یوخدر که، بوسوز عقللی آغزیندان چیخیت، یوخسا،
 دلی. سن هله آنا قلبینی درک ائده بیلمه سن. چونکه، هله اوزون آنا
 اولمامیسان. آنا اولوب - گئجه لری صبحه کیمی، کورپه نین بئشیگینین
 باشیندا سحر ائندده، قلبین ئوزبالانین قلبی ایله بیردویونده؛ بیلر-
 سن من نه دئیرم. آنجاق، من سندن چوخ راضیام که، هیچ اولماسا،
 ئوزاشتباها لارینی باشا دوشوب، آناملایا بدرفتارلیق ائتدیگینه عذراسته دین.
 سنین بواعترافین شبهه سیز که، اونون اوره ک سیخینتی سینی آزالدا جاق.
 سنه اولان محبتی داهادا، آرتاجاقدرد. دئیپ، درین بیر آه چکدی.
 صونرا، سوزونه دوام ائدره ک:

- کاش، بوتون گلینلر بو حقیقتی آنالایا، ائولرده آجیلیق -
 آیریلیق سالماخدان چکینه ایدیلر. آنام اوچون بو بیر آرزوایدی

که ، دمیری ائولندیرمین - گلین گتیرمین ، قاین آنا اولسون .
 باجی جان ! بیر یاخشی دوشون . آخی ، بیزده بیر گون قاین آنا
 اولاجایق . اگر ، آنالار ئوز گلینلریندن جفا ، روحی عذاب گوره جک
 اولسالار ، هانسی آنا گلین آرزوسو ائدد ؟ ...

من کیچیک ایدیم . آتام سویله دیگی بیر مثال هله ده یادیمدا .
 او ، سویله یردی که : کئچمیشلرده کئنده بیر نسل وار ایمیش . اولدوقجا
 چوخ یاشارمیش . ئولوم اونلاردان قاچارمیش . کبشی قوجالیب الدن
 دوشنده ، اوغلو اونو دالینا آلاراق ، کئندن کناردا اولان بیر قایانین
 اوزرینده یثره قویوب . قایدارمیش . قورت - قوش قوجانی دیدیب پار-
 چالارمیش . بیر گون ینه بیر اوغلان ئوز آتاسینی دالینا آلیب ، همین
 قایانین اوزرینده یثره قویور . قایداندا ، کبشی گولور . اوغلان
 قایدیب :

- نه یه گولورسن آتا ؟ دئییه ، سوال وئردیکده ، قوجا دئیر :
 - منده ئوز آتامی همین دلشین اوستونه قویموشدوم . او ، یادما
 دوشدو ، گولدم . دئدیکده ، اوغلان ائله بیل که ، یاتمیشدی ، آییلدی .
 ئوز - ئوزونه :

- ای داد - بیداد ! بس منده قوجالاندا اوغلو کتیریب بوردا
 آتاجاق . قورت قوشلارا یتم ائده جک ؟ ! . دئییه ئوز عملینه پشیمان
 اولاراق ، کئری دونور . آتاسینی دالینا آلیب ، ایوه قایتاریر . بو
 بیر مثالدا اولسا ، بیزیم اوچون عبرت درسی اولمالی در . آتا - آنا
 احترامینی عزیز دوتماغی ، اوشاقلاریمیز بیزدن ئو کر نملی درلر .
 ائله دکلمی عزیزیم ' ؟ منجه ، آنا ئوز قیزینی قوش کیمی . ائودن

اوچورتدوقدا ، کلینی قیزینین بئرینی دوتور . و دوتمالی در ! قاین آنا
اونو سئومیه بیلمز . آنا ایله - بالانین کین - کده تینین نه معناسی اول
بیلر ؟ یاخشی لبقلارین ائله جه ده یامانلیقلارین باغشی ئوزوموزوک .
دئیپ ، سوزونو قورتادیقدا ، مرجان باشی ایله اونون دئدیکلرینی
تأیید ائدرك :

- دوغرو دئیرسن ، باجی جان ! هامیسی ئوز الیمزده در . نه
که ، من ئوزوم ئوز آغ کونومو قارا ائله میشم .



- مرجانلار عناتین صحبتیندن بئش کون کئچیردی . گئجه ساعت
بیره یاخین ایدی . قاپی دولولدو . مرجان هله آیق ایدی . تئزدوروب
قاپینی آچدی . دمیر یئنده لول کئفلی ایچری گیردی . مرجان اونو
ئوزیاتاغینا دوغرو آپاردی . ئوزو یوخوسوز ، دمیرده ازنیک و حالسیر
اولدوغوندان ، باشلارینی یئره قویان کیمی ، هر ایکیسینی یوخو
آپارد .

سحره یاخین ، ساعت اوچ اولاردی . دمیر یوخودان آییلدی .
باش آغریسیندان باشقا ، ئوزونده بیر سانجی دا ، دویبدو . بیر آزیئرینین
ایچینده ، ساغ - سولونا چئوریلدی . اوفولدادی . آنجاق سانجی سی
گئندیگجه آرتیر ، اونون آمانینی کسیردی . نهایت ، مرجانی اویاتماغا
مجبور اولدو . مرجان گئج بیر حالدا ، یوخودان آییلیب :

- نه وار ، نه اولوب ؟ دئیپ ، سوال وئردیکده ، دمیر ناراحت
بیر حالدا :

- دور ، ئولورم ! .. آه ! .. آنا ! .. دئیپ ، دردهن زاریلداماغا

باشلادی . مرجان تئز دوروب لامپانی یانیدردی . بیر آز دمیرین کو ر کلرینی اوکارلادی . صورنا بیر استکان نبات شربتی دوزلدیب ، اونا ایچیرتدی . آنجاق ، دمیرین سانجی سی گئتدیکجه شدتلمکده ، نفسینی کسمکده ایدی .

- مرجان ! : آماند ، ئولورهم ! تئز اول ، آنامی چاغیر .
دکتره خبر وئر . دئییه ، مرجانا یالوارماغا باشلادی . گلین ئوزونو ایتیردی . گئجه نین بو وقتینده نه ائده جگینی بيلمیردی . بیر آندا لایلا خاطریندن کئچدی . او ، بوردا اولسا ، ئوزو بیر چاره ائدردی . دئییه ، دوشوندو . نهایت ، دمیر اونو باشا سالدیکه ، همسایه نین قاپیسینی دوگسون ، کمک استه سین . مرجان پالتارلارینی کئیب ، تئز قونشو- لارینین قاپیسینی دویدو . دمیرین حالینی اونلارا سویله دی . بیر نفر دکتربن دالینجا کئتمه یینی خواهش ائتدی . قونشولارینین اوغلی دایانمادان ، پالتارلارینی اگنینه تاخیب ، دکتربن آصلانین قاپیسینا گلدی . دمیرین سانجیلانیدیغینی - ئولوم حالیندا اولدوغونو اونلارا سویله دی . رعنا ایله دکتربن عجله ایله پالتارلارینی کئیب گئتمک ، استدیکده ، سانکه ، لیلانین اوره گینه دامدی .

- دوزونو دئن گوروم نه وار ؟ نه اولوبکه ، ایکیزده گئدیر- سیز ؟! یوخسا دمیرین باشیندا بیرایش وار ؟ دئییه ، هیجان ایچیریسینده اونلارین ق- باغینی کسدی . دکتربن ایله رعنا بیر - بیرینین اوزونه باخدیقدا ، لیلانین شبهه سی داهادا آرتدی . دکتربن :

- بیر شئی اولمایب . دئبرلر ، دمیر بیر آز کئفسیزله یب . اورا گئدیریک . دئدیکده . دنیا لیلانین باشینا دار- اولدو . تله سیک پالتارلارینی

اگنیه تاخاراق ، هامیدان قاباخدا یولا دوشدو . دکترا یله دمیرین
 ائوی اوزاق دگلدی . اونلار عجله ایله ، ئوزلر بنی دمیره یئتیردیلر .
 لیلا هامیدان اول اوطاغا گوردی . دمیرایلان وورموش کیمی ، قیوریلیر ،
 - آه ! .. آنا ! .. دئییه ، فریاد ائدیردی . لیلا اوغلونون حالینی
 بئله گوردو کده :

- جان ، آنا ! .. دئییب ، ئوزونو اونون باشی اوستونه یئتیردی .
 ایگر می بئش گوندن بری هیچ کسین سوزونو - التماسینی قبول
 ائتمیهن آنا ، اوغلونون حالینی خراب ائشیتدیکده ، باشی آلولو ئوزونو
 اونا یئتیرمیشدی . دکترا معاینه ائتدیکدن صونرا ، اونون یئمک -
 ایچمکدن مختصر زهرلندیگینی بیلدی . دوا - درمان ، آمپولدان صونرا ،
 دمیرین آغریلاری توختادی . آناسنین الی اونون آلنیندا ایدی .
 ایکی ایله اونون الیندن یاپیشیب ، دوداخلارینا یاپیشدیردی . صونرا ،
 اوره گینین باشینا سیقاراق :

- « ساجیوین آغینا - قاراسینا قربانام . » آنا ! .. دئییب ،
 قیزارمیش گوزلرینی لیلانین گوزلرینه زیلاهدی . دوداخلاری بیرده
 تریپندی : - دی گوروم منی باغیشلادینمی ؟ دئییه ، سوال وئردیکده ،
 لیلا گیلیب دمیرین پورتموش یاناخلاریندان ئوپدو . مرجانلا - رعنانین
 گوزلری بیر - بیرنه ساتاشدی . دوداخلاریندا تبسم اوینادی .
 دکترا اللرینی سینه سینده چارپازلایاراق ، بیر فیلسوف کیمی
 اونلاری سوزدو . صونرا ، درین بیر آه چکرهك :
 - آه ! .. آنا قلبی ! .. دئدی .

مارسيز غفار

يئنيجه ائودن چيخميش ، الينده كيف ، يئر . گويه ناز ائديب
سالانا . سالانا حر كنده اولان ، حاللي جا . دوللوجا بير خانم اونون
نظرينى جلب ائدى . تئز ئوزونو دوزلئدى . بوغازىنى آريئدى . اونا
ياخينلاشاراق ، نزا كئله :

- باغشلاين خانم ! سيزه بيرسوز دئسم قبول ائدسيز؟ دئديكده ،
خانم آياق ساخلادى . اوخ كيمي يانا چكيلميش قاشلارى دارتيلدى .
توند ماتيكلى دوداخلارى گيرده لئدى . چپ - چپ اونا باخاراق :
- كيشى ! دليسن ، يوخسا باشىنى آت چاپيب ؟ منه نه سوز
دئيه جكسن ؟ ! دئديكده ، عارسيز غفار توقع سىنين پيس يئر . يوزو -
لدوغونو دويدو . تئز ،

- من مسافره م . وار . يوخومو اوغورلايپلار . درديمو ، هچ كسه
دئيه بيلميرم . منه كمك ائدين . دئديكده ، خانم بيرده اونو باشدان
آشاغى سوزدو . ظاهريندن ديئنچى يه اوخشاميردى . قرخ بئش - اللى
ياشلاريندا ، اورتا بويلو ، چال خط ، خوش قيافه لى بير آدام ايئدى .
اكنينده كى لباس و وضعيندن اونو بير بازار آدامينا ، آلويرچيه ،
تاجرده اوخشاتماق اولاردى . خانم دوداغىنين آلتيندا : « عالمه گلير

آلا گوزلو ، قاراقاش ، - بيزه ده گایر دابانی چاتداق میتیغی یاش .
 دئییه ، دئیینه دئیینه کیفی نی آچیب اونا بیر تومنلیک کاغذ پول وئردی .
 کیشی اوتانا - اوتانا آلدی . ائلنه بیر قیافه دوتموشدو که ، سانکه ، خجا -
 لتیندن اریر - یئره گیرمک استهیر . ایلک دفعه قاباغینا چیخمیش
 بو گوزل خانمین اونا لطفینی خیره یوزدو . پولو جیسینه قویوب بیرنچه
 آددیم گوتورموشدو که ، اوجا بویلو ، انلی کور کلی . بوینو یوغون ،
 توپ صاقتال ، یئکه قارین ، اگنینه اوزون اتکلی قهوه یی لباده ؛
 چیگنینه عبا ، قره عمامه لی بیر ملا اونون قاباغینا چیخدی . عارسین
 غفارین دیشی قانا باتمیشدی . فرصتی فوته وئرمه یب ، تئز اونا
 یاخیلاشدی .

- حضرت آقا ! سیزه بیر عرض وار . دئییب ، اول ادبله سلام
 وئردی . ملا آیاق ساخلا دی . اونون سلامینی رد ائتدیکدن صونرا ،
 گوزونو اونون آغزینا زیللله دی . فکرینده ووروشدوروردو که : « یقین
 منی ئولویئرینه یا مرثیه دعوت ائتمک استهیر . » - دردیله ، دریادا
 تلاطمه دوشنلر ، ورشکست اولوب وار - یوخدان چیخانلار ، اهل عیال
 شرمنده لری ؛ الی هر یئردن اوزولن منیم کیمی بدبختلر همیشه ، علیدن
 سنین جدیندن کمک ایسته ییلر ایندی نجه اولایلر که ، سیز منی ناامید
 ائده سیز . دادیما چاتیماسیز . دئییه ، سوزو اوزاتماق استدیکده ملا
 داریلدی . هوسله سیز :

- کیشی منه موعظه ائلنه . سوزونو دی گوروم نه دئیرسن .
 ئولون - ئولوب ؟ مرثیه وار ، نذر نیازین ، مسئله شرعین وار ؟ یوخسا
 منی احسانا - خیراتا چاگیرسا ؟ دی قورتار گوروم . دئییه ، اونون

سوزونو کسدى .

- اشتباه ائتميرسن جديوه قربان اولوم ! من ائله هميشه نذر -
 نياز وئر نلردن اولموشام . اما ايندى روزگاريم قارا گليب . اهل -
 عيال شرمنده سى اولموشام . درديمي هچ كسه آچاييلميرم . دئديكده ،
 ملا اونون فكريني آنلادى . الينى صاقتالينا چكدى . دوتغون بير
 قيافه آلدى .

- آله ئوزو داديميزا چاتسين . روزگاردان دانيشما . زمانه
 گوندن - گونه خرابلاشير . هاني كچميش گوتور - قوى ، نذر -
 نياز ، احترام . گوره سن نجه اولاجايق ؟ پناه بر خدا !
 - آغا سيزين كه ، الحمدالله وضعيز ياخشيد . سيز نيه روز -
 گاردان شكاييت ائدير سيز . ؟

- رحمتليگين اوغلو ! من بوگونون فكريني ائله ميرم كه ، كچميشلر -
 ده ايل اوزونو مسجدرده ، مرثيه لرده آدام اليندن يرره ايكنه سالماق
 اولمازدى . اما ايندى جماعت سئل كيمي اوز دوندريب . مکتبلره ،
 كتابخانالارا ، شيطان يووالاريندا ، نه بيلم سينمالارا ! بئله گئتسه
 بيزيم آخيريميز نه اولاجاق ؟ من صباحين فكريني چكيرم . ديئيپ ،
 عارسيزدان اوزاخلاشماق ايستدى . غفار بير نچه آدديمدا اونون دالينجا
 گئتى .

- آغا ! جديوه قربان . من ايندى آجيمدان ئولورم . سن صباحين -
 گله جگين ، فكريني ائدير سن ؟ منه بير كمك ائت ! دئدى ايسه ده ،
 ملا دالينا باخمادان ، اورده كيمي يانلاريني باسا - باسا اوندان اوزا -
 خلاشدى . عارسيز غفار دوردوغو يرده جه ميخلانيب قالدى . بودفعه

او خو داشا دگمیشدی. البته، بئله شئلرا ونون حالینا تفاوت ائتمه سده، بیر آز دودا خلاری سالانمیشدی. یولدان ئوتلردن بیرینین گوزو باشقا یئرده اوینادیغیندان، برك اونا توخوندو. عارسین غفار چورتو پوزولموش تریاکی کیمی، دیکسینب ئوزونودوغرولتدو. اونا توخونان آدامین عذرخواهلیغینا جواب وئرمدن، آواره آداملار کیمی، ایره-لیله دی-بو دفعه بیر بقال دکانی اونون نظیرینی جلب ائتدی. دکان آغزینا کیمی دولو ایدی. توپ و ورسان داغیلمازدی. دویوتا یلاری بیر طرفده. قند-شکر بیر طرفده. لپه، نوخود، لویا، یارما، مرجی تایلاری آغزی آچیق حالدا یان-یان دوزولموشدو. یخچلین ایچینه کی پنیر، کره، سود و سائره آداما اشتها کتیریردی. قفسه لرده بوش یئر یوخ ایدی. جان درمانیدا دئسن تاپیلان دکانلاردان ایدی. دکان خلوت ایدی. بقال دخیلین دالیندا اوتوروب چوتگه چکمکده ایدی. او، ایچری گیرنده دکانچی چوتگه نی کنار آتیب تئز آغا دوردو. - آغا، بویورون! دئی، صنعی بیر تبسمله اونو قارشیلادی. مشتری بیلیم، - نه بویورورسوز؟ دئی، سوال وئردیکده، عارسین غفار ساکت آدیمالارلا اونا یاخینلاشدی.

- بیر شئی استه میرم. دوغروسو بودر که، سیزین قیافه نزرده بیر آغالیق-نجابت نشانه سی گوردوم. ائله بیل گیزلی بیر قوه منی بورا سورودو.

- لطفزدن متشکرم. منه گوره فرمایشیز ندر؟ دئدیکده، عارسین غفار بیر آز دوروخدو. گوزلرینی قفسه لره دولاندریب، اودلو بز آه چکدی. ائله بیل سوزونو دئمگه اوزو گلپیر، خجالت اونو

بوغوردو . نهايت بقالی چوخ انتظار قويماغی آرتیق گوروب :
 - انسان دردینی هر یئتنه دیئه بیلزم . زیارتدن قایدیرام .
 یولدا بیر نفرله همسفر اولدوق . ئوز حرکت و رفتاريله منی ئوزونه
 ایناندیردی . سن دئمه خوش ظاهر - بد باطین ایمیش . بیر گئجه منی
 یوخویا وئریب ، وار - یوخومو یغیب قاچدی . الیم هیچ یئرده بند
 آلمادی . ئوزومو گوج ایله تهرانا سالمیشام . ایندی نه یئمگه چوره گم ،
 نده ئوز شهریمیزه گئتمگه ماشین پولوم وار . من ئولوسن دیری .
 آله خاطرینه ، گرک منی یئردن گوتوره سن . آبرو - حیثیتیم خترده -
 در . دئیپ ، سوزونو قورتاردیقدا ، بقالین الی بویونون دالینا گئتدی .
 الیه بویونون دامارلارینی اوکالاغا باشلادی . ائله بیل که ، بونونلا
 آغلینی باشینا یغیب دئمگه بیرسوز آختاریردی . بو حالدا ، ایکی نفر
 مشتری ایچری گیردی . دکانچی اونلارا طرف یونلدی . صحبتین شیرین
 یئرینده مشتری گللمگی غفارین خوشونا گلمدی . چکیلیب بیر طرفده
 دایاندی . فکرلی - غصه لی آداملار کیمی ، آلیشدیپ سوموردویو
 سیغارین توستوسونو گوگه فوفلدی . بقال ایشینی قورتاران کیمی . بیر
 باش عارسيز غفارین یانینا گلدی .

- اگر دئسم الله وئرسین ، یوخومدور . یقین که اینانمیا جاخسان .
 اورده سفره دگل که ، آچام گوستره م . ئوزون دئهن کیمی ، آدام
 هر یئتنه دردینی آچا بیلیمیر . ایچیم ئوزومو یاندیریر ، ائشیکیم ئوز-
 گه نی . دئیپ ، اونون قولوندان دوتوب دخله طرف چکدی . وئردیگی
 یئرسيز چک لرین قایتدیغیندان ، آلاجاغیندان - وئره جگیندن اونا
 اطرافلی دانیشیب علاوه ائتدی :

- کيشی! نه وئردیکیمی آلابیلرهم، نده آلدیغیمی وئره بیلیرم.
 بو گئدیشله آخیریم نجه اولاجاغینی فکرلشنده باشیدان توسوقالخیر.
 آرقالیرام دلی اولوم. دئییه سن ایندی آند ایچمه سمدہ اینانا جاسانکه،
 من ئوزومده بیچاره یم. منیم ئوزومه کمک ائدن گر کدر. دئییب،
 سوزونو قورتارندا یئنه مشتری گلدی. دکانچی نین باشی اونا قاریشاندا
 عارسيز غفار: «دئییه سن دایانسام من بونا بیر شئی وئرملی اولاجاغام.»
 دئییه. دوشونوب، سویو سوزولن سیچان کیمی، یاواشجا سویرولوب
 ائشیکه چیخدی. او بوجور آداملارا چوخ راست گلیمش، عادت
 ائتمیشدی. هله بقال احتراملا، ئوز وضعیندن دانیشیب سوز ایله اونو
 قانع ایلدی. او. ائله آداملارا راست گلیب که، چوخ وارلی- دولتلی.
 بیر شئی وئرمدیکلری جهنم، اونو اله سالیب، تحقر ائدیپ، آجی
 سوزلرده دئیپلر. اونلارین مقابلینده عارسيز غفار هیچ وُجنده آلمایب.
 قولاق آردینا وئریپ، ئوتوبدور. بیر آدام باشقا سینا ال آچماق،
 دیلنمک فکرینه دوشنده، - اول منلیک، شخصیت و وقارینی کهنلیمش
 اسگی کیمی، بو کوب کناره آتمالی در. عارسيز غفارا ائله جه ائله
 میشدی. دیلنچی لیگی ئوزونه چورک آغاچی - صنعت ائتمیشدی.
 آنجاق، بونون گده لیگی بیر نوع «عابرلی» دیلنچیلیک ایدی. هر
 یئتنه ال آچمازدی. عقلی کسن آداملارا یاناشار، مین بیر دیل و
 حیلہ ایله اونلاری یومشالدار، بیر شئی قوپا زاردی. او، چوخ و قتلر
 آوینین حقیقنده دوشونر، یان - یورمدن سورغو. سوال ائدر، وار-یوخونو،
 ایش گوجونو، ضعیف نقطه لرینی ئو گره نر، صونرا نشان آلاردیکه،
 اوخو بوشا کئچمه سین. عارسيز غفار بویانمادیغی رنک، باخمادیغی

باجا قالماميشدى . ئوز دئديگينه گوره ، : وقتيله او ، معتبر تاجير لر
 جر گه سنده ايميش . دفعه لر له يخيلىب - قالخانلاردان . ورشكست
 اولوب وار - يوخو اليندن چيخان ، صونرا ، ينه ئوزونو دوزلدېب
 وارلانا نلاردان اولوب . ئوز دئديگينه گوره ، : مجلسلرده بويور -
 بويور ايله يوخارى باشا كئچريلن ، صحبتلرده ، پيس - ياخشى هر نه
 دئسه « آغا غفار سن دئيندى ! » دئيه ، سوزونه ارزش قائل اولارميشلار .
 اما بعضاً ده ، آغزىنى آچىب دانىشماق استهينده « گده سن بئله شئلىرى
 آنلامازسان ! » دئيه ، سوزونو آغزىندا قويان گونلريده اولوب . البته ،
 « آغا غفارسن دئيندى ! » دئيه ، احتراملا قارشىلاندىغى ايشىنين دوتدوغو ،
 قاچ اوغلان آت باسدى ! دئين گونلرينه ؛ « گده سن بئله شئلىرى
 آنلامازسان » سوزلريده - ورشكست اولدوغو ، بورجلولار قاينى دويدو -
 يو گونلرينه منسويدر . بلى ! هئچ ايگيدىن آرخاسى يئره گلمه سين .
 ايشى اگيلمه سين . دئديگينه گوره : آخرنجى شكستين يئرئنى دولدور -
 ماق اوچون او ، ياخين قوهوم ودوستلارئينن كمگىندن باشقا ، گوزو -
 نو يوموب ئوزونو اودا وورور . نزول ايله گوجلر پول گوتورور .
 ايسته ير كه ، قاز ووروب - قازان دولدورسون . اما ، دئير : « سن سايدىغىنى
 ساي . گور فلک نه ساير » . شله گوندن - گونه آغير لاشير . له له نى
 ائله باسير كه ، ذاها آلتىندان چىخايلمير . قاز وورماغى جهنم ،
 سرچه ده اليندن اوچور . دده - بابادان قالما كهنه حىطدن - ملكدن
 هر نه بى وار ايميش اليندن چىخير ، داها ئوز شهرلرينده باش
 ساخلايا بيلمير . طلبكارلارين اليندن باش گوتوروب يوخ اولور . آغا
 غفارين سوزونه اينانماق چتين اولسادا : محيطمзде بئله تصادفلر هميشه

وار . گوجلور لر اولان يئرده ضعيفلر ازيله جکدر . تجارت عالمينده ده بئله در . گوجلور سرمايه لر ، کيچيک سرمايه لري اريدير . خفه له ير ، اورتادان چيخاردر .

آغا غفار حقينده آيلار - ايللر ايله صحبت گئدير . کيمي ئولديوه . چيخير . کيمي خارجه قاچديغيندان دانشير . بئله ليکله او ، بيرتيکه چورک اولوب يوخا چيخير . ياواش - ياواش دنيدا ئوزوندن يادگار قويمايش ، سونسوز ئولورلر کيمي ، زهنلردن پوزولور . اونودولور . آنجا ، گوردو يوموز کيمي ، آغا غفار هله ده ياشاير . او ، ئوز شهريندن چيخاندان بري ؛ قولپ قويماديغي قازان قالمايب . ايرانين جنوبونا گئديب . تانينماز يئرلرده مرصيه خانليق ائديب . دعا يا زيب . جيندارليق ائديب . فاللا باخيپ - بخت آچيب . حتا ميموندا اويناديپ . تکامل ائده - ائده گليب بو مرتبه يه چاتيپدر .

او ، قدم وورا - وورا گليب شهر باغينا چيخدي . باغدا آدم آزار ايدي . فواره لرین قاباغيندا قويولموش نمکته ايکي نفر جوان اوغلان اوتوروب صحبت ائديردی . او ، گليب اونلارين يانيندا اوتوردو . آغا جلاردا کي خزانده خبر وئره ن سولغون يارپاخلار ، خفيف اسن يئلين اگله نجه سنه دونموشدو . اونلاري آسانليقلا آغا جلاردان قوپاير ، هوادا اوينادا - اوينادا آغا جلارين دييينه ساليردي . ياز و يايده کي گوزلليک ، طراوت و روحي اوخشاين حال باغدا يوخ ايدی . هر طرفه باخسان اورده ک دوتغونلاشيردي . قوشلارين جه - جه ميده غم دوغو - روردو . گویده اوچوشان آغلی - بوزلو بولوتلاردا ، ائله بيل پايين فصلی ايله البير اولموشدو . تئز تئز گونون قاباغيني دوتور - آچيردي .

آنجا ، هوا ملایم و خوشا گلیم ایدی ، عارسيز غفار هی .. قورجو -
خوب ، دریندن آه چکمکله ، اوتورانلاری ئوزونه متوجه ائندی .
بیری اونا مراجعه :

- آغا ! دئییه سن چوخ نا راحت سن . نه اولوب ؟ دنیانین باج -
خراجینی سندن استه میرلر که ؟ دئییه ، سوروشاندا غفار بیرده کو کسو -
نو ئوتوردو .

- ای ! .. نه عرض ائدیم ؟ هج یادیمدان چیخماز . جوان ایدیم .
ايله سیز یئرده اولاردیم . بیرگون آتامین دوستلاریندان بیری ، کئچن
گوندر یادیمدان چیخیب . بیلیمه منه نه دئدی - ساتاشدی . من
جوابیندا دئدیم : ای داداش نه ائدیم ؟ کاسب آدامیق . « من بو سوزو
دئینده کیشی تاراققا کیمی منیم اوستومه آچیلدی . » گده ، آماندر !
دئدی . کاسبلیغی ئوزوووه یاخین قویما ! او ، ساراتان کیمی یاخانی تانیسا
ال چکن دگل ها ! .. » دئدی . الله اونا رحمت ائله سین . ایندی
باشا دوشورم که ، نه دئیرمیش .

- دئمک یوخسوللوق سیننده یاخانی تانیب . ائله می ؟ بونون
فکری یوخدور . گئت بیردانه « بخت آزمایی » بلیطی آل . انشاالله
شانسیوا چیخار ، وارلارناسان . داها بونون آه - اوفویوخدور . دئیب ،
اوغلان گولنده غفار داریلمش کیمی ، قاش قاباغینی ساللادی .

- سن گولورسن . اما منیم اوره گمدن قانلار آخیر . آروادیم -
اوشاغیم مریض ، ئولوم حالیندادر . نه دکتره نده دوا - درمانا پولوم
وار . باش گوتوروب ائودن قاچمیشام . ئولوم آختاریرام ، اودا الیمه
دوشمور . دئییه ، گوزلرینی دولدوردو ، عارسيز غفار ئوز رولونو

باجاريقلا اوينايان هنرمندلر كيمي، جوانلاري متأثر ائتمگه موفق اولدو. ئوزو يالان ديسه ده؛ سويلديكلري گونده باش وئرن عادي حادثه. لردن ايدى. ايكنجى جوان صحبت قارىشدى.

- چوخ متأسفم عمو جان! دئدى. ايكي يولداش بير آز خيسينلا. شديلار. ايكي سیده جيلبريني تو كوشدوردو. دورت تومن پول دوزلدى. غفاره دونرك:

- اميدوارم كه، منيم دوستومون شوخلوغوندا اينجيمه سن. سنين ياخاني تانيميش كاسبلىق. يوخسوللوق ائله بيزيم ده آيريلماز، دده. بابا دوستوموز در. ئوزوده، او آمان كسن دوستلاردان. بيز ئوزوموز هر هفته بوغازيميزدان كسيب بير بليط آليب جييمزه قويايىق. بير هفته ئوزوموز او نوولا خوش ائدهريك كه، انشالله بو دفعه منيم بليطيم اودار. كاسبليغين داشين آتارام. بيلميرسن آدامين فكريندن نه لر كئچير. آدام ئوزونه خيالى اولاراق سعادت سارايلاري دوزلدير. احتياج دويونلرينى بير. بير آچير. اوداجاغى پولون خرجه نه جك يئرلرينده معين ائدير. نهايت هفته باشا چاتير. آدام قولاخلارينى شوشلهيب، اورك چيرپىنتى سيله، راديونون ديبىنى كسير، نمره لره قولاق آسير. اودما ديبىنى آنلا ديقدا، آرزولارى يوخويا چئوريلير. بئله در. الى هچ بير يئرده بند آلمايان بيزيم كيمي لر، ال چاتماز. بوش خيال و اميدله ئوزوموزو آلداديب. ياشايرىق. دئيب، پولو اونا اوزاتدى، - واريني وئرن اوتانماز. بيز كار گريك. ئوزوموزده ايشى سيزيك. گوجوموز بونا چاتير. آزدا اولسا، يئنه درديوه دگر. عارسيز غفار بير آز ئوزونو نازا چكدى. اوغلان پولو زورايله اونون

جيبينه سوخـدو . غفار دوروب اونلاردان اوزاخلاشدى . اوره گينده اونلارين ساده ليگينه گولدوده .

عظمتلى بير بنانين قاباغيندا آدام قايناشيردى . عارسيز غفار مراقلا اونلارا ياخينلاشدى . بويغيلا نلارين هاميسى جوان آداملارايدي . ايكي بير اوچ بير ، باش - باشا وئريب ، خيسينلاشير ، بعضيلرى قدم ووروردو . اوزلرينده نارا حتلىق و هيجان دويولور ، هاميسى انتظار حالى كئچيريديلر . او ، ياواشجا اونلاردان بيرينه ياناشدى :

– اوغلوم ! بوردا نه خبردر ؟ احسان وئيرلر ؟ دئييه ، سوال وئرديكده ، جوان گولومسهدى . آغزيني اونون قولاغينا ياخينلاشد .
يريب :

– عموجان ! دئييه سن كباب اينيه گلميسن . اما ، بوردا ائشك داغلايرلار .

– شوخلوغو بوشلا . دوزونو دى گوروم ، بورا نه يه يغيلميسيز ؟
– روزنامه ده اعلام ائديبلر كه ، بو اداره اوچ نفر ايشچى استخدام ائدهك . بيز هاميميز عريضة وئرميشيك . امتحان ائديبلر . ايندى گوزله يريك كه ، گورهك طبلي كيمين آدينا چالينير . دئدى .
عارسيز غفار باشيني تريپدهك : هم ! .. ، ائله هامى بير تيكه چورك دالينجا قاچيردا دئيىب . اوردان اوزاخلاشدى .

يولو ئورتولو بازارا دوشدو . بازار شولوق ايدى . آداملار قارشىقا كيمي قايناشيردى . داليندا آغيريوك 'زيقانا - زيقانا آديملايب ، تنك نفسله « خبردار ! خبردار ! » دئييه ، آداملارى يارا – يارا ايره ليلهين حملالارين خيريلتىلى ! بوغونوق سسلرى ، مالينى تعر -

یقله بن - مشتری چاغیرانلارین گورولتولو سسلری ایچینه ایتیردی . او ، رطوبتلی ، کثیف هوا دا آداملارا سورتونه - سورتونه ایره لیله یردی . نهایت ، بیر فرش تجارتخاناسینن قاباغیندا دایاندی . تجارتخانانین دفترینده اوچ نفر اگله شمشیدی . اوچوده فرش تاجیری ایدی . اونلارین آراسیندا دوتغون - سیخیجی بیر سکوت حکم سورمکده ایدی . هج بیر دانیشمیردی . ائله بیل هوپ دوتموشدولار . آنجاق ، اوز - گوز ، چاتلمیش قاشلار و آلین قیریشقلاری هامینن آنلادیغی دیلده دانیشیر ، اونلارین ایچریسینده فرتینا اولدوغونو سویله یردی . بونلا - ردان بیرری اوتوزیاشیندا اوزو قیرخیخ ، تمیز و شیک گئیملی ، خوش صفت بیر آدام ایدی . او ، میزین دالیندا اوتوروب میزه دیرسکلنمیش ، بارماخلارینی داراخلایب چنه سنه دایامیش ؛ گوزلرینی مات - مات بیر نقطه یه زیلله میشدی . ایکنجی سی - ۴۰ - ۴۵ یاشلاریندا ، کوک ، یوغون ، بونونون دالی اتدن قات باغلامیش قالین دوداق بیر آدام ایدی . اوچونجوسو - یاشی اللی دن ئوتموش ، آریخ ، نازیک و اوزون بیر کیشی ایدی . ایکنجی سی الینده تسبیح چئویریردی . اوچونجوده اللری اسه - اسه ، حرصیندن گو گرمیش - تتره یین دوداخلارینن آراسینا قویدوغو سیغارا آتش ووروردو . معلوم اولدوغونا گوره ، : جوان تاجیر - اوچونجو تاجیردن گوتوردویو فرشلری خارجه صادر ائدیپ . بازاری دوتمایب . مالی آیاغا دوشوب ، ضرر ائدیپ . داها دوغروسو ، حسابی غلط چیخیب . اونا گورده ، وئردیگی چیکلرین یئری بوش قالب ، گئری قایدیب - ایندی طلبکار قاپینی آلیب ، حقینی استه یر . « من بیچاره اولدوم ، دوتدورارام ! آسارام - کسره م ! » دئی ، جوان تاجیری

تهدید ائدیر . ایکنجی تاجرده اونلارین آراسیندا باریشدیرجی لیق رولونو اوینایردی . اوزون - اوزادی آتشمادان صونرا ، نتیجه آلا بیلمدیکلریندن یورولوب مات حالدا . ئوزایچلریله الله شیر ، چخیش یولو آختاریردیلار . عارسيز غفار قورخاق آدیملارلا اونلارا یاخینلا- شدی . سلام وئردی . اونون سلامنی آلان اولمادی . او ، اوره گینده « سیزی سلام کسین ! » دئیب ، ایکی آدیمدا ایره لیلهدی .

— الله بازار وئرسین ! دئدیگده ، میزین دالیندا اگله شمش جوان چتینلیکله باشینی هرله یب اونا باخدی .
— فرمایشیز واردر ؟ دئی ، سوال وئردی .

— دئی سن آغالارین اوقاتنی تلخ در . الله آحیلیق وئرمه سین . وجودیزی روزگارین آمانسيز بلالاریندان حفظ ائتسین . کسب کاریزا رونق وئرسین . بو دنیانین نه وفاسی واردر که ، انسان دنیا مالیندان ئوتروغم چکه - غصه یئی . وقتا که ، آخیری ئولومدر ، هامی گره که آخرتینین فکرینده اول . ال توتسا ، رحم ائده . دئی ، بلبل کیمی ئوتدو کجه ، ائله بیل اوتورانلارین دده سنه سویوردو .

— عرض ائله دیم که ، قرمایشیز واردر ؟ دئی ، جوان اونون سوزونو کسب سوالینی تکرار ائتدیگده ، او میدانی اله آلماق اوچون ئوزوندن چیخمیش درویشلر کیمی جوشدو :

— بیر مسلمان ئولوب . یئدی باش بالاجا - بالاجا - چپلاق ، آباق یالیق اوشاخلاری گون چوره گینه محتاجدر . ئولویئرده قالیب . کمک ائتمک لازمدر ! ... بوخیر ایشیزله ئوز آخره تیزی ساتین آلمیش اولارسيز . گناهلاریز قارشیسیندا وجدانیزی عذابدان قورتارمیش اولار

سيز . دندیکده ، ايکنجی تاجر دیله گلدی :

– حاجی آغا ! الله سنه عمر وئرسین ! بیزیم کله فمیز بیر آز پیر تلاشیپ . گورورسنکه ، هوسله میزیوخذ . ئوت ! ... غفار اوزدن گئتمدی .

– رحم ائدین که ، اللهدا سیزه رحم ائتسین . هر دیوونو آچان اودور . آز . چوخ هر نهیه گوجوز چاتیر الله یولوندا چیخاردین ! دئییه، دیره ننده، بیاخدان بری چپ - چپ اونا باخماقدا اولان اوچونجو تاجر داها ئوزونو ساخلایا بیلمدی .

– گده ، چیخ بوردان ایتیل جهنم اول ! اوتان ، خجالت چک ! دورام آبروی اتکینه بو کره ! دئییه ، بوزارانداندا ، عارسيز غفار هوپوخموش حالدا اونا طرف دوندو . سس اونا تانیش ایدی . بره لمیش گوزلرینی حاجیا زیلله ینده . ئوتن گونلرده باش وئرمیش آجی بیر خاطره گوزونون ئونونده جانلاندی . جانینا بیر اوشومه دوشدو . آنجاق، ئوزونو ایتیرمدی . آنلادیکه مسجد ائشک باغلامالی یئرد گل . بیردن استییه دوتولموش موم کیمی ، یومشالدى . اوزونده صنعی بیر ایریشه گوروندو :

– حاجی آغا ! وئرمیرسن - وئرمه . داها آجیغین نه دوتور ؟ چشم ! گئدرم . دئییب، بوغولموش حالدا ، اوردان اکیلدی تله سیک ایشی اولان آداملار کیمی ، او ، ایتی آدیملارلا اوردان اوزاخلاشدی . دونوب دالنا باخماغادا جرئت ائتمیردی . حاجی ایله اونون آراسیندا نه حساب اولدوغونو الله بیلر . هر حالدا ، حاجینین ناقافل بلا کیمی ، بویوردن چیخیب اونو ائشکدن دوشموش ائندیگینه دلخور ایدی .

بازاردان چيخاندا داياندى . دونوب گلدیگی قاتما - قاریشیق ئورتولو
 داریولا باخدی . ائله بیل بازارین دوتغون - بوغوجو هوا سیندان گوج
 ایله قورتاریب . آغیر یو کودالیندان یئره آتمیش حمال کمی ، ئوزونو
 یونگول حس ائتدی . درین بیر نفس آلدی . یان - یوره سینه بویلا نیب ،
 یولادوشدو . نهرا آرقالیردی . یوخوسونون وقتی ئوتموش آدام کمی ،
 اونو اسنمک یاخالایردی . آخی ، تریه کیسینن وقتی یاخینلا شیردی .
 هارا گئتسین ، هاردا اراده سنه حاکم اولان اژدها نین حرصنی
 سوندورسون؟ بو ئوزوده بیر ایش ایدی . استر - استمز کئچن گونلری
 خاطر لایب ، حسرتله دولو بیر آه چکدی . « عجب گونلر ایدی .. »
 دئییه ، دوشوندو .

آخی بئش - اون ایل بونندان قابق تریک آزاد ایدی . هر
 دونگه ده بیر تریک خانه وار ایدی . ایچری گیرن کمی ، آریق -
 بئلی قونقوز باغلامیش ، اووورتلاری باتیق ، جهنم آلاووندا
 قورسولانمیش یانیق صفت ، گوزلری چوخورا دوشموش خدمتچی لر
 مانقال ایله هوققانی قباغینا قویاردی . صول طرفیندن ساللانان هیبه -
 سیندن ، استدیگین قدر تریاک وئرمردی . نه قدر چگیرسن - چک . هیچ
 کسین سنبله ایشی یوخ ایدی . ایندی اوغورلوغونان ، قورخا - قورخا
 چکمگین دردری نشئه سیندن آرتیق اولموشدو . آنجاق نه ائده
 یلیردی؟ اونون اسیری ایدی . فکر - خیال ایچری سینده آددیملایرکن :
 - آغا غفار ! آغا غفار ! دئییه ، ئوسگور کله قاریشیق ، بوغونون
 بیر سس اونو دایان دیردی . سسله یین جمشید خان ایدی . اونو کناره
 چکیب ، - گده ، آماندر ! قوناغیم وار ، گورنه ائدیرسن ؟ دئییب ،

جيپيندن پول چيخارتدی . اونون اووجونا قيسيب . - من گئديره
ائوه . تئز آليب گلهسن . دئيې ، اوندان آيريلدى . آغا غفارا تريك
تاپماق سوايچمك قدارسان ايدى . ساتيش يئرلرينى بيلير ، ساتانلارى
تانيردى . هر دن ئوزوده قازانچينا آلدانيب تريك ساتماق فكرينه
دوشردى . اما خطر يندن قورخار « آغريماز باشىمى بلایه سالا بيلمىم .
ئىليرمه قىزىل تىشتى كه ، ايچينده قان قوسام . » دئيې ، تاماه ديشينى
چيخارديپ اتاردى .

او ، بازارليغىنى ائديپ ، ئوزونو جمشيدخانين ائوينه يئتيردى .
گتيرديگى تريكى قاپيدا نوكره وئريب ، ايچرى كئچدى . سفره
سالىنمىشىدى . جوجه پيلو ، دولما وفسنجان بوغلانيردى . دولدورولموش
آراق استكانلارى مقتاتيس كمى آدامى ئوزونه طرف چكيردى . عارسيز
غفارين غيرى ارادى اولاراق ، سارالمش چوروك ديشلرى گوروندو .
ائله پيل آج تولكوگيرنيه ، الده بجريليمش توخلوقويروغو دوشمو-
شدو .

- آفيت اولسون ! هميشه كئفده - داماخدا . دئديگده رحيم
خان اونا يئر گوستريب :

- گده عارسيز ! گورسنميرسن ، هاردا ئولموسن؟ دئيې ، بوسوز-
لرله اونو قارشىلايدى . غفار ايله سفره يه اشاره ائدرك ،
- قربان ! ائله هميشه مسجد قايسى آچيق اولاندا كوپگين
يوخوسو گلرده . دئيې جواب وئرديكده ، گولوش سسلرى بير - بيرينه
قاريشدى .

مجلسده كيلردن بيرى ملكدار رحيم خان ايدى . او ، اوتوز

پارا کندی حسابنا ، عمرونو کئفده . عياشليقدا ، قماردا کئچيرميش
 بير آدام ایدی . اوجا بوی ، انلی کورهك ، ایری گوز ، قالین - قارا -
 قاش وچاللانميش بورما بیغلاریندان اونو - اورتا عصرین شکست یئمیش
 بیر سر کرده سنه اوخشاتماق اولاردی . ایکنجی سی - ائوصاحبی جمشید
 خان ایدی . او ، ایشدن دوشموش کهنه بیر دولت مأموری ایدی .
 یاشی آلتمیشا یاخین ، آلچاق بوی ، آریق ، اووورتلاری باتیق ،
 قوروقاخا دونموش حالسيز بیر آدام ایدی . اوچونجوسو - شهرین
 وارلیلاریندان حاجی مبارک آدلی ، گرده - دولو صفت ، چال خط ،
 باشینی دوشان اوتلامیش ، یئکه بورون ، دونبا - ایری گوزلو ، کوك -
 بیچیمسيز بیر آدام ایدی . بونوندا ایشی پول نزولا وئرمک ، بيله گی
 دبدن وورماق ایدی . بوراسینیدا دئیم که ، بونلارین غفارایله تانیشلیغی -
 بوجور قوناخلیقلاردا - یغینجاخلاردا اوندان بیر دلخک کیمی ، استفاده
 ائتدیکلریندن ایره لی گلیمیشدی . رحیم خان تئز بیر استکان آراق
 دولدوروب اونون قاباغینا قویدو :

-- وور بدنه قوی جانین قیزسین . دئدی . غفار استکانی الینه

آلیب :

-- آغالارین ساغلیغینا ! .. دئیب . باشینا چکدی . استکانی

یئره قویوب ، آج قورت کمی سفره یه دوشندی . کمرلر بر کیدی .
 کلله لر قیزیشدی . سفره یغیشدیریلان کمی ، برنجدن دوزلدیلیمیش
 ظریف بیرماقال اورتایا گلدی . بیر نلبه کیده خیردا پارچالارا دوغرا -
 نمیش تریک قیرینتیلاری آرایا قویولدو . هوققالارین باشیندا کی قبر -
 میزی کوزلر اوزه رینه قویولموش تریکاری یانديرديقجا ، هوققالار

سومورولور، تریک توستوسو چن کیمی اوطاغا یایلیر؛ صحبتلر شبرینله- شیردی. رحیم خان سوزونه ادامه وئرهک :

- یئدی آرخادان بئله ییز خانیق - مالیکیک . عارسین غفار شیرینکارلیق اوچون اونون سوزونون آراسینا گirdی .

- بلی ، بلی ! نجه دئیهرلر ، اورتادا یئیب - منیم کیمی دوزده گزنلردنسیر .

- ایندی منیم کندلریمی الیمدن آلیب رعته یایلایرلار. دئیرلر، تورپاق ایشله یه نین، اکیب، بئجره نین اولمالیدر. گورونور منده گئدیپ دانا - دونالارلا ، رعیتله بیر یئرده جوت سورملی ، بئل - بئلله ملیم .

- دوغرو دانا عداالتسزلیکدر . دئییه ، حاجی مبارک اونون سوزونه قوت وئردی . رحیم خان ایچدیگی آراق و چکدیگی تریکین حرارتیندن قیزیشمیش ایدی . دردینی دئییب ، اوره گینی یونگو - للشدیرمک استه یردی . الینده کی هوققانی دریندن سوموروب، یئنه سوزه باشلادی :

- ای ! .. نه ائدیم ؟ ! اوتوز - قرخ ایل بوندان قاباخکی وقتلر اولایدی . قاتاری باغلا یایدیم بئلیمه ، توفنگی آلا یدیم الیمه . مینه یدیم کهر آتی ؛ گده لری یغایدیم باشیما . گوره یدیم کیسم جرئت ائدیپ منه دئیر : تورپاخلارینی وئر رعته . عارسین یئنه سوزه قباریشدی .
- منده الیمده شمیر عریان ، قاباغیندا آت چاپا یدیم . دئدی .
جمشیدخان یاستی - یاستی سوزه باشلادی .

- ای بابا ! .. او ، دورانلار کئچدی . اوزمانلار هر یئرہ مأموریتہ

گڏنده پول گنيره رديك سئل كيمي . عارسيز يئنه سوز آتدى .
 - بلى ، قربان ! دره خلوت - تولكو بك . كيم - كيمه ايدى .
 - بلى ! .. او گونلر كئچدى . آتالار دئمشكن ، : گوردون
 زمانه سنيله دوز گيترمير ، گرڪ سن زمانه ايله دوزه لسن . سازش
 ائده سن . رحيم خانى مخاطب قرار وئره رك :- جانم دئدى . ائوبيزيم -
 سر بيزيم . سنين كندلرينى اليندن مفتة كه ، آلميرلار . بياق كندلى
 اكير - بئجه رير ، بيجير حاضريندان سنه وئيردى . ائله اينديده
 عمرونون آخيري نا كيمي ، چالشيب آرتيرديغيني بورجونا - قيسينا
 وئره جك . الله ائله مه سين ايش باشقالارين الينه دوشسه ، هر نه ين وار
 اليندن آليب مفتة جه كندليلره پايللا سايديلار ، اوندا نه ائدردين ؟ بو
 ايشده ده بيزيم خير يميز نظرده دو تولوب . بونا شكر ائله مه ليسن . بير
 ده بابا جان ! بيزه نه وار ؟ نجه دئير لر : آلتدا قالانين جاني چيخسين .
 بياق ارباب ايدين ، اينديده ثرمایه داراول . پولونو شهرده ايشه سال .
 ائله گئنه ده ائشك ايشله يه جك ، آت يئيه جك . دئيپ ، الينده كى
 هوققاني سوموردو . آرابر آز ساكتلشميشدى . حاجى مبارك فرصتدن
 استفاده ائده رك ، سوز آتيني قامچيلادى .

- دوغرداندا ، زمانه عجب بير زمانه اولوب . ائله ترپه نيرسن
 باشيوا بورك كئچير . كئچن ايل بير نفر گليب يالوار - يا خار مند
 اوتوزمين تومن نزولا پول استدى . معامله اوچون منه يوزمين تومن -
 ليك بيرسند نشان وئردى . گنديپ باخديق . بگنديم . معامله قورتاردى .

ايل گليب باشا چيخدى . طرفدن خبر چيخمادى . دى ، اويانا - بويانا ، اولمادى . اجرائيه صادر ايلتديرديم . محله گئندنه ، گوردوم نه ؟ منه نشان وئريلن عمارتين بويرونده ايكي اوطاخلى خرابه بير حيط . سيزين جانيز اوچون ، بئله گورنده آز قالدى ائله اورداجا اورده گيم پارتلاسين سويوق تربدنىمى بورودو . ايشه باخ ها ! .. گيرو وومدا اولان حيط بئش مينه دگمزدى . آكشى هله بو جهنم ! آداملارين ظاهرينه ، يئكه - يئكه قيريلدا تماخلارينا باخيب ، حيط كرايه يه وئر . يرسن . ائله كه ، يئره - يئر اولدو ؛ دى گل سن اوغولسان بوندان كرايه آل . گر كه الينله بيرشئ ده وئريب يولاسالاسان . يادا ، دعوا دالاش ، شكاييت ايله شله سيني چوله تو كه سن . بودا بيزيم روزگار يميز . خلاصه . عجيب - غريب بير زمانه يه راست گلميشيك . سيزين جانيز اوچون ، او قدر گوزوم قورخو بدور كه ، لاپ ياخين دوستوم - قاردا . شيمدا منه ياخينلا شاندا ، اليمى جيبيمين اوستونه قويورام . پاه ، آتائين ! ، هچ كسه اينانماق اولمور . ائله بيل بو جماعته آنالارى بئشيكده لاي - لاي دئينده ، قولاخلارينا مردمز ارليق ، دله دوزلوق ، باشقاسينين بور - كونو باشيندان قاپمان يولاريني ئو گر ده ديرلر . نه ايسه ، الله آخير - يميزى خير ائله سين . دئيپ ، سينه سيني بوشالتدى و هوققاسينا زور گلدى .

صحبت آراسيندا دالبادال چكيلن تريكلر اونلارين قانينا - ايليگينه قدر ايشله ميشدى . مور گولمگه ، ئوزلرينى اونودوب خيال عالمينده اوزمگه باشلاديلار . داها سسيز ليك ايدى . صحبت يوخ ايدى .

ملکچک اوچسا ديزيلتى سى ائشيديلهردى . آنجاق ، عارسيز چکيردى .
 تريک هله اونا زور گله بيلمه ميشدى . اوطاغى بوروموش سکو تدا'او ،
 قافله دن گئرى قالدیغیندان ، ئوز ايچيله اللهشمه لى - فکر لشمه لى
 اولدو . بوگون قارشيسينا چيخان قادين ، ملا ، بقال ، کارگر لر ، فرش
 تاجير لرى ، داها صورنا ، بويرونده چورتا گئتميش کور وجدانلى
 دوستلارى و اونلارين ديوانه يه اوخشليان عصبانى قيافه لرى گوزونون
 قاباغيندا جانلاندى . ناراحتليق ، روحى عذاب و صباحا - گله جگه
 اولان نگرانلىقلاريني يادينا سالىدى . ايچديگى آراق و چکديگى
 تريکين تائريندنمى ياندنسه ، ئوزونده بير خوشحاللىق - راضيلق حس
 ائتدى . ئوز - ئوزونه لوغالاناراق :

- « الحمد لله ، نه پولوم وار اوغرو آپارسين ، نده ايمانيم وار
 شيطان . » دئدى . آنجاق ، بو حال اوندا اوزون سورمدى . بيردن
 قيافه سينده قاينايان تکبر محو اولدو دئيه سن ندنسه ، ئولموش
 غيرت دامارلارى قيميلداندى . ئوز - ئوزونو مذمت ائدرهك ، « هى ،
 بودا اولدو ايش ؟ .. مين رنگه بويان ، خلقين جيبينى سوي - ياشا .
 ائله حقينده منه دئيپلر عارسيز . يئنه ئوز - ئوزونه دوشوندو :
 فرض ائدهك كه ، منده بير تاجير ، بزاز ، باققال ياچاققالام . مگر
 اونلار حلاللىق ايله ، زحمتله قازانير - ياشايرلار ؟ سحر دن آخشاما -
 قدر آند ايچمك ، مين جور يالان توخويوب ، قر آندان دون گئيمكله ،
 خلقين گوزو باخا - باخا جيپلرينى سويمورلار ؟ هاردان دوشدو ،
 اوردان كسميرلر ؟ ... »

نه فرقى واردر ؟ منده بئله كسیره م ، همده مسئولىتسين - دردرس -

سيز . دئمك _ عارسيزليق ئوزوده بير هنر در . دئيب ، هوققاسيني
برك سوموردو . بياخكي خوشحالليق ، ئوزوندن راضيليق يئنه ده
اوزونده لپهلندی . چوخ چكمديكه ، اودا ئوزونو يولداشلارينا يئيردى .
چورتا گئتدى .

کئفلی

گنجه یاریا یاخینلاشیردی . کوچه لرده گئت - گل آزالیر ،
ایولرین لامپالاری سوندورولوردو . هر طرفه حر کتده اولان ماشینلارین
اعصابی جیرماخلایان بوق و گورولتولاری آزالیر ، شهر نسبی بیر
سکوته دالیر کن ، یاغیش شدتله یاغیر ، آرابیر چاخان ایلدیریملارین
خاریلتی - گورولتوسو وحشت دوغورور ؛ ایشیقی ، قارانلیق کوچه لری
اؤلوری ، ایشیق لاندیریردی . اسن یئل ، یاغیش داملا لارینی یولدان
ئوتلرین اوز - گوزونه چیرپاراق ، آددیملارینی ایری وسرعتله آتماغا
مجبور ائدیردی .

- بویله طوفانلی - یاغیشلی بیر گنجه ده ، رستم الینی قولاغنین
دیبینه قویوب :

ایچمیشم چاخیر ،	گوزلریم آخیر ،
من باخان یارا ،	گور کیملر باخیر .
آی جیقو - جیقو	وای جیقو - جیقو ...

دئیه ، بو قدیم ماهیننی یاغیشین آلتیندا اوخویور ، هئله نه -
هئله نه گلیردی . بدنی ایسلانماغی اونو بیر آز آیلتمیشدی . هارا گئدیگینی
سئجه بیلردی . او ، ئوز گوچه لرینین باشیندا دایاندی . الیه ایسلانمیش

تئلرینین سویونو سیخا - سیخا ، باش گوزونو اوکارلادی . خمار گوز-
لرینی دولاندیریب ، دقتله ، دوره سینه باخدی . دئییه سن ، ئوز کوچه -
لری اولدوغونا اینانا بیلیردی . کوچه لرینده اولان « قاراباش » آدلی
ایت اونون سسینه گلمیشدی . رستم آیق وقتلرینده حیوانا محبت
ائدیپ ، چور کدن - زاددان آتدیغیندان ، هاردا سسینی ائشیتسه ئوزونو
اونایتیرر ، قاباغیندا آتلیب - دوشر ، آیاخلارینا دولاشیب ، قوبرو -
غونوبولاردی . او ، ایتی گورن کیمی ، عزیز بیردوستونا راست گلیب ،
کئف - حال دئییه ، سئوینجله اونو قارشیلایان آدام کیمی :

... آ ... قاراباش! دیئیپ ، ها ها ها .. ایله گوله - گوله اونا
یاخینلاشدی . نوازش اوچون الینی اونون باشینا چکدیکده ، آیاغی
سوروشوب ، یاغیش سویوندان دوزلمیش گولمه چه نین ایچینه یخیلدی .
قاراباش اونون شاپیلتی ایله یتره دگمه یندن قورخوب کنارا سیچرادی .
آنجا ، دوستونو سویون ایچینده سریلیمیش گوردو کده ، نا راحت
بیر حالدا هوره رک ، اونون ساغ - سولونا دولانماغا باشلادی . گوهر
خانم گوزلمکدن اوسانیب ، یاتاق یئرینه اوزانسادا ، گوزلرینه یوخو
گئتمیردی . نگران ایدی . رستمین سسینی ، شاپیلتی نی ، داها صونرا ،
ایتین هورمه نی ائشیتدیکده ، یئریندن سیچرادی . چادراسینی باشینا
آتیب ، ئوزونو رستمه یئتیردی . رستم گولچه نین ایچینده اوتوروب ،
قاراباشین باشینی سینه سینه سیخاراق :

... قاراباش ، قاراباش ! دئییه ، اونو اوخشایر ، اونونلا درد-دل
ائتیردی .

گوهر ئولوم - ظولوم بیرطهر قالدیریب ، سویو سوزوله - سوزوله

اونو . ائو يئيردى . حرصىندن ديشلىرى باغار ساخلارنى كسىردى .
- سن منى لاپ جاننا دويوردون ! آخى بو نه گوندر ، بو نه
ايشدر ؟ ! دئي ، دئىنگه باشلادى . رستم گولرەك :

- گنه بد اخلاقليغا باشلادين ؟ نه اولوبكه؟ دئي . جواب وئر-
ديكه ، گوهر آجيغىندان اونو چكه - چكه آينانين قاباغىنا كتىردى .
- باخ ! باخ ، گور نه اولوب ؟ ! دئي ، قاموتا طرف كئتدى .
رستم ئوزونو دوغرولداراق ، آينايا باخديقدا ، قهقهه ايله گولرەك :

- ها ها ها ! بو منم ؟ .. نه خير ! من دگلم . ها ها ها ! ..
دئي ، دونه - دونه : نه خير ، من دگلم . دئي ، اوجادان گولوردو .
دوغروداندا گولملى بير قيافيه دوشموشدو . پالتارلارنىن سويو هله ده
سوزولوردو . اوزگوزو پالچىغا باتيب قارالمىشدى . لاپ «حاجى فيروزا»
اوخشايردى . بونون هاراي - داد ساليب اوشاخلاري يوخودان اويا-
تماغى ، گوهرى لاپ ئوزوندن چىخارتىدى . قورو پالتار و دگيشك
الينده تئز دونهك :

- رستم ! اوشاخلار ياتيب آخى ! ..
- اوشاخلار ياتيب؟ مگر مريض درلر ياتيرلار؟ دئي ، هاهاها!
ايله ، اعتناسيز بير حالدا ، گولمگه باشلادى .

رستمىن عادتى ايدى . كئفله ننده ، دانىشماق ، دئمك - گولمك ،
اوينماق ايستردى . كئف عالمينده ايكن ، نه آرواد - اوشاق ، نده
آيق يا - ياتمىش ، اونا فرقى يوخ ايدى . او ، قد قامتدن دوزگون ،
اورتا بويلو ، قارا چاتما قاشلى ، قالين گووده لى ، ايرى گوز ، يئكه
بورون بير آدام ايدى . او . آيق و قئلىننده - آغيز ، وقالى : آز

دانشان، ئوزونه شخصیت قائل اولان، سوز گوتورموین، عین زماندا؛ مهربان، ئوز آرواد - اوشاغینا قایغیلی، خوش رفتار بیر آدام ایدی. یاشادیقلاری مجلد، ائله جده - ایش یئرینده حرمتی - احترامی وار - ایدی. آنجاق، ایچگی ایچندن صونرا، ذاها دوغروسو پالانی آشیر - اندان صونرا: زمان، مکان، موقعیت، شخصیت، هامپسی یادیندان چیخاردی. بلبل کیمی. دیل آچار، بیر دلخکه چئوریلردی. لاپ سادهسی پول وئریب، بیابر چیلیغی صاتین آلاردی. او، ال - اوزونو یویوب، پالتارلارینی دگیشدن صونرا، گوهر اونون قیلیغینا گیره رک، سسبز - کویسوز یاتیر تماغا چالیشسادا، رستمین کئفی گل آچمیشدی. سس - کوی سالیب اوشاخلاری یو خودان اویاتدی. رادیونو آچدی. تصادفا، خارجی ماهنیلاریندان چاچا چالینردی. رادیونون سسینی لاپ اوجالتدی.

- چاچا! . دئی، اویناماغا، اوشاخلارلا اگلنمگه باشلادی. اوشاخلار دوروب یئرلرینین ایچینده جه اوتوروب، یوخولو، حوصله - سیز بیر حالدا، آتالارینین حرکتلرینه تماشا ائدیردیلر. اونون اویناماغی، حرکتلی گولونج ده اولسا، اوشاخلار قاش - قاباخلی، ناراحت و متأثر بیر حالدا باخیر، آتالارینین رفتار و حرکتیندن متنفر اولدوخلارینی گیزلده بیلیردیلر.

رستمین اون دورت یاشیندا شیدا آدلی بیر اوغلو، اون ایکی - یاشیندا سولماز آدلی بیر قیزی، بئش یاشیندا بابک آدلی بیر اوغلو و اوچ یاشیندا مهناز آدلی سئویملی بیر قیزی وار ایدی. او، اوینایا - اوینایا مهنازا یاخینلاشدیقدا، اوشاق قورخوب آناسینین اوستونه

یو گوردو . بو حال گوهر اوچون دوزولمز ایـدی . او ، بیر آتـانین
ئوز اوشاخلارینین قارشیسیندا مست حالدا ، بو ادا لاری گتیرمگینین نه
قدر پیس تأثیری اولدوغونو یاخشی آنلا یردی . آنجا ق نه ائده بیلردی ؟
او ، مهنازی باغرینا باساراق :

– قورخما ! .. پاپاندیردا . ندن قورخورسان ، گولوم ؟ ! ..

دئدی کده ، رستم اونلارا یاخینلا شیب :

– مندن قورخور ؟ .. دئیرسن مندن قورخور ؟ مگر من خوخیام ؟

دئیب ، او ووردلارینی یئللندی .

– خو خ ! .. دئی، گوزلربینده برل دیب اوشاغا طرف اگیل دی .

مهناز چیغیریب ئوزونو آناسینین قوجاغیندا گیزلـدی . گوهرین
عصبانیتله :

– رستم ! اوتان، خجالت چك ! بس در ! گورورسنكه ، اوشاق

قورخور . دئی، ، اعتراض سسینه :

– بوحر کتـلر هـیچ سـنه یـاراشمیر !

– گئجه نین بو وقتینده آخی ، بو نه دئمکدر ؟ !

– پا پا ده لی اولوب .

– پاپاجان ! یاخشیسی بودور که ، یاتاسان . دئی، ، هر طرفدن

اوشاخلار سس - سسه وئرەك ، اونا بوزا ردیقدا ، سانکه ، رستم بیر آز

ئوزونه گلدی . سسلره طرف دوندو کچه ، اوزلرده دوتغونلوق

گوردو . وئرلن سواللارا ، دئیلن سوزلره جواب تاپمادی . ساغ الینی

یوخاری قالدیراراق :

– یاخشی ! پاتارام ، بد اخلاقلار ! .. دئیب ئوز یاتاغینا

اوزاندی .



پایزین ایلك گونلری ایدی . گنجی کی یاغیشدان - یئلدن
خبر یوخ ایدی . گون چیخیمیشدی . آسمان صاف ، هوا تمیز - لطیف
و آوریه یاتان ایدی . گنجی نین یورغونلوغونا باخمایاراق ، گوهر
همیشه کی کیمی ، تئ-زدن دورموش ، چای قویوب ، سحر یئمگینی
حاضر لامیشدی .

- دورون ! ... مکتب وقتیدر . گنجیکه رسیز . دئییه ، سالدیغی
هایا ، شیدا ایله سولماز گوزلرینی اوکارلایا - اوکارلایا یئرلریندن دور-
دولار . یوخودان دویمادیقلاریندان ، گوزلرینی آچا بیلمیردیله-
دورماغا ارینیردیله . آنجاق ، مکتبه گنجیکمک اولمازدی . دورمالی
ایدیله . بابک ایله مهناز ، بیرده که بیزیم کئفلی هله ده شیرین یو-
خودا ایدیله . رستمینده ایش وقتی کئچیردی . گوهر نه قدر چالیشدیسایا ،
اونو یوخودان اویدادا بیلمدی ، اوساندی . آل چکیب ، ایشین دالینجا
گئتدی . اوشاخلار چای - چور کلرینی ییب - ایچیندن صونرا -
کیفلرینی گوتوروب :

- خدا حافظ ، آنا جان ! دئییه ، گوهر دن آیریلدیله . آنا ،
یوخوسوزلوخدان قیزارمیش گوزلرینی کوچه قاپیسیندان چیخانا قدر ،
اونلاردان آیرمادی . او ، ئوز - ئوزونه : « گنجی کی ناراحتلیقدان -
یوخوسوزلوخدان صونرا ، درسه قولاق آسماق ، دوشونمک ، آنلاماق
اولارمی ؟ » دئییه ، فکرلشیردی .

ساعت اون بیره آزقالیردی . رستم یئرینن ایچینده ، یوخودان

يارىم چىق اويانمىش پىشيك كىمى ، گر نه شرهك ، گوزلرینی آچدی .
 دوروب یئرینین ایچینده اوتوردو . باشی برك آغرییر ، بدن ی بوتون
 گونو ، دوز یو کو داشیمیش آدام کیمی ، ازنیك و حالسینز ایدی .
 ساعتینی آختاردی . تاپا بیلمدی . گورونور گنجه گئفلى ایکن قولو-
 ندان آچیپلارمیش . یئنیدن یئرینه اوزاندی . کئچدن آخشام بیرنچه
 نفر کهنه دوستلارینا راست گلدیگینی ، اونلارلا آياق اوستو ، بیر
 میخانایا ، اوراداندا - رستوراندا گئتدیکلرینی ؛ داها صورنا ، یاغیش -
 طوفان و پالچیقین - سویون ایچیندن گوهر اونو ائوه گتیردیگینی ؛ توره-
 تدیگی ناراحتلیقلاری یوخو کیمی ، یادینا سالدی . پشیمانلیق و خجالت
 بیر بور کو کیمی ، اونون وجودینی بورودو . اوتانیدیغیندان گوزلرینی
 بومدو . گوهر کناردان اونا گوز قویوردو . ناراحتلیغینی دویدوغو-
 ندان ، یاخینلاشاراق ، الینی اونون باشینا قویبدو .

- گون اورتادر . عزیزیم ، دورسانا ! دئدیکه ، رستم یئنیدن
 گوزلرینی آچدی . گوهرین مهر - محبتله دولو ، صفالی - تبسمی
 اونون قیریشیقلا رینی آچدی . گوهرین اللرینی ئوزاللری ایچری سینده
 سیخاراق :

- گنجه سیزی چوخمو اینجیتدیم ؟ دئییه ، سوال وئردیکده ،
 گوهر :

- کئف عالمینده ائله شئلر چوخ اولار . دور ، ال - اوزونو یو ؛
 چایینی ایچ . دئدی . رستم اورده کله نرهك ، دوروب یاتاق یئرینین اوسته
 اوتوردو .

- گوهر ! اینانکه ، منی اوز - گوزدن سالدیلار . یوخسا ،

دئدیکده ، گوهر بیردن دگیشیریلدی . عصبانیتله :

– بس در، رستم!.. بوسنین همیشه کی سوزوندور. اونون آغزینی اگرهك ، « منی اوز - گوزدن سالدیلار . » دئییه ، دئدیگی سوزلری تکرار ائئدی . - یوخسا که . سنی تانمیرام . دئدیکده ، رستم ظرفاته سالاراق :

– یعنی دئمک استهیرسن که ، ایت - ایتدیگیندن ال چکسه ده سومسونمگیندن ال چکمز. ائله می ؟ دئیب ، گولومسه دی . رستمین خونسردلیگی گوهری لاپ آلیشدیردی .

– یوخ ، یوخ ! دئدی . من دئیره م ، ایسته سن ال چکرسن . میخانانین قاپی سیندان ایچری گیرنده ، نهجه چیخاجاغینی یادینا سالسان ، هیچ کس سنی اوز - گوزدن سالیب ایچری آپارایلمز. منیم ناراحتلیغمین هیچ وقت سنین اوچون اهمیتی اولمایب . هیچ اولماسا ، اوشاخلارینی دوشون. اونلاری ملاحظه ائت. آخی ، اونلار ئوز آتالارینین شخصیتینه افتخار ائتمک ؛ سندن گوروب - گوتورمک ایسته یرلر . سن که ، ئوز خاصیتینی بیلیرسن . گورورسن که ، بیر استکان ایچندن صونرا ، حالین دگیشیر . اراده نی الدن وئیریرسن . آخی نه اوچون گوزون گوره - گوره عقلین کسه - کسه ئوزونو اودا آتیرسان ؟ ! گوهر دانیشدیقجا قیزیشیردی . رستم گئجه اوشاخلارین یوخولو ، سولغون و عصبانیتله اونا بوزاردیقلا رینی خاطرلادی . سوچلو آدام کیمی ، باشینی آشاغا سالاراق :

– هر نه دیسن حقین وار . دئدی . بو حالدا ، شیدا ایله

سولماز ،

— سلام! دئی، ایچری گیر دیلر . گوهر تئز سوزو دگیشه رک ،
گولر اوزله اونلاری قارشیلادی .



رستم بیر بانک ایشچی سی ایدی . آی باشی اولدوغوندا او ،
بوگون حقوق آلمیشدی . آخشام طرفی ، ساعت آلتیدا ایشدن چیخب
استانبول خیابانیه قدم وورا - وورا ، اتوبوس ایستگاهینا طرف گئدردی .
او ، ایگریمی گوندن آرتیق ایدی که ، دیلینه مشروب وورما میشدی .
ندنسه ، اوره یی ایچمک استه یردی . بیر میخانانین قاباغیندا کئچنده ،
ایچمک هوسی اونو دایان دیردی . میخانایا طرف دوندو . قاپیدان ایچری
گیرنده ، گوهرین « میخانانین قاپیسیندا ایچری گیرنده نجه چیخا -
جاغینی یادینا سالسان » دئی ، دئدیگی سوزلر ایلدیریم سرعتیه فکریندن
کئچدی . متردد حالدا ، دایاندی . ئوز - ئوزونو اینان دیرماغا چالیشاراق :
— آیاق اوستو بیر استکان ایچیب چیخارام . دئی ، ایچری
گیرد . میخاناچی تو کدیو استکانی تزه جه الینه آلمیشدی که ،
حسن آقا ایله حسن آقا ایچری گیر دیلر . آی باشی اولدوغوندا ،
دئی سن حقوق آلدیغینی دویموش دولار .

— سلام ! رستم خان ! ...

مرحبا داداش ! گئنه تک ایچیرسن ؟ دئی ، اونو دیله باسدیلار .
رستم نا قافل بلا کیمی ، خیرتده گینه چو کموش بو ، چاغریلما میش
قوناخلاردان ئوزونو ایتیردی .

— اختیاریز وار . بویورون ! دئی ، بیر قوشقون تکلیفی ائتدی .

حسن آقا :

— سنین سوزون یئره دوشونجه ، دشمنین بویونو یئره دوشسون .
 دئی، میخاناچیا دوندو . — یاریم بطری کیشمیش وئر . رستم
 ئوز استکانینی باشینا چکړه ، اونلارین الیندن قورتارماق اوچون ،
 عجله ایله چیخاردیب ئوز ایچدیگی آراغین و حسن آقا وئردیگی
 سفارشین پولونو وئرمک استدیگده ، حسن آقا مانع اولدو .

— سن ئوله سن اینجیه ره . اولماز ! من وئرجهگم . ئوزونده
 هارا اکیلیرسن؟ قویمارام . چوخدانندی ایستکان - ایستکانا وورمامیشیق .
 دئی ، انزولی قمیشی کیمی ، ایلشیب بوراخمادی . رستم نه قدر ،
 ایشیم وار ، تله سیرم . گوزله یرلر . دئی آند ایچدی - آمان ائله دی؛
 کور دوتدوغونو بوراخمادی که ، بوراخمادی . اونلار رستمین ضعف
 نقطه سینی ییلردیلر . اونون ایستکانینی دولدوروب :

— من ئولوم ! من ئولوم دئیرم . دئی ، قیزاردا - قیزاردا ایچیر-
 تدیلر . بونون دالینجا بیرینده - دی بیرینده .. چتینی رستم ایچه نه
 کیمی ایدی . اوندان صونرا ، ایچدیگجه - ایچه جک ، ئوزو «وئر!»
 دئی جگیدی . بوردان چیخدیلار . بیر آزدیم ووراندان صونرا ،
 حسین آقانین پیشنهادی اوزره ، بالاجا بیر رستورانا گیردیلر . ایکی
 ساعت قدرده بوردا ایچیب لاپ حالا گلدیلر . حسن آقا حسین آقایا
 گوز ووراق :

— بو گنجه گرك حسابی بیر کئف ائدهک . دئی ، رستمه دوندو .
 — من دئیرم گندهک « بهشت » رستورانینا . نجه در ؟ اوردا
 معرکه در . ای ... چالماق ، اوخوماق ، چاچا ! ... اصلا قیامتدر .
 دئی ، تعریفلهمگه باشلادی . رستم :

- كئدەك دئىرسىز، گئدەك ! دئە ، يئرئىندن قالخدى . حسابى
وئرىب اوردان چىخدىلار .



رستورانىن آدى « بهشت » ايدى . دار بىردار دالاندا كئچىپ ،
سالونالار گىردىكە ، آدام ئوزونو آيرى بىر عالمده حسا ئىدى . بو گئنىش
سالونون ساغ طرفىندە هنر ناللىق اوچون كىچىك بىر صحنە قورولموشدۇ .
توكمە - يوغون دىرەكلەر سالونون ساغ حصە سىنى كىچىك حجرەلەر
حالينا سالمىشىدى . تاوانىن اورتاسىندا و كنجارلىنىدە نصب اولونموش
رەنگ بەرەنگ ، سارى ، ياشىل ، قىر مىزى پروژە قىتورلار و لامپالار
ايشىغى افسانە وى بىر گورونوش ياراتمىشىدى . اوزلىرى آغ - تمىز
ئورتوكلەر اىلە ئورتولموش مىزلىرىن اوزەرنى جۇرە جۇرە مشروب
شىشەلرى و ئىمكلەر دوزولموشدۇ . قارصونلار مىزلىرىن آراسىلا فىر -
لا ئىردى ، ايكى نفر هيكلى كىشىدە قاپى طرفدە ، آياق اوستە دايانىپ ،
قوناقلاردا لا يىقىلە پىذىرالىق اولونما سىنا نظارت ائدىر ؛ چوبان ايتى
كىمى ، سايىقلىلا ، اىچەرىنىن نظام - انتظامىنى قورويوردولار . بورانى
باشقا مىخانالارلا مەقسە ائتمەك اولمازدى . مشرىلرى روزگارلا الە -
ياخا اولان ، حىاتىن آغىرلىقلارنى آلتىندا چاپالايان ؛ دىنانىن درد -
غمىنى ارنوتماق اوچون مئە پناە گتىر نلردن دگىدىلەر . بونلار ، اىچىپ
حالا گىلمەك ، چالغىچىلارنىن بارماخلارنىن روحى تسخىر ائىن اعجاز -
لارنى دىنلەمەك ، خوانندەلرىن اوردەك اوخشايدان ماھىنلارنى قولاق -
آسماق ، رقص ائتمەك ، دئمەك - گولمەك ، فساد باتدا قلىغىندا اوزمەك
اوچون گلن عىشلاردا و پولو زحمەتسىز - كوركلە كورونىلردن

ایدیله . میز لرین چوخوندا ، گونول آچان گوزل قیز و خانملارین
 ملیح تبسملری ، ککلیک قاققیلتی سینا اوخشار - اینجه گولوشلری ،
 اورهك چالان قیقاجی ، اوغروباخیشلاری آهن ربا کیمی ، اوتورانلارین
 نظردقیننی ئوزونه جلب ائدیله ؛ قبلرده حرارت و چیرپینتنی آرتیریردی .
 دوغرونداندا : گوزل سیزیر مجلس چالغیسیرتویا ، یاخود خرابه بیر
 بیرمزاده بنزه زمی ؟ میز لرین هر بیرینن ئوزونه گوره زمی - بساطی ،
 صحنیتی - سازی وار ایدی . وقت کئچدیکجه ، بوش میز لر دولور ؛
 هر دن ارکستر چالیدیغی ماهینلار ، اوتورانلارین روحینی اوخشایر ،
 خواننده لرین شیرین - اوره گه یاتان نوالاری ، اویناماق وادالاری آغیللاری
 باشندان اوچوردوردو هر طرفدن چپیک - آلقیش سسلری اوجالیردی .
 داها صونرا :

- تائمئرو - تائمئرو !

- آلدیلا ! ..

- پود مسقوا !

- حسنون گوزل آیتلری !

- بابا کرم ! .. دئیه ، وئریلن یثنی سفارشلر اوچون ، اوجالان
 سسلر بیر - بیرینه قاریشاراق ، سالونو تتره دیردی . سلیقه لر مختلف -
 ایدی . جوانلارین چوخو عذب هاوالارینا ، چاچا اویونلارینا طالب ؛
 باشقالاری شرق ماهینلارینی سئویردی . نه دئمک اولار ؟ هر کس ئوز
 آرزو و استکلرینین اسیریدر . فقط میرزا رسول ، رحمان ، رجب و
 احمد آدلی دورت نفر بو رقابتدن اوزاق ، گوزلری خمارلانا - خمارلانا ،
 بیر کئجده اگله شرهك ، آرام بیر حالدا ، استکانلاری بیر - بیرینه

توقوشدوروب؛ ساغلیق دئیر، صحبت آچیب اوزرینده بحث ائدیر دیلر.
 بونلار بو میخانانین مشتریلریندن اولمادیقلاری، تصادفاً، یوللاری
 بورا دوشدویو آیدین گورونوردو. هامیسیندان چوخ دانیشان میرزا
 رسول ایدی. او، قرخ-قرخ ایکی یاشلاریندا، گوزو ائینکلی،
 آلچاق بویلو، اوزو قیرخیخ، قارا بنیز بیر آدام ایدی. او، یاستی-
 یاستی، قرائتله، ایچکیدن دانیشاراق، دئیردی :

- ایچگی ایچمگین اوچ شرطی وارد: برنجی- بونو ایچن-
 ایچنده، گرک هاردا ایچدیگینی ملاحظه ائتسین. ایکنجی- اندازه دن
 آرتین ایچمه سین. اوچونجوده- کميله ایچمیلیدر، اونو آنلا سین.
 هر کس بو اوچ شرطه رعایت ائده بیلسه، ایچمک اونا حلالدر. بویله
 ایچمک دلخوشلوخلا یولد اشد. یوخ، اگر ایچگی ایچن بوشر طلردن
 بیرینه بئله، اعتناسیز اولسا، ایچمگی حرامدر! مخصوصاً اندازه دن
 آرتیق ایچمک. بویله بد مستلیگین دالیندا- دلخورلوق، بدناملیق
 و پشیمانلیق دورور. باشقالاری اونون سوزونو تصدیق ائده رک :

- آفرین، احسن! دئدیلر. رجب استکانینی الینه آلاراق،

- بس بونو ایچک بالاجا- بالاجا، اندازه ايله ایچنلرین ساغلیغینا.

دئیب، استکانلاری توقوشدوراندا، رحمان، الینی ساخلادی.

- یوخ، داداش! من بو ساغلیغا مخالفم. دئدی. رجب :

- نه اوچون؟

- منجه، آدام ایچمه سین. ائله که، ایچدی، او قدر ایچسین

که، لول دورانا قدر. بالاجا- بالاجا ندر؟ دئیب، صنعی بیر گولوشدن

صونرا، اضافه ائتدی:- بیرده من بونو دلخوشلوق اوچون ایچمیرم که.

رجب اونون سوزونو کسدى .

- صحيح ! بس نه اوچون ايچيرسن داداش ! ؟

- نه اوچون ؟ .. هر شئى ، ئوزوموده اونوتماق اوچون . سانكه ،

بو سوزلر احمدين اوره كينه ياپيشدى .

- احسن ، داداش ! منده ائله سنين كيمى ، يوخسا ، بو آرا خدان

هچ خوشوم گلمز . دئديكده ، رحمان الينده استكان شاعرانه بير نظرله

سالونو گوزدن كنجيرديب ، درين - ير آه چكدى . يولداشلارينا

دونرهك :

- هر طرفه باخيرسان ، دردین آرتیر . دئیب ، سالوندا اوتورانلاری

نشان وئردی .

- بودلر با خانملاری گورور سوزمو ؟ سیز ائله خیال ائدیر سیز -

كه ، بونلارهامیسی كفف اوچون - دلخوشلو خدان بورا گلیبلر ؟ .. !

اشتباه ائتمهین ! بونلارین چوخونو بورا چكیب گئیره ن احتیاجد .

اونلارین دوداخلاریندا قیملدانا ن صنعی لبخندلریندن ؛ اور كلرینده کی

اضطراب و آغرینى اوخوماق چتین دگل . بلی ! .. بیر تیکه چورك

اوچون مفتخه خورلارین الینده اگله نجهیه - اویونجا غا چه وئریلیر .

دئديكده ، رجب اونون سوزونو کسدى .

- داداش ! سويله دیکلرین چوخ شاعرانه ایدی . اما ، باشقاسینین

دردینی چکمک بیزه قالمایب . بیز گلیمشیک بیر ساعتلیغا بوردا خوش

اولا ق . میرزا رسوله دونرك :

- بئله دگل می ، آغا میرزا رسول ؟

- بلی ، بلی ! دئییه میرزا رسول اونون سوزونو تصدیق ائدیپ

علاوہ ائندی :

— دنیا بٹلہ گلیب ، بٹلہ دہ گئدہ جک . دئیب ، استکانلاری بیر۔
 بیرینہ ووردولار . یولداسلاری ، رحمانین اورہک دردینہ قولاق آسماغا
 حاضر اولمادیقلاری ، اونو سیخدی . بو آدامجیققلارین ہر شئہ کور ،
 انسان دردینی ائشتمگہ کار اولدوخلارینا ؛ فقط ، ٹوزلرینی گوردو —
 کلرینسہ داریلدی . بوشالمیش استکانینی یئنیندن دولندوروب باشینا
 چکدی . آغیز بورنونو قیریشدیر اراق ، ساکت اوتوردو . ائلہ بووقت
 بیزیم قہرمانلار یاریم کفلی حالدا ، ایچری گیردیلر . اللرینی بٹل لرینہ
 ووروب ، تریاک — ہٹروین قاچاقچی سی آختاران تآمیناتلار کیمی ،
 بوتون سالونو گوزدن کئچیرتدیلر . صونرا سالونون اورتاسیندا گورون
 بوش میزہ طرف یوللانیدیلا .

حسن آقا ایلہ حسین آقا اوتوز — اوتوز بٹش یاشلاریندا ، شیک
 گئیملی آداملار ایدی . حسن آقا اوجا بویلو ، خوش قیافہ لی ، دولو
 صفت ، دوشونوقا باغا وئریب یئریہن ورزشکارلارا اوخشار ، گورنوشلو
 بیر آدم ایدی . حسن آقادا ، اونا یاخین بیر تیپ ایدی ، آنجا بویو
 گودہک ، بوینو یوغون ایدی . ٹوزلرینی چکیب ، بٹش ائشکلی خوجا
 کیمی ، اوتوردولار . رستم عادتہ اوزرہ ، خوش ایدی . دوداخلاریندا
 تبسم ، خمار گوزلری خانم اولان میزلرہ طرف آخیردی . قارصون
 عجلہ ایلہ شام جدولینی اونلارین قاباغینا قویدو . حسن آقا ایلہ حسین
 آقا جدولی نظردن کئچردیب ، عقللری کسہنی — اور کلریندن
 کئچہنی سفارش وئردیلر . چوخ چکمدی کہ ، میزین اوزری یئمک —
 ایچمککہ دولدو . اشتکانلار بیر — بیرنین دالینجا «دوستلوق» صمیمیت

و رستم خانین ساغلیغا دولوب بوشالدى . رستم هر شئی اونو تموشدو . او ، باشقا بیر عالمده سیر ائدیردی . یئرینده جسه ، چالینان هوالارا اوینایر ، خواننده لرین سسینه سس وئریر ، ئوزونون - ئوزوندن خبری یوخ ایدی . دیوار ساعتی اون بیرى خبر وئردی . یاواش - یاواش سالون سئر کله شیردی . وئریلن سفارش اوزره موسیقی دسته سی « تانگو » چالماغا باشلادی . هر طرفدن قیزلی - اوغلانلی رقص اوچون آچیلیمیش یئر اوز قویدولار . بیردن بیر چیغیرتی سسی اوچالدى . هامی سسه طرف دوندو . آرا قاریشدی . ارکستر دایاندی . رستم کفلی ده اولسا خانمین چیغیرتیسیندان سوچونو آنلامیشدی . ئوزونو یغیشدیریب ، سایماز حالدا ، بیر نقطه یه تماشا ائدیردی . سانکه ، بونون هج بیر شئیدن خبری یوخ ایمیش . خانم اونا یاخینلاشدی .

- احمق ، بی ادب! دئیّه ، اونا دوتارلی بیر سیلله ووردو . حسن آقا ئیز قاباغا کئچدی . انتظامات مأمورلاری ئوزلرینی یئتریب ، چیر- پشمانین قاباغینی آلدیلار . معلوم اولدو که ، یانیندان کئچنده رستم اوندان بیر چیمدیک قوپاریب . موسیقی دسته سی یئیندن چالدى . رقص باشلاندی . حسن آقا رستمین بو حرکتیندن نا راحت اولموش کیمی ، یئرینده قورجوخدو ، آغیز - بورنونو اگروه :

- داداش ! سن لاپ بیزیم آبروموزو آپاردین . دئدیکه ، رستم گوله - گوله دوروب اونون باشینا بیر قاپاز سالدی .

- هانسی آبرونوزو ، گده ! دئدیکه ، حسن آقا هدتله یئریندن قالخدی . یان - یوره سینه گوز گزدیردی . اینجه وارا ، هج کس اونون یئدیکی قاپازا متوجه اولمامیشدی . چونکه هامینین باشی رقصه

قاریشمیشدی. حرصینی باساراق، پوزولموش تئللرینی الیه دوزلندی.
حسنه :

– سن بیر بیزه باخ . گور کميله آياق اولموشوق . کميله
استکان - استکانا ووروروق . دئی، یئنه رستمه طرف دوندو : اوتان ،
خجالت چک . ائله - ائله که آدام بیر ده سنيله ن بیر یئر چيخسين .
دئی قورولدادی . آرتیق نه یئمگه یئرلری ، نده ایچمگه گونوللری
وارایدی . اونا گوره ده ، رستمین بوحر کتینی بیر توهین کیمی ، بهانه
اؤدیب ، گوز - قاشلا حسنه قاندير دیکه ، « اکیلک وقتیدر . » آجیق
اؤتمیش آداملار کیمی ، یئریندن دوروب سالوندان چيخدی . ایکی
دقیقه اوستوندن کؤچمه میس حسین آقا :

– حسن آقا گلمدی . قوی گوروم نه اولدو ؟ دئی ، اورتادان
چيخدی . بویله لیکله رستمین دوستلوق و صمیمیتدن دم ووران
« دوستلاری » دوستون حسابنا قارینلارینی یاسدان چيخاردیب ، اوندان
اوزاخلاشدیلار .



قارصون حساب ورقه سینی رستمین قاباغینا قویدو . رستم باشینی
قالدیریب :

- بو نه در ؟
- حسابینیز در ، قربان !
- آها ! . . دؤدین حسابمیز در ؟
- بلی قربان ! رستم الیسی جیبینه سالاراق :
- هامیسی نچه اؤدیر ؟

- ایکی یوز تومن . رستم ایکی یوز تومنی سایب اونا وئردی .
قارصون گئتمک استدیكده ، رستم :

-- قارصون ! دئییه ، اونوسسلهدی . قارصون گئری دوندو . رستم
بیر اون تومنلیك ده اونا وئرهك ، - بودا سنین انعامین . دئدی .
قارصون :

- متشكرم ، قربان ! دئییه ، پولو آلیب اوزاخلاشماق استدیكده ،
رستم یئنه :

- قارصون ! دئییه ، اونو چاغیردی .

- بلی ، قربان .

-- آراق گئیر ! قارصون میزین اوزرینده کی یاریمچیق بطرونو
اونون قاباغینا قویاراق :

- آراغیز واردد قربان ! رستم بیر ایگر می تومنلیكده اونا
وئرهك :

- بوپولو وئر چالغیچیلارا . دیگیلهن منیم اوچون « بابا کرم »
چالسینلار . قارصون پولو چالغیچیلارا وئریب ، رستمین سفارشینی اونلارا
یئتیردی . ارکستر « بابا کرم » هواسینی چالماغا باشلادی . رستم گیجله
گیجله یئریندن قالخدی .

- بابا کرم ! .. دئییه ، سسینی گورولد اداراق ، اویناماق استدیكده
آیاخلاری دولاشیب یئره یخیلدی . خدمتچیلر اونو قالدیریب ئوز -
یئرینده اوتورتدولار . بویله لیگله ، گئجه یاریدان کئچدی .
سالون بوشالمیشدی . چالغیچیلار دستگاهلارینی یغشدیریب گئتمیشدیلر .
مستلیك ، یورغونلون ویوخوسوزلوق ال - اله وئرهك ، رستمی اذیب

سوسدا لتمیش ، حالدان سالمیشدی . میزین اوزرینه دیرسکله نرک ، گوزلرینی یومدو . چوخ چکمدیکه ، خورولتوسو سالونا یاییلدی . خدمتچیلر اونو دومسو کله یرک :

— آغا ! دور . رستوران تعطیل در . دئیه ، او یادیب یولا سالماق استدیلر . اونلارین سس - گویو ، رستمه یوخو کیمی گلیردی .

— یاخشی ! بد اخلاقلار ! ، دئیب ، یئنه گوزلرینی یومدو . ساعت ایکیه آز قالیردی . خدمتچیلر ناچار قالب . اونو سورویه - سورویه گتیریب قاپیدان ائشیکه سالدیلار . رستم دونقولدانا - دونقولدانا ، دوشدویو یئرده جه ، اوزانیب یاتدی .

سحره یاخینلا شیردی . او ، گوزلرینی آچدی ، ئوزونو خیاباندا گوردو . باشی شدتله آغرییر ، سویوق سومو کله رینه قدر ایشله میشدی . اگنینه نه کت نده شالوار واریدی ، ایکی الیه باشینی اوکارلا یارق ، جلد یئریندن سیچرادی . باشی گيجلدیگیندن دیوارا سوکنه رک ایکی دقیقه قدر دایانندی . ئوز موقعیتی یاخشی درک ائتمک اوچون بیئینه زور وئردی . دونن اداره دن چیخدیغی ، یول آغزیندا میخانایا گیردیگی ، حسن آقا و حسن آقا ایله گوروشونو ، اورداندا کیچیک بیر رستورانا گیردیکلرینی یادینا سالدی . او بوجور کئف لر دن چوخ ائله میشدی . آنجاق بئله بیابر چیلیغا چکدیگی اولما میشدی . کت - شالوارینی اگنیندن چیخارتمیشدی لار . ایتده گئتمیشدی - ایپده . لاپ آیلمیشدی . ئوزو - ئوز صاققالینا گولره ک :

— باخ ، کئف بونا دئیهرلر . دئدی . ئوزونو ائوه یئتیرمک فکرینه دوشدو . ال قالدیрмаغا باشلادی . سوروجولر اونون وضعینی

گوزدن کئچیر دیکده، ئوتوب گئدیر دیلر. نهایت بیر تا کسی دایاندی.
- هارا گئدیر سن؟

- خوش خیابانین اولینه. دئی، تئز ماشینا میندی. سوروجو
شبهه ایله اونا باخاراق :

- داداش ! اولمویا زنداندان قاچميسان ؟ دئی، سوال وئردیکده ،
رستم :

- یوخ ، دلی خانادان قاچمیشام . سور ، چوخ دانیشما ! دئی
عصبانیتله اونا جواب وئردی. شوقئر اونو غیر عادی حالدا گوردو کده،
داها بیر سوز دئمگه جرئت ائتمه یب ، ماشین یولا سالدی . رستم دلی
کیمی ، دئنییر ، ئوز - ئوزونه سوبوشلر یاغدیر اراق :

- لعنت منه ! آنلاماز، اراده سیز ، یاراماز مخلوق ! .. دئی،
سوسدو. صورنا دوداغینین آلتیندا آنلاشیلماز بیر طرزده ئوز - ئوزونو
منمت ائدرهك : - سن بیر ائششك قددده شعورون یوخدور ؟ او ،
باتدیغی یئردن ایکنجی دفعه کئچمه ز. سن مین دفعه بوغازینا قدر کئافته
باتاندان صورنا ، یئنه او، یولونان گئدیر سن. دئی ، فکره گئتدی.
اؤ اوشاخلار و گوهر گوزونون قاباغیندا جانلاندی . بیلیردیکه ،
ایندیده یاتما یب. مین جور اضطراب وهیجان ایچری سینده اونون یولونو
کوزله بر . صداقت ، وفاسی ، بونون هر یاراماز لیغینا دوزهك ، شمع
یاغی کیمی ، اریب - تاب کتیرمگی ، فکریندن کئچدی . خجالت
بیر هیولا کیمی ، خیرتده ینه چو کرهك اونو بوغوردو . سوروجو :
- آغا ! خیابان خوشدر . دئی، دئدیگی سوز اونو ئوزونه
گتیردی . دقتله خیابانی گوزدن کئچیردیهك .

- بیر آز قاباغا سور ، آهان ! ... ساغ طرفده ، کوچه باشیندا
ساخلا . دئدی . ماشین دایاندی . رستم یئره دوشن کیمی ، « قاراباش »
اونو ، سئوینج آندی-ران هوروشلریله قارشیلادی . سسه ، گوهر
پنجره نی آچدیقدا ، رستم :

- ایکی تومن پول کتیر . تئز اول . دئدی . گوهر نگران
بیر حالدا ، تله سیک آشاغا دوشدو . قاپی نی آچاندا ، رستمی توماند
کوینکله گوردو . قورخموش ،

- سنه نه اولوب ؟ ! دئییه ، سوال وئردی . رستم :

- هج بیر شئی اولمایب . شوفئری یولا سال . دئییب ایچری
گیردی . گوهر سوروجونون پولونو وئرنده او :
- خانم باغیشلا این ها ! .. آغانین باشیندا هوا وار ؟ گوهر
نا راحت بیر حالدا :

- یوخ . دئدی . شوفر :

- بس ، گورونور که ، پالتارلارینی قماردا اودوزوب . دئییه ،
اظهار نظر ائتدیکده ، زواللی گوهر ، شاشقین بیر حالدا ، ائوه دوندو .
رستم صندلین اوستونده اوتوروب ، باشینی آشاغا سالمیشدی . گوهر
اونا یاخینلاشاراق :

- سویله گوروم نه اولوب ؟ ! بونه حالدر ؟ ! دئدیکده ، رستم .

- سوس ! .. اوشاخلار اویانار . گورورسنکه ، ساغ و سالم .

دئدی . اونلار دایاندیغی پنجره شرقه دوغرو آچیلدیغیندان ، دان یئری
آغاردیغی گورونوردو . رستم گوهرین گونلونی آلماق ، اونو ایناندير-
ماق اوچون ، یئریندن دوردو . اونون الیندن یاییشاراق ، پنجره نین

قاباغینا گتیردی .

- گوهر ! دئدی . گورورسنمی ؟ دان یئری آتیر . بیر آزادان
صونرا ، گونش ئوزشعاع لاری ایله دنیانی ایشیقلا ندیر اقا قدر . بونا
اینانیر سانمی ؟! منه ده اینان ! من بیرده دیلیمه شراب وورمویا جاغام!
دئدی کده ، گوهرین یوخوسوزلو خدان قیزارمیش گوزلرینده یاش هالقا-
لاندی . بوداملالار ، الم - کدر بولودوندان دگل ، آرزو - ایستک
چشمه سیندن قاینایب قالخمشدی .

نوز آرامیزدا قالسین

او، اوتوز دورت - اوتوز بئش یاشلاریندا، آلچاق بویلو، قارا چاتما قاش، ابری چخیخ گوزلو بیر آدام ایدی. آیلا رلا اوزونه اولگوج دگمه دیگیندن، تو کو قالینلاشیب قیوریم ساچلارینا قاریشمیشدی. پوزغون و ژولیده بیر وضعی وار ایدی. سوادای اولسادا، معین بیر - صنعتی یوخ ایدی. آوارا گزره، گونلو اولاندا، دوشدو کجه، یونگول ائوایشلری گوره، سو گیتره، اودون یارار، هر دن حماللیقدا ائدردی. ساکت و قالما قالسین. بیر آدام ایدی. هچ کسه اذیت و آزاری دگمه دیگیندن، اونون کتفینه دگنده اولمازدی.

دئیلنه گوره: اون ایل بوندان قاباق او، بیر قیزا وورولور. شیدا بلبل کیمی اونون عشقیله فغانه گلیر. مناسفانه، قیز قاپیسینا گوندردیگی ائاچی لر مایوس قایدیر. قیزی بیر باشقاسینا اره وئریرلر. مرتضی نوز عشقینده شکست یئمگی اونا روحی بیر ضربه اولور. ایشدن الی سویویور. هر شئه بد بینله شیر. دنیا و حیات نظرینده معناسیز بیر شئه دونور.

فکرلی آدام کیمی همیشه اونون گوزلرینده بیر دالغینلیق

گورونوردو . اغلب ساكت اوتورار ، ئۆز ايچىلە اللە شردى . هردن دردى آرتىب سىنە سنە سىغماياندە ، ائشىگە تو كەك اوچون دانىشار اورە گىنى بوشالدار ، حقسىزلىيە ، ياراماز عادتلەرە قارشى عصيانچى اولاردى . اونا گورەدە ، چوخلاردى اونا بىر ديوانە نظرىلە باخار ، « دلى مرتضى » دئير ديلر .

بىر گون قەوہ خانەدە اوتورۇپ چاى ايچىردىك . اودا بىر كونجەدە قاباغىندا چاى اگنە شىمشىدى . گوزلرى دكانىن بوشلۇغوندا چىرىنىر كن ، ياواش - ياواش دانىشماغا باشلادى . من دقتلە اونون سوزلرىنە قولاق آسىردىم . صحبتى دەلى آدام دانىشىغىنا اوخشامىردى . او ، بىر ناطق كىمى اوتورانلارى مخاطب قرار وئەرك :

- ايشە باخ ! . . دردە باخ ، ملتە باخ ! دئىب داياندى . آجى بىر تبسم دن صونرا ، يئنە سوزە باشلادى . - گور نە چىتىلىكر لە الە . ياخا اولموشوق . خيال ائتمەين كە . بوچتىلىكلر قەدتىن ايلە بىزىم اوچون يارادىلمىش قور تولماز . فرتىنالار ، اوچر و ملاردىر . يىوخ ! . بو چىتىلىكلرىن هامىسىنى ، كئچمىشەدە بت پرستلر ئوزاللىرىلە يىونوب . دوزلەيد ، سىغاللايىب يوخارى باشا كئچەردەرك ، قاباغىندا سجدە يە گلدىكلرى مختلف هيكللر كىمى ، بىز ئوزوموز ياراتمىشىق . بويو - دوب ، ائل عادتى دئىە ، باشمىزا بلا ائلە مىشىك . بلى ! ، ئوزوموز دويونلە يە - دويونلە يە ، دويونە سالىمىشىق .

- مرتضى خان ! كئنە نە فلسوفلوق ائدىرسن ؟ ندىن دانىشىرسان ؟ دئىە ، اوتورانلاردان بىرى اونا سوال وئەردىكە ، او :
... ندىن ؟ ... مثلاً : ائولنىمك - عائلە قورماق مسئلە سىنى گوتورەك .

قىزلار يىمىز قارىب - قارى اولور ، اوغلانلار يىمىزدا ، منىم كىمى ، ياشى
 اوتوزا - قرخا چاتىب هله ده اوغلانلار . بودا اولدو ايش ؟ ..
 البته ، من ئوز يىرسىز خودخواهلىقلارى اوجوندان ، آشاغيدا
 اوتورمايىب ، يوخارىدا يىر تاپمايان قارىمىش قىزلاردان دانيشميرام .
 « سن راضى - من راضى - نه غلط ائدير قاضى ؟ » بىر اوغلان بىر قىزى
 سئودى . قىزىندا گوزو اوغلانى دوت-دو ، قورتاردى . قوى ال - اله
 وئريب ، عائله تشكيل وئرسىنلر . ئوز گله جكلرينه - سعادتلرينه
 چاليشسىنلار .

بىر ده گورورسنگه ، بىر اوغلان بىر قىزلا سئويىشدى ، عهد
 پىمان باغلاندى . ائله كه ، ائلچى لر قىز قاپسىنا گلدى ؛ ائشك گتير-
 معر كه يوكله . باشلىق بوقدر ... سود پولو بوقدر .. قىزىل - جواهرات
 بوقدر . پالتار بوقدر . نه بىلىم پالاز بوقدر ، اسكىك اولسا ، اولماز !
 تويدا كرك فلان قلوبدا اولسون . اولماسا اولمار ! .. والا ... ائلچى لر
 قاباغا قويولموش داشلارى اوغلان قاباغينا ديغيرلاياندا بىچاره نىن
 گوزو بويويور . « من بويوكون آلتىنا گيره بىلمرم » دئيب ، ائو-
 لنمك داشىنى اتكىندىن تو كور . بويله ليكله ، ايكي كونولده چىچكله-
 نىن حيات آرزولارى آچمامىش سولور . دئيب ، درين بىر آه چككى .
 سونرا ، سوزونه ادامە وئرهك : - يوخ ، اگر پناه پروردگار دئيب ،
 بىرى ئوزونو دريايا وورسا ، بورج - خرجه توى ائده بىلسه ده ، آز بىر
 مدتده بورجلولار يىن يىندن باش گوتوروب قاچاجاق . بىچاره قىز ،
 فوجاغىندا بىر اوشاق ، آوارا - سرگردان گليب دده قولتوغونا قىسىلا-
 جاق . تقصير كىمىند ؟ اوغلانين ؟ .. قىزىن ؟ آتا - آنا نىن ؟ يوخسا

اىل عادىتى دئيه، قويروغوندىن برك - برك دوتدوغوموز يئرسىزغىنە -
دېدە بەلرېن؟ .. مرتضى نېن سوزلرېنە اوتورانلاردان بعضىلرى گولور،
بعضىلرېدە اونا حق وئەرك «دوغرو دئېردە» دئېر دېلر. او، سوزونو
قورتارمايمىشدى .

- داداش! اولمازكە، قوياسان هر كس ئوز يورغانىنا گورە آياغىنى
اوزادا؟ ! بىلمەيسنكە، بىر دوه نى - قاتىرى گوجوندن آرتىق يوكلە -
سن، دىزى اوستە چوكە جك؟ .. بلى .. بىرىنېن وارى - دولتى وار.
پول سئل گىمى، باشىندان آشېر. بىلمەر هارا خر جەلە سېن. اما، من
باشى داشلى - داشدان چورك چىخاردىرام آخى! .. منكى اونون يئر-
يشىنى يئرىمە بىلمەرەم. ائشىتمەيمىسن دئېرلر: ئوردەك قازىئرىشى يئرىسە،
جە جەبى جېر يار؟ او، يوزمېن تومن خر جەلەب - توى ائدىر .
منمە گوجوم يوز تومنە چاتىر. اولمازكە، قوېر زىوېرا وئردىگىمى،
دردىمە خر جەلەم، چالېشام، شرافتلە - آلنى آچىق، ئوزومو - عىالىمى
دولاندىرام؟! نە من قاچاق دوشم، نە سېن قىزىن بدېخت اولموي؟!
يوخ! گرەك بوقدر وئەرسن! گرەك ائلە اولسون. گرەك بئلە اولسون.
بابا! جانىما باخ، قانىمى آلد! .. دىيىب، سوسدو .

- گەدە، دورا كىل! آخى، كىم سەنە قىز وئەرە؟ يئدى آخىردا
بىر سامانېن يوخدور. دئيه، بىر نقر ظرافتلە اونا ساتاشدى . مرتضى
يئرىندىن قالخدى . سانكە، بو سوزلر اونا چوخ توخوندو . كسگىن
و معنالى باخىشلارلا اونو سوزەرك :

- بدېخت! .. دولت دالېنجا قاچما! مەبەت آختار، مەبەت!
دئيه، اونا جواب وئرىپ، عىبانىتلە اوردان چىخدى .

مر تضي نېن سوزلرى كېنەلمېش بېر خاطرەنى مېم گوزومون
ئونونده جانلاندىردى . باي !. او دئىگى كېمى ، بېزىم آقا مراد دا ،
ياشى اوتوزدان ئوتموش ، ھلەدە ، عائلە قورا بېلمېن جوانلاردان
بېرى ايدى . او ھېكلەن ، قىافە دن دوزگون ، ياراشىقلى ، آنلاخلى
بېر جوان ايدى . اما كاسب ايدى . ايشىدە سېم كىش لىك ايدى . ھېچ
يادىمدان چىخماز . كىچمېش گونلردە ، اوزدن ايراق ، بېزىم قايدا
بېر كوچوك وارىدى . چوخ سرت - قورخوسوز ايدى . ياد آدام
گورسە ، سوخولاردى . بېر گون ياخىن دوستلار يىمدان بېرى - بېزە
قوناق گلمىشىدى . بېزدن قاباق ، كوچوك اونون استىقبالىنا قاچدى .
دوستوم نامردلىك ائىمەيب ، آياق قابى سىنېن بور نو اوجو ايلە ، كوچو -
يون بور نوندىن ايلىشىدىردى . چېرتمك كوجويون دوتارلى يئرىندىن
دگمىشىدى . زنگىلدەيە - زنگىلدەيە قاچىب اوزاخلاشىدى . او ، اولدو -
بو اولدو بېردە آداما سوخولماغا جرئت ائىمدى .

مرادىندا پېس يئرىندىن وورموشدولار . گوزونوقورخوتموشدولار .
او ، اىگرمى بئش ياشىندا اىكەن ، طرلان آدلى بېر قىزا وورولموشدو .
ائىلچى لىرىنېن قاباغىنا قويولان آغىر شرايطدن گوزو قورخوب ، ئولنىمك
دن واز كىچمىشىدى . او گوندىن بېردە ئولنىمك سوزونو دىلېنە گىتىرمز
«ئولنىمك بېزىم ايشىمىز دگل» دئېردى . ندنسە ، آدام ايلك عشقىندە
شكىست يىتىندە ، اونون ياراى اور كدە ساغالماز اولور . مراد سئودىگى
قىزى زور ايلە ، دولتى بېر قوجا يارە وئردىلر . مرادىن گوزو اونو
دوتموشدو . گونلو اونون يانىندا ايدى . اونا ائلە گلىردىكە ، دىنادا -
وار - يوخ بېر جە گوزل وار . اودا طرلاندر . اونون عشقىلە ياشايدى .

بوراسينيدادئيم كه، قيزدا ئوزاوره گيني مرادا وئرميشدى. ار ائوينده ،
يئمك - ايچمك ، جاه - جلال اولسادا ؛ اونون اوچون خوشبختليك
بوخ ايدى . ئوزونو ساتيلمىش يير كنيز كيمي ، حس ائدهر ، چوخ
وقتلىر دردى اونازور گلنده گوز ياشينا پناه گئيرهردى . ائشىگى
ئوز گه لرى ، ايچيده ئوزونو يانديراردى .

گونلر-آيلار، ايللرده دوندو. طرلانىن ارى حياته گوزيوموب،
دنپانين داشيني آتدى . بوتصادفدن، مرادين اوره گينده خزان چالمىش
چيچكلر ، يئىبدن غنچه آچماغا باشلادى . حيات اوزونه گولودو . شور
و هيجان قلىپنى دوتموش بد بينليگين يئرپنى دوتدو . طرلانى آلماق
اميدى اوندا ، ايشه ، حياته ، وارليغا سونسوز يير علاقه اوياتدى .
گون باتانا ياخين ايدى. او، ايشدن چيخىب طرلانى گورمك اميديله
ائولرپنن قاباغيندا بير آزدولاندى . صونرا صندلى عوضينه ، دالدا بير
قاپنين آغزىندا قويولموش قاراداشين اوزرىنده اوتوردو . ئوز گله -
جگينه نقشه چكمگه ، دوشونمگه باشلادى . غيرى ارادى اولاراق ،
چار پازلايب ديزلرينده بند ائتديگى بارماخلارپنى اوكلالير، هر دنده
بير اودلو آه چكirdى . آنجاق ، اوز گوزونده اميد قغيلجيملارى
پاريلدا ماخدا ايدى. او ، ئوز گله جگى فكرينده ايكن ، اوجا بويلو،
قارا بورما ساچلى ، آغ بوخاخلى ، ۲۲ - ۲۳ ياشلارپندا گوزل بير
خانم اونون قاباغيندان كئچدى . اوزوم تنكلرى حيطدن قالخاراق ،
ياشيل تاج كيمي باشپنى ئورتوموش قاپپيدان ايچرى كئچدى. او طرلانى
سسلمك ايسنديكده ؛ ئوز اوپناق حر كئلىر ايله طرلانىن دالينجا
حر كئنده اولان بير كولگه گوروب دا ياندى. حريف قاپپيا ياخينلاشدى.

تويوق هينينه باخان آج تولكو كيمي، خانم گيرديگي حيطه باخيردى.
صنعى ديشلرينى نشان وئرهرك :

- به - به ! .. احسن الخالقين ! دئيه . اللرينى بير - بيرينه
سورتدو . بو صحنه يه مرادين آغزى آچىق قالمىشدى . ئوز - ئوزونه :
- دئيه سن ايت موتالدان پاى اومور . بس واى منيم حالىما .
دئيب، فكره گئتىدى . گوزلرى قاباخكى رقيبىندن قورخموشودو . آنجاق
تئز ئوزونه گلدى .

- منيمكى - مىندن كئچىپ . يا حاجىيا وئرهن الله ، يامنه
وئرهن الله . دئيب اونا ياخىنلاشدى . حاجى محمد على هله ده ئوز
عالمينده ايدى . حيطه بويلا نيردى . ائله بيل كه ، اليندن اوچموش
ككلىگى آختاريردى .

- باخ ، بونا دئيه لرلر جان ! ... بئله جانانا آدام جان قربان
ائليه ! .. بو سوزلر تزه جه آغزىندان چىخمىشدى كه ، مراد بر كدن
آسقيردى . حاجى ديكسىنمىش گئرى دوندو . مرادى قاباغىندا شيت -
شيت گولن گوروب تئز ئوزونو يغىشديردى .

- لعنت شىطانا ! .. دئيب ، مرادا : - نه وار گده بد ذات نه
هيريلدايرسان ؟ مراد اليله بوينونون دالينى قاشياواق :
- حاجى آقا ! كلهينى آنلامىشام . دئيب ، ديشلرينى آغارتدى .
حاجى ئوزونو دوغرولتدو .

- سفيه - سفيه دانىشما ! نه كلك ؟
- حاجى آقا ! داها نيه مىندن گىزلىديرسن ؟ طرلان خانمىن
دردىندن ئولورسئده .

- كس سسيوى ، حرامزادا !
 - حاجى آقا ! آجيغين دوتماسين. دئيپ . ئوزونو اونا ياخينلا-
 شديردى . ياواش و جدى بير آهنگله ، - اونون آچارى منيم اليمده در .
 دئدى . حاجى حرصىنى باساراق تعجبله :
 - نجه ؛ آچارى سنين الينده در ؟
 - بلى ! .. اگر سن هن دئيه سن ها ! .. گونو - بوگون اونو
 سنه دوزلدردم . حاجى شهبه واعتمادلا قاريشيق بير باخيشدان صونرا :
 - دوزلدردن ؟ يعنى او منه گلر ؟
 - اختياريز وار حاجى آقا ! او . ئوزوده تكلېكدن تنگه گليب .
 سنين كىمى ، مومن ، وارلى و محترم بير آدام آختارير . نه دئيپ ،
 گلمز ؟ مراد بو سوزلرله حاجىنى اووسونلايپ ، اعتمادىنى اله
 گتيره بيلدى . بويله ليكله ، عهد پيمان باغلاندى . مراد طرلان ايله
 حاجىنين آراسيندا واسطه اولماغى بوينونا گوتوردو . گوروش يثرى
 تعين اولوندو . اونلار بير - بيريندن آيريلير كن ، حاجى الينى مرادين
 چيگىنه قويوب .

- داداش ! بو سر ئوز آراميزدا قالمايديرها ! .. بيلدين نه

دئديم ؟

- او بارده لاپ آرخاين اول . ئوزومده ائله بوساعت طرلان
 خانمين يانينا گكديپ ، احوالاتى اونا آچاچاغام . خبرينده صباح سيزه
 يئتيرهرم . دئيپ آيريلديلار . او ، گونون صباحى سحر ساعت دوققوزا
 ياخين ، مراد حاجىنين دكانىنين قاباغىنا چيخدى . حاجى گورن كىمى ،
 اونون قاباغىنا چيخيب ، دكانا كئچيرتدى . آلتىنا سىندلى چكىب ،

قاییدان :

- اوغلان ! تئز ایکی دانه شیرین چای گتیر . دئیہ . سسلہدی .
سونرا قایدیب مرادین یانیندا اوتوردو . اوزو گولسه ده ، اوره گینده
نگرانلیغی وارایدی . گوزلرینی مرادین اوزونه زیلله میشدی . سوروشما-
غا دا جرئت ائتمیردی . دئیہ سن جوابی اونون قیافه سیندن اوخوماق
ایسته یردی . گوزله یردیکه ، مراد ئوزو دیله گل سین . مراد حاجینین
صبر سیز لیگینی دویدو .

- حاجی آقا ! موشتولوغومو وئرمه سن دئمهرم . دئدیکه ده ،
حاجینین گوزلری ایشیقلا ندی . ساغ الینی گوزونون اوستونه قویوب :
- بئله منیم بو گوزلریم اوسته . دئییب ، یون پارچالاری نشان
وئردی . هر هان سیندان اوره گین ایسته سه ، بیر قواره کسه جگم .
دئدی .

حاجی محمد علی اورتا بویلو ، چال صاققال ، اللی یاشیندا ،
قدینی همیشه شوش دوتوب یئر یهن ، خیرده - شرده قاباغا دوشن ، بیر
دیناری جیخاندا جانی چیخان ، شور گوز بیر آدام ایدی .

- هه ...! ایندی اولدو . دئیہ ، مراد صحبتہ باشلادی : خدمتیزه
عرض ائدیم ، دونن سیزدن آیری لان کیمی ، طرلان خانم گیلہ گئتدیم .
آناسیلہ اوتوروب صحبت ائدیردی . من سوز آچاندا ، بیردن ایلان
چال میشا دوندو . ائله عصبانیلہ شدیکه ، من قورخومدان سوزومون
دالینی کتیرہ بیلمدیم . انصافاً ، آناسی قیزی دانلایب ، دیدی :

- قیز! دلی اولما میسانکه ، کیشینین سوزونو نه آغزیندا قویور-
سان؟ قولاق آس گورنه دئیر، سونرا جواب وئر. سن دئمہ بوگونلرده

شهرین جوانلاریندان بیر نچه سی بونا ائلچی گوندیمیش ایمیشلر .
 ٹوزو آغاجی کوتوروب ائلچی لری قووالایپ میش . آناسین سوزوندن
 من جرئته گلدیم . دئدیم ، - بالام ! بیر قولاق آس ، گور سنی کیم
 ایستهیر ، خوشون گلمسه گئتمهده . - سنیکی ، زورایله آلان - وئرمن
 یوخدور . سونرا ، یاواش - یاواش صحبتی آچدیم . ائله که سنین آدینی
 ائشیتدی، بیردن موما دوندو . ائله بیل که آلاوین اوستونه سو تو کدون .
 حاجی دقتله اونو دینلهردی . هر دن بیر مراد نفسینی درنده صبر -
 سزلیکله :

- هه ، هه ! . سونرا ، نجه اولدو؟ دئی، سوال وئریر ، نتیجه نی
 بیللمک ایستهیردی .

- نه باشینی آغریدیم . سن دئم، آناسیدا - ٹوزوده سنین
 مشریرلریندن ایمیشلر . سنی لاپ یاخشی تانیرمیشلار . آنا - بالا بیر -
 بیرینین اوزونه باخدیلار . سونرا قیز دیله گلدی :
 - من جوان آداما اره گئتمرم . دانا - دونا آرواد قدری بیلمز .
 دئدیگده ، آناسی .

- ائشیتمه میسن دئیرلر : قوجاقو پروق یئدیردر، جاهل یومروق!
 دئی، قیزین سوزونه قوت وئردی . من لاپ اور کلندیم . گوردوم
 من دوشوندیوم کیمی ، بونلار سنی گویده آختاریرمیشلار - یئرده
 اللرینه دوشموسن . خوب ! دئدیم . ایندی من او کیشیه نه جواب
 آپاریم؟ گئنه آنا - بالابر - بیرینین اوزونه باخدیلار . قیز گولومسه دی .
 آناسی اوزونو منه چوندریب :

- اوغول ! سن طرلانی و کیلیسن . دئدی . هر نجه مصلحت

بيليرسن ائله ده ائله . بويله ليكه ، ايش قورتاردى . اما ... دئيپ ،
سوسدو . حاجى :

— داها نه اما .. ؟

— بعضى شئلر ايسنديلر . من دئديم گرهك سيزه عرض ائدم .

— نه ايسته يرلر ؟ مراد جيييندن بير كاغذ چىخارديپ حاجيا
اوزاتدى .

— اونلار چوخ يوخاريدان باشلامىشديلار . آنجا ، من يونا .
يونا قايدا يا سالمىشام . حاجى سياهىنى گوزدن كئچيرديكجه ، دوداغىنى
آلتىندا :

— بير آلماس اوزوك ، قيزيل ساعت . گردن بند ، اوچ دست
لباس ، شيرنى والا .. شرايط مناسب اولسادا ، حاجيا آغىر گورسندى .
— دئيه سن بوراسى بير آز چتين اولدو . دئيپ ، فكره گئندى .
گورونور حاجى آقا بير كله قند و بير ملا ايله ايشين دوزه له جگىنى
گوزله ير مىش . چوخ چنه ووردو . اولمادى .
— بير دول آروادا بوقدر گوتور قوى لازيم دگل . دئديكده ،
مراد آجىق ائتمىش آدام كيمى ، يئر يندن دوردو .

— گورونور باش دوتان ايش دگل . خدا حافظ ! دئيپ ، يولا
دوزلدى . حاجى تئز . اونو دوتوب ساخلادى .

— دايان گوروم اوغلان ! هارا گئديرسن ؟ قوى سن دئيه ن
اولسون . دعوايمز كه يوخدور . دئيپ ، مرادى يئر ينده اوتورتدو .
بويله ليكله هر نه لازم ايدى ، حاجى آليب مرادين اختيارينا وئردى .
حاجى استغاره ائندى . كىين كسمه جمعه . آخشامينا ياخشى گلدى .

مراد شئيلرى آليب ، خدا حافظ لشنده حاجى اونا ياخيلاشدى .
 - داداش ! دونن تابشيرديغم سوز يادىندان چىخماسين ها ! ..
 ئوز آراميزدا ... حتا . كىين كسمه ده محرمانه اولمايدىر . دئيه ،
 برك - برك تابشيردى .

- عارفه بير اشاره ده بسدر . خدا حافظ ! دئيه ، مراد اوردان
 چىخدى .

يازين اوللرى ايدى . گللىر آچان ، بلبلىر ذوقه گليب ، جه -
 جه ووران گونلر ايدى . منده كىين كسمه مجلسينه دعوت اولونمو-
 شدوم . آخى ، من قىزين دايىسى ايدىم . آتاسى وفات ائىدىن صورنا .
 هر ايشلهرينه من يئتيشىردىم . طرلانىن و كىلى ايدىم . كىين كسمه
 مجلسى چوخ محرمانه ايدى . حاجى محمد على ، مراد ، ملا ، بيرده -
 كه من ايدىم . جوربه جور شىرنى وميوه لرمىزين اوستونوبزمه مىشدى .
 حيطده آچمىش الوان قىزىل گللىرىن ، ياسمىن عطرى پنجره دن
 ايچرى ووروردو . من حاجى ايله ياناشى اوتورموشدوم . او ، ئوزونه
 وئردىكى آرايش و كئيدىكى لباسلاردان ، هميشه كىندىن جوانراق ،
 گورسىردى . شاد و خرم ايدى . من مرادىن سر گذشتىنى اولىدىن
 بىلىردىم . هچ بير نظىر اولمادان . وقته نردبان اولسون دئيه ،
 حاجى سويلمگه باشلايدىم . گوردوم منىم صحبتىمدىن حاجىنىن حالى
 دگىشىرىلدى . رنك وئرىپ - رنك آلدى . ائله بىلكه ، اوتوردوغو
 راحت دوشكجه نىن اوزىنه ايگنه دوزدولر هى ، او طرف - بو-
 طرفى اوسته دونور ، بىرسوزده دئمىردى . منىمده خبردن - خبرىم يوخ .
 نهايت ، ملا يان اوطاغا ، قىزىن يانىنا كئچىدى . راضىلىغىنى آليب

قايتىدى . يئرینده اوتوراناندا صونرا ، اوزونو مرادا دوتوب :
 - اوغول ! سن طرلان خانمى استهیرسنمى؟ دئيه، سوال وئردى.
 مراد :

- بلى ! ... دئدى. حاجينين گوزلرى حدقه دن چيخميش ،
 رنگى بوغولموشدو. ملا عقدى جارى ائديب ، قورتاردىقدان صونرا،
 مرادادوندو ،

- اوغولم ! سنین وکیلين کيمدر؟ دئيه ، سوال وئردیکده ،
 مراد :

- منيم وکيليم حاجى آقادر . دئدى . بويله ليکله ، اوغلان
 وکيلي حاجى محمدعلى، قيزو کيلي صفيله ده من عقدنامه نى امضالا-
 ديق . حاجى محمد على نين اللرى تتره ير ، حم امدان چيخميش آدام
 کيمي، تر باسميش ، پورتموشدو . بير کلمه ده دانيشميردى. يوخولو
 آدام کيمي ، فکره کئتميشدى . حنا الله مبارک ائله سين ده دئمهدى .
 منى حيرت گوتورموشدو. نه قدر ، دوشوندم حاجينين بيردن - بيره
 بئله دگيشمه سينين علتيني بير يئر يوزا ييلمديم . ملا ئوز ايشيني
 قورتايرب : « خدا حافظ ! الله مبارک ائله سين ! » دئب ، گئتىدى .
 حاجى باشيني قالديريپ ، يئریندن دوردو . احترام اوچون ، ييزده
 قالخديق . او ، آغير آددىملارلا ايره ليله يپ ، دوز مرادين قاباغيندا
 داياندى. قورخونچ بير قيافيه گيرميشدى . ذيل - ذيل مرادين اوزونه
 باخيردى . بيردن اليني قالديريپ، مرادى وورماق ايستيدیکده ، مراد
 اونون بيله يندن دوتدو . سانکه ، حاجينين فکرينى آنلاميش ايميش.
 دويوشن خوروزلار کيمي ، بورون بورون داياندىلار.

– حقە باز !

– حقە باز ، ئوز گەنن آداخلىسىنا گوز تىكەندى . دئە مراد ،
جواب وئردىكە ، حاجى داھا دايانا بىلمەيب ، آلاولانمىش بىر حالدا :
– منىم باشىما بورك قويان ھلە آناسىندان اولمەيب . ايندى سە
آنلادارام ! دئەيب ، ال . آياغى تترەيە - تترەيە اوردان چىخدى . من
بونلارەن سەھىتىنىڭ باش چىخاردا بىلمەيدىگەندى ، قورويوب قالماشقىم .
حاجى بورنو ئىللەنمىش آت كىمى ، كوكرەيب ، گوتورولدى . دوز
كلانترەيە طرف كەتتى . كلانترەينى يوز قەدەم لىگەندە بىردىن داياندى .
بىر آز فەكرە كەتتى . ال . قولونو ئولچەرك ، ئىشىدىن ايرەلەدى .
او ، مراددان انتقام آلماق ، حاجى ياكەك قورماغىن دادىنى بىلدىرمەك
اىستەيدى . آنجا ، اونو داياندىران ، فەكرە سالان نە ايدى ؟ آخى
او ، شەردە حەرمەتلى ، غەبارلى ، ھامىيا آغىل وئەيب ، يول گەستەرن
بىر آدم ايدى . مرادى دوتدوروب زندانا سالدیرسا ، بوتون شەردە
يايىلاجا ، آروادى اوشاخلارە بىلەك ، اصلى - كرم كىمى آدمى
دەللەرە دوشەك ، آبرو وھىتى كەندەك ايدى . اونو ايكى گونوللو
ائەيب ، آوارا قوياندا ، بوراسى ايدى . كلانترەيە ياخىنلاشقچا ،
آدەملەرى سوسدالیردى . قاپىيا ياخىنلاشاندا ، ئوز - ئوزونە :

– لىنت شىطانا !.. دئەيب ، داياندى . قاپىدا دايانمىش كەشكىچى
پەلس اونو تانیردى . گورن كىمى :

– سلام ، حاجى آقا ! خەير اولام ؟ دئەيدەكە ، حاجى بوخودان
آيلىمىش كىمى ، بىردىن باشىنى قالدیردى . سەنى بىر گولوشلە كەشكىچى -
نەن سلامىنا جواب وئەيب ، اولكەموش حالدا ، كەتتى دوندۇ . قاپىنى

دويدو كده ، مرادلا من ، قاباغينا چىخديق . بيزه ائله گليرديكه ،
مرادى آپارماق اوچون ، پليس گتريب . قاپىنى آچاندا ، او ، گونو-
لسوز ، گولوشله مرادا ياخىنلاشدى :

- داداش! منده تبريك ائديره م. دئيىب ، علاوه ائتدى :- من سنى
باغىشلایرام . آنجا ، بير شرطله .

- متشكرم حاجى آقا ! نه شرط ؟

- اول ، اليه دوشدو كچه . منيم حسايىمى دولاسان .

- منكه ، سنىن حقىنى يئيهن دگلم .

- آفرين ! .. اوندا كئچك شرطمزه .

- بويورون حاجى آقا ! دئيىب ، مراد جواب وئرديكده ، حاجى

اگىليب قولاغىنا :

- سنىن بو كلگىن ئوز آراميزدا قالمالى در . دئيىب ، مرادين

قولاغىندان ياپىشدى . آي حقه باز ! دئدى .

حيات آجيلقلاريندان

بهار عمرونون صون گونونو كئچيریدی . سحر ایدی . دیوار ساعتی ناله یه اوخشیان بوغونوق دانقیلتی سی ایله ، دوققوزو ییلدیردی . سئیرهك ، بوز بولوتلار گوننه شین قارشیسینی دوتموشدو . گئیش تیمارستان حیطینده صیرا ایله دوزولموش گووده لی - یاشیل دونلو آغاجلار ، رنك به رنك گل - چیچكلر ، قوشلارین جه - جه هی ؛ یازین طراوت و بوتون گوزللیگی بئله ، انسانین اوره گینی آچا ییلمیردی . سیخیجی بیر حزن - الم حکم سورمکده ایدی . کفنه بنزه ر ، آغ دونلارا بورونموش مریضلردن بعضیلری ایکی بیر - اوچ بیر قدم وورور ، بیر نفر ئوز - ئورونه دانیشیر . او ، طرفده گوزل بیر گلین جانلی چینار آغاجینا سو که نیب ، ایری گوزلری حیطین بوشلوقوندا چیرپینیر . اوزونه داغیلیمیش پوزغون تئللری پریشانلیغینی داهادا جانلاندیریردی . پرستارلار هر طرفه حر کتده در . باشقاسی قهقهه چکیب گولور . او ، بیرى آغلایر . قاپی طرفده ایکی نفر خدمتچی بیرمریضین قوللاریندان دوتوب چکه - چکه ، زنجیرلمگه آپاریرلار . اورهك آچان هچ بیرشئی یوخدور . قیافه لردن یازیقلیق ، کدریاغیر .

عارف كچيك بـير اوطاخدا ، ئوز مريضنين باشى اوزرينده اوتوروب ، اللرينى ئوز اللرى ايجريسینده سيخير ، گوزلرينى ياشينى يازبولودو كيمي ، آخيديردى . اونون قيافه سيندن ، اوره گينه اغيرليق ائدن انتهايسز - دوزولمز دردینى آيدین گورمك اولوردو . مريض مات - مات گوزلرينى اونون گوزونه زيلله ميشدى . آغير نفس آلير ، سينه قفسه سی دولوب - بوشاليردى . سانكه ، عارفین آغلاديغينا دوزه بيلمير ، ئوز يالواريچى باخيشلاريله ، « آغلاما ! ... » دئيە ، اونو دانلايردى . آنجا ، آخان گوزياش-لارى عارفین اختياريندا دگلدی . اوره گينه طوفان يارادان ، درد ، رنج وعذاب بولودلاريندا اغيرليق ائديب تو كولن دامالار ایدی . او ، دوداخلارینى مريضن ساغ اليه ياپيشديردى . اوندان حلالليق آلماق استهیردى . اما اوره - گيندن گلميردى ، « منى حلال ائت ! » دئيە ، اونا ئوله جگيني بيلد-يرسين . اوحبيبيه ياخشى ار ايلمايشدى . كئچرديگى قرخ ايلليك حيات يولداشليغيندا ، هيچ وقت اونو خوشبخت ائده بيلمه ميشدى . جوانليغيندا هوس دالينجا گئتميش ، اونون وارليغيني بئله اونوتموشدو . اورتا ياشلاريندا ايسه ، حيات بوراغانلاريندا ال - قول چالميش ، بد - بختليك و فلاكتله البه ياخا اولموشدو . روزگار اونو گوز آچماغا قويمايشدى . بونونلا بئله ، حبيبه آغير گونلرينده اونا بويوندوروق يولداشى اولموش ، هر چتينليك و يوخسوللۇغا دوزموش ، هيچ وقت ئوز حياتيندان شكاييت ائتمه ميشدى . او ، هميشه عارفى پاك تبسلرله قارشيلاميش ، بير انسان اولاراق ، گذشت سمبولو اولموشدو . عارف بونلارى خاطر لاديقجا ، بوتون وجودى اود - دوتوب يانيردى . او ، ئوزونو

حبیبیه بورجلویلییر ، اونون کئچمیش زحمتلرینی جبران ائتمک استهیرکن ، آمانسینز ئولوم اونو ، بوندان آیریردی . اونا ائله گلیردیکه ، قادینیندان حلاللیق آلا بیلمه سه ، عمرو اوزونو ، اوزو گولمویه جک ، وجدان عذابی اونوسیخاجاق ، محوآنده جکدر . نهایت ، دوداخلاری ، ترپندی :

- منیم حبیبه ! مندن راضیسانمی ؟! دئیب دولغون گوزلرینی ،
 مریضین گوزلرینه تیکدی . حبیبه نین دیلی دوتولموش ، فلج حالدا ،
 آرخاسی اوسته قالمیشدی . دوداخلاریندا ، خفیف بیر تبسم گوروندو .
 چوخ زحمتله باشینی حرکته گتیردی . گوزلرینی یوموب - آچدی .
 اونون بوراضیلیغی عارفین روحینی اوخشادی . اوره گینی : اها دا یومشا-
 لتدی . اگیلب دوداخلارینی اونون یاناغینا یاپیشدیردی . گوزباشلاریله
 سولغون اوزونو ایسلاتدی . وئرلن سلام سسی اونو ئوزونه گتیردی .
 دوستو محزون ایدی . او ، عارفی هچ وقت بودرجه ده پوزغون ، اراده-
 سینی الدن وئرمیش گورمه میشدی . بو حالدا ، عارف دها آرتیق بیر
 مجنونا بنزه یردی . مریضین حالینی سوروشدوخدان صونرا ، عارفی
 کناره چکدی . دانلاق یاغدیران گوزلرینی اونون اوزونه زیللله دی .
 - سندن گوزله نیلمز بیر ایش در . مریضه اوره ک وئرمک ،
 روحیه سنی قوتلندرمک عوضینه اوشاق کیمی اوتوروب باشی اوستونده
 آغلایرسان ؟! دئدی کده ، عارف کدر ، غم دریا سینا چئوریلیمیش
 گوزلرینی مریضه طرف دولانديریب ، دوستونا دوندو .
 - آه ! .. عزیز دوستوم ! دئیب ، سوسدو . عادی حالدا اولما-
 دیغینی دویان دوستو اونو حیطه چکدی .

- بیر آچیق دانیشسانا گوروم نه لولوب ؟
 - بیر ساعت قاباق معالجه ائدن دکتیری خبر وئردیکه ، دردی
 علاجسیز در . چوخ یاشامیاجاق . دئدیکده ، قهرانو داها دا بوغدو .
 سوزونو تماملایا بیلمدی .
 - نه دانیشیرسان ؟ ! دونه نه کیمی ئوزلری ساغالا جاغینا سوز
 وئرمیر دیلمی ؟
 - بلی ! . ائله دردده بوراسیندادر . مریضی آياخدان سالاندان
 صورنا ، هله تزه دردینی تاپا بیلیر . -
 عارف نا راحت اولماغا حقلی ایدی . او ، حبیبه نی آياق اوسته ،
 دئیب - دانیشان بیر حالدا ، مریض خانایا گتیرمیشدی . ئوزوندن
 راضی ، هج بیر مسئولیت حس ائتمه یین دکتترلرین غلط نظرلری اسا-
 سیندا اولونان معالجه لر نتیجه سینده او ، گوندن - گونه حالدان
 دوشموش ، فلج اولموشدو . ایندی نه ترپنه بیلیر ، نده دیلی وارایدی .
 حبیبه نین مریضلیگی ۱۳۳۹ - نجی ایل اردیبهشت آیینین اوللرینه دن
 باشلامیشدی . ایلک گونلر اوندا ، بیر ضعیفلیک - سوستلوق گوروندو .
 گئتدیکجه ، یاواش - یاواش گوزلری ، اللری ، حتا آياخلاری بئله ،
 اراده سینه تابع اولماخدان بویون قاچیرماغا باشلادی . الینده چای
 سوزورکن ، گوزلری مات بیر حالدا ، اوطاغین بوشلوقوندا چیرینیر ،
 چای آشیب داشیردی . آددیملارینی آتیرکن ، گوزلری راه نمالیقدان
 بویون قاچیریر . گورولمگی لازیم اولمیان ایشلره ال آتیردی . بو حالی
 عارفی قورخویا سالدی . دکتترلر اونون عصب خسته لیگینه دو تولدوغونو
 سویلدیلر . نسخه یازیلدی . آنجاق ، حبیبه نین حالی گوندن - گونه

پوزولماغا اوز قويدو . عارف تزه جه دولانیشیغینی بولونا قویموش ،
 ائو آلمیشدی . عمر و نون صونوندا دا اولسا، حبیبه نی خوشبخت ائتمگه
 چالشیردی . بوندان صونرا ، اونون اوچون حبیبه سیز یاشاماغین
 معناسی یوخایدی . ایندی او ، وفالی قادینینی ، سیناخالاردان چیخمیش
 حیات یولداشیننی ، صمیمی دوستونو ، بلکهده ، فداکار بیر انسان حیاتی
 خطرده گوروردو . ئوزونوایتیرمیشدی . تئز- تئزد کترلری دگیشیر ،
 آدلی - سانلی طیب لره مراجعت ائدیر ، نسخهلر دگیشیریلردی .
 گوزلرینین ماتلیغینی ضعیفلیک و یاشینین ئوتدو یونه یوزدولار . گوز
 د کتری یازدیغی عینکلرده ، اونون دردینه کومک ائتمه دی . درد ،
 یوخوسوزلوق اونو اوزوردو . یئدیگی درمانلار حالدان - حالاسالیردی .
 گئتدیکجه او : بیر اوشاق حالی آلمیشدی . بیر یئرده اوتورماغا
 قراری گلیمیر ، ایشله مک استه یردی . ایش آدمی ایشسین دایانا بیلمز .
 متأسفانه گورمک استدیگی ایشلرین عهده سیندن گله بیلیمیر ، قاب
 سیندیریر ، سوجالایر ، باشقا خطالارا سبب اولورکن ، گلینی :
 - رحمتلیگین قیزی ، سن که ایش گوره بیلیمیرسن . گئت -
 اوتور یئرینده ؛ بیزه ایش آرتیرما ! دئی ، اونو دانلاماغا باشلایردی .
 بوسوزلر حبیبه نین اوره ینه دگیردی . بیرسوز دئمه سده ، دوداخلارینی
 بوزده ، گوسگون بیر حال آلا ، اوره گی داریخاردی . بیر یئرده
 اوتورماغا قراری گلمزدی . عارف نا راحتلیغینی گوردو کجه ، اونا
 آجییار ، اوشاق کیمی یانینا سالیب گزديره ، بعضأده ، ایش یئرینه
 آپارار ، گوزدن قویمازدی . آیلا ر ئوتدو ، ایل دوندو . عارف وار -
 یوخدان چیخدی . آخی او ، ساده بیر عکاس ایدی . گلیری گوج

ایله ، گونده لیک خرجینی ئوده یردی . آراسی کسيلمهدن د کترلره ، دوا - درمانا وئرلین پوللارین یئری بوش ایدی . بونا باخمایازاق ، عارف حاضر ایدی ، هر نه یی وار الیندن آلسینلار . حبیبه سینی اونا ساغلام قایتارسینلار . مراقلی بوراسیدرکه ، مریضین حالی نه قدر پوزولسادا ، عقلینی - هوشونو الدن وئرمیر ، نه ده روحی بحرانا دوتولما یردی . ساکت - آرام بیر حالی وارا یدی . د کتر لر اونون روحی خسته لیگه دوتولدوغونو سویله دیلر .

- بونون دردینه چاره ائتسه او ، ائده جک . دئیسه ، شهرین شمالیندا ، انگلستاندان یئنی قایتمیش روح وعصب د کتری پتروسیانی نشان وئردیلر . د کترین وقتینی آلماق اوچون ، کاتبه سی ایله دانیشماق ، قبول ساعتینی تعین ائتمک ، اوتوز تومن ویزیتینی قاباخدان وئرمک لازیم ایدی . تشریقاتی مرحله لر قورتاردیقدان صونرا ، عارف ئوز مریضینی د کترین حضورینه یئتیردی . د کتر اول اطرافلی بیر سوال ورقه سی دولدوردو . صونرا ، دقتله معاینه ائتدی . خسته نین دردینی دوزگون آنلاماغا کمک ائده بیلر دئیسه ، قاباخدان یازیلیمیش نسخه - لری عارف دسته ایله اونون قاباغینا قویدو . د کتر اعتنائیز بیر حالدا ، نسخه لره گوز گزديریب ، ایله کنارا ووردو . سانکه ، بونلارین هچ بیر ی درده دگمز ایتمیش .

- بودرمانلاری قورتاراندا ینه گئیره رسیز . دئیسه ئوز یازدیغی نسخه نی عارفین قاباغینا قویدو . عارف د کتره یاناشاراق :
- آغای د کتر ! خواهش ائدیرم دوزونو دئیسه سیز . مریضین ساغالماغینا هچ امید وارمی ؟ دئیسه ، سوال وئردیکده ،

هیچ نگرانلیغی یوخدور. ساغالا جاق. حتماً، ساغالا جاق. دئییه، الینی عارفین چيگینه ووروب، یولاسادی. عارف بیر دنیا امیدله اوردان چيخدی. پتروسایین دوالاری حبیه نین حالینی دگیشمگه، حر کتدن سالماغا، اونو تلقین اولونموش بیر آداما دوندردی. درمانلار قورتاران کیمی، عارف ئوزو دکتیرین یانینا گلیب، مریضین حالینی اونا سویله-دی. دانیشیغیندان اضطراب و هیجانی آیدین گورونوردو. دکتیر باشینی راضیلیق آندیران بیر حر کتله تکان وئریپ:

— چوخ گوزل، چوخ گوزل، دئییه، تئز ایکنجی نسخه نی یازدی. - درمانلارین آراسینی کسمه یین. دئییه، برك - برك تابشیردی. عارف بیلمیردی دکتیرین سوزونه اینانسین، یوخسا خسته سینین گوندن گونه ئولومه دوغرو آدیملا دیغینا گوز یومسون. دکتیرین قطعی بیر حالدا، اونا وئردیگی امیده کج باخا بیلمزایدی. اونون سوزو قلبینه قوت ایدی. « حتماً بیر شئی آنلایر که، دئیر. » دئییه، گئری دوندو. دکتیر تابشیردیغی کیمی، درمانلارین آراسینی کسمدی. بیر هفته کئچمه میش حبیه نین حالی بوسوتون پوزولدو. آياق اوسته دورور کن، بیر نفر قولونا گیرملی اولدو. دانیشیق قیدرتینی الدن وئردی. بیر سوز دئیر کن، دوداخلاری ترپنیر، سوزونو آنلاماق اوچون، آدام، گرهك قولاغینی اونون آغزینا یاخینلاشدیرا، پیچیلتی ایله دوداخلار-یندان قوپان سوزلری ائشیده بیله ایدی. عارف وحشته دوشدو. دایا-نماغی آرتیق گوروب، مریضی دکتیرین مطبینه یئتیردی. نوبه-یه دورموش مریض لر حبیه نین حالینی آغیر گوردو کلریندن، نوبه-سیز معاینه یه کچمه یینه مانع اولمادیلار. مریض آياق اوسته دایانا-

بیلمدیگیندن ، عارف اونو بیر یومشاق صندلی اوزرینده اوتورتدو .
دکتر مریضی گوزدن کئچیردیکدن صونرا ، متفکر بیر حالدا ،
قایدیپ میزینین دالیندا اوتوردو الیه آلینی اوکلایاراق :
- ایندی بونومریض خانادا یاتیرتماق ، برقه سالیب آیلمتماق ،
ئوز عادى حالینا قایتارماق لازمدر . دئدیگده ، ینه عارفین اوره گى
ایشیقلاندى .

- یعنی بویورورسان هله یاخشیلاشماغینا امیدوار؟ دئییه ، سوال
وئردی . دکتر :

- بلی ، بلی ! .. بومرحله نی کئچیرملى ایدیکه ، عصب قورو-
لوشواستراحت ائتسین . ایندی مریض خانادا یاتمالیدر که ، ئوزعادى
حالینا قایتاریلسین . دکترین شخصی مریض خاناسی وار ایدی کاغذ
یازیپ ، عارفین الینه ویردی .

- تخت خواب خرجی گونده یتیش تومندر . دئدی . عارف
فکره گئندی . اگر بیر آی یاتسا ، ایکی مین یوز تومن پول لازیمدر .
هله قالان خیردا خرجلریده معلوم دگل . مات . مات دایانیب .
دکترین اوزونه باخماغا باشلادی . اوزوندهن - گوزوندن یازیقلیق
اله نیردی .

- وقتی تلف ائتمه یین . مریضی تئزیاتیردین ! عارفین دوداخلا-
ریندا خفیف ، آجی بیر تبسم اوینا دی .

- آقای دکتر ! آخی منیم مریض خانادا یاتیرتماغا قدرتیم
یوخدور . اونسوزدا بورج خیرتله یه کیمی ، قالخیب . دئییه ، جواب
وئردی . دکترین قاشلاری چاتیلدی . آغیز - بورنونو بوزدو .

بیر آز سکوتدان صورنا :

- اوندای بیر آز چتین اولدو . دئییب ، اوطاغین ایچینده ایکی باش اوطرف بو طرفه قدم ووردو . او ، ئوز مریضخاناسیندا یاتیرتماغا یاغلی - پوللو مشریلر آختاریر . بس بو اونون دردینه دگن مریض-لردن دگلمیش . دئییه ، دوشونوب ... تیمارستانینا بیر کاغذ یازدی .
- اوندایچاره یوخدور . اوردا یاتیردین . من ئوزوم ده اوردا وارام .
معالجه ائدهرم . دئدی . عارف اظهار تشکر ائده - ائده خسته سینین قولونندان دوتوب اوردان چیخارتدی . او گونون اثرتهسی مریضی گوتوروب تیمارستانا آپاردی . بیرمدت گوزلدیکدن صورنا ، نوبتچی دکتربن قبول اوطاغیندا اخل اولدولار . پتروسیانین یازدیغی کاغذی میزین اوزرینه قویدو . دکتربن ئوترگی بیر معاینه دن صورنا ، همین کاغذین اوزرینه « قادیلار بخشینده یاتیرتمالی . » جمله سینی یازیب وئردی . عارف مریضین قولونا گیریب ، قادیلار بخشینه گتیردی . مدیره جوان ، قارا یاغیز ، بیر شفقت باجیسی ایدی . دکتربن کاغذینسی نظرندن کئچیردی .

- دکتربن پتروسیانین مریضیدر ؟

- بلی ، خانم دکتربن !

- مگر ئوزوبیلیمیر که ، مریض خانادا بوش یئریوخدور ؟ دئییب ،

کاغذین اوزرینه تاریخ یازیب ، - بیر آیدان صورنا مریضی گتیره رسن . دئدی . عارف هر شئی قورتارمیش بیلیر ، ایندیجه خسته سینی یاتیر-دا جانی فکرینده ایکن ، مدیره نین جوابیندان قورودو . دلی دوتار-دوتماز :

- خانم دكتور! مريضن حالي چوخ آغيردر. فوري معالجه يه احتياجي وار. نجه يعنى بير آيدان صونرا؟

- منه نه؟ بوش يئر يوخدور. باشيمدا ياتير تماچاغام كه. دئييه، اعتناسيز قورو بير حالدا، جواب وئردى. عارف حيرت ايچريسينده مديره يه باخير، نه ائده جگيني بيلميردى. بو حالدا، تلفونون زنگي سسلندى. مديره تلفونو گوتوردو.

- آلو!.. بلى، بلى! منم. سلام!.. كيفينيز نجه در؟ بلى؟ بوش يئر يميز يوخدور. كيم؟ آقاي بهادر خان خواهش ائدير؟ گوزوم اوسته. خدا حافظ. دئييب، تلفونون دسته سيني يئر قويدو. عارف ايكي آدديم ايره ليله دى.

- خانم دكتور! خواهش ائديره منيم مريضمه يئر دوزلده. سيز. اينانين كه، حالي آغيردر. دئييه، يالوارماغا باشلادى. مديره نين يانيندا وقت كئچيرمك اوچون اوتورموش هم صحبتى :

-- عجب اوتانماز. اوزلو آدامدر. دئييه، چپ - چپ عارفه باخيب آغيز - بورنونو تورشوتدو. مديره حوصله سيز بير حالدا، عارفه دونرهك :

- سنه دئديم كه، بير آيدان صونرا گل. گئده بيلرسن. دئدى. عارفين دردى اورينه سيغيشمايردى. دارىخديغيندان آز قاليردى، «من بو حالدا مريضى هارا آپاريم!»، دئييه، باغيرسين. گوج ايله ئوزونو ساخلادى. بيردن فكرينه گلديكه، دكتوره مراجعت ائتسين. آنجا، دكتور :

- من ياتماغينا اجازه وئرديم. يئر - يوخلوغو منه مربوط دگل.

دئییه ، اونا جواب وئردی . عارف شکایت و دویونونو آچماق مقصدیله ،
رئسین یانینا گئتمک فکرینه دوشدو . ایچری گیرمک استدیگده ،
قایچی :

– دایان ! هارا سوخولورسان ؟ دئییه اونون قاباغینی کسدی .
عارف غافلدن قاباغینا دیغیرلانمیش داش کیمی .

– رئسله ایشیم وار . دئییه ، اونو کنار ایتهدیکده ، البه - یاخا
اولدولار . او ، وار گوجو ایله قایچی نی کنار آتیب ، ایچری سوخو-
لدو . رئیس قورخموش حالدا یئریندن قالخدی . عارف آیالارلا خسته-
سینین زحمتینه قاتلاشدیغیندان ، ئوزوده بیر خسته یه دونموشدو . بوگون
قاباغینا چیخان اوغورسوزلوخلارداندا ، عصایی لاپ ازیلمیش ، رنگی
سارالمیش ، گوزلری چوخورا دوشموشدو . اوزونون تو کلویو اونو ،
بیر دلییه اوخشاتماغا داهادا کمک ائدیردی . بئله بیر حالدا ایچری
گیردیکده ، رئسه ائله گلدیکه ، روحی مریضلردن بیریدر . عارف اونا
دوغرو ایره لیلهدی .

– آقای رئیس ، خواهش ائدیره م ... دئییه ئوز دردینی سویله مک
استدیگده ، رئیس اونون سوزونو کسدی .

– دوتون ! قویماين ! عرضه سیزلر ! .. دئییه ، خدمتچی لرین
اوستونه چیغیریب ، اونلاری گومگه چاغیردی . خدمتچیلر تو کولوب
عارفی سورویه - سوریه ائشیگه سالدیلار . عارف کوتک یئیب ازیلمیش ،
حالدان دوشموش بیر آدم کیمی ، چکیلیب دیوارین دیبینده اوتوردو .
عصبانیتین شدتیندن گوزلرینه قارانلیق چو کموشدو . باشی گیجه لیردی .
یاواش - یاواش ئوزونه گلدی . مریضینی قادینلار بخشینن قاباغیندا

صندلی اوزرينده قويدوغو يادينا دوشدو. ياتيب - يوخويا قالميش ايش
آدامی کیمی، تئز- يئریندن سچرايب، حبیبه نین یانینا قاچدی. حبیبه
حالسین صندلیه سوکنمیش، اوتورماخدان یورولوب، تنگه گلیمیشدی.
عارفی گورن کیمی، دوداخلاری ترپندی :

- بس هاردا قالدین؟ دئییه، آغزیندان سسین حالدا، چیخان
سوزلری عارف اثشیمدی.

- بودا بیزیم دولت مریض خانامیز. دئییه، ئوز - ئوزونه دئیینه.
دئیینه حبیبه نی ائوه قایتاردی. قاپیدان ایچری گیرنده، محزونلا اوز -
اوزه گلدی. دوستومریضی یولوخلاماغا گلیر. اونا دئیر لر که، تیمارستاندا
یاتیرتماغا آپاردی. خسته نین حالیندان خبر دوتماق اوچون، دایا -
نمادان قایدیب ئوزونو تیمارستانا یئتیرمک استهیرکن، قاپیدا قاباخلا -
شمیشدیلار. او، عارفین اوزونه باخان کیمی، حالینی بیلدی. مریضی
ایچری گئچیرتمگه کمک ائتدی. صونرا :

- - بس نجه اولدو؟ نیه یاتیرتمادین؟ دئییه، سوروشدو. عارفین
ناراحتلیقدان رنگی بوغولموش، بوغازی قوروموش ایدی بوغونوق
بیر سسله :

- جهنمه ده. بیزه یئر یوخدور. دئییه، جواب وئردی. مریضی
یئر به - یئر اندیب راحتلیکدن صونرا، بوگون باشینا گلنلری سویلیدی.
دوستوچوخ متأثر اولدو. بیاخدان بری مریضه زیلله نمیش نگران
گوزلرینی دولانديریب، عارفه باخدی. سانکه، دوستونون ایچری سینده
آلاولانان آتش اونوندا وجودینی بورودو. تئز آياغا دوردو.
- سن هیچ هارا ترنمه. من بیر ساعته قدر قایداجاغام. بلکه،

بیر یول تاپدیق . دئیسه ، اوردان چیخدی . عارف سیغارین آراسینی کسمیردی . بیر قورتارمامیش ، ایکنجی سینی آلیشدی بیر ، سوموردویو توستونو بورون دئشیکلریندن ائشیگه بوراخیردی . داریخدیغیندان گاه حبیه نین باشی اوزرینه گلیر ، یادا قفسه سالینمش وحشی حیوان کیمی ، آرامسز حالدا ، قدم وورور ، صبر سیز لیکله محزونون یولونو گوزله یردی . نهار وقتی ایدی . قاپی دو بولدو . محزون گولر اوزله :

— سلام ! دئی ، ایچری گیردی . قولتوق جییندن کیچیک بیر کاغذ بارپاغی چیخاردیب عارفه اوزاتدی . . آل . صباح سحر تئزدن کاغذی آپاریب رُسه وئره رسن .

— یعنی ، بو کاغذی قبول ائده جک ؟

— بو کاغذی وئرمن رئیسین لاپ یاخین آداملاریندان در : تلفونلا . دانیشدی . ئوزو دئدی که ، گئیرسبن . لاپ آرخاین اول . دئیسه ، عارفی نگرانلیقدان چیخارتدی . او ، گونون اثرته سی عارف قورخا . قورخا رئیسین قاپیسینا یاخینلاشدی . گوزو قاپیچی یا دوشنده دوننکی آجی خاطره لر اوره گینی سیخدی . قاپیچی کاغذی آلیب ایچری گیردی . . بیر آز کئچمه میش ، قایدیب قاپینی اونون اوزونه آچدی . عارف ایچری کئچدی . رئیس گورن کیمی ، اونو تانیدی . دونن اونو ده لی بلیب ائشیگه سالدیردیغی خاطریندن کئچدی . کو بود رفتاریندان اوتانیب باشینی آشاغا سالدی . صونرا ، تلفونلا قادینلار بخشنه تابشیریق وئرپ ، عارفی اورا گوندردی . بویله لیکله عارف ئوزخسته سینی مریض خانادا یاتیرتماغا موفق اولدو . .

دکتر پتروسیان بوردا ئوز معالجه سنه ادامه وئردی . حبیبه نى
مریضخانادا یاتیر تماخلا عارفین زحمتی داهادا آرتدی . خسته ئوزو
یئیب - ایچه بيلمیدیکیندن ، عارف هر سحر و گون اورتالار ئوزونو
اونا یئتیرملی ، ئوزو اونو یئدیرتملی ایدی . یوخسا ، کیم اونون
قایغیسنا قالاجاق ایدی ؟ آجیندان ئولهده بیلردی . بونا گوره ده ،
وقتی - وقتسز یانینا کلمگه مانع اولمازدیلار . آنجاق دروازادان
ایچری کئچمک اوچون قاپچی نی راضی سالمالیدی .

ایکنجی گون ایدی . عارف سحر تئزدن بیر آز کره و سود
آلیب ئوزونوحبیه یاتدیغی اوطاغایئتیردی . خسته نین قول - قیچلارینی
تخت خوا با باغلامیشدیلار . او ، عارفی گورن کیمی قهراندی . گوز-
لرینده ایکی داملا یاش گوروندو . بو دامالار اونون اوره گیندن
قوپان شکایتله دولوفریادی ایدی . او گئجه نی یئره میخلانمیش حالدا ،
سحر ایله میشدی . بومنظره دن عارفین گوزلری بویودو . قان سچرادی
باشینا ، وجودینده سویوق بیر گیزیلتی حس ائتدی . ناراحتلیغینین
شد، تیندن اونا بیر جنونلوق حالی اوز وئردی . الینده گتیردیکى کره
و سود یئره دوشدو . سود شیشه سی نین پارتلایش سسی هر یئره
یاییلدی .

- کیم بونو باغلایب ؟ ! مگر بو دیوانه در ؟ ! .. بو بیچاره که ،
یئریندن ترینمگه قددتی یوخدو ! دئییه ، دولموش یاز بولودو کیمی
کورولدادی . سس - کویه پرستارلار ، مدیره و کشیکچی دکتر
گلدی .

- نه وار ، نه سس کویدور سالمیسان ؟ دئییه ، دکتر اونا دوغرو

ایره لیلهدی .

- من دئیره م حرکت ائتمگه قددتی اولمویان ، دیلسیز - آغیز - سیز بیر خسته نیده دارا چکر لر می ؟ هانسی داش اوره کلی بونون ال - قولونو باغلا یب ؟ ! آخی ، نه اوچون ؟ ! دکتر ، مدیره و پرستارلار بیر - بیرینین اوزونه باخد ی .

- یوخسا بودا معالجه اوچون دور ؟ ! دئی ، عارفین سسی داهادا او جالد ی . دکترین اشاره سیله حبیه نین ال - قولونو آچدی لار . معلوم اولدو که ، گنجه مریض سو باشینا چیخماق اوچون ، ئوزو دورماغا مجبور اولور . بیر ایکی آددیم یئریمه میش ، یخیلیر . شایلتی یا پرستارلار گلیر . اونو ائشیگه چیخارتماق ، راحتلندیرمک عوضینه ، تخت خوابا اوزادیب ، باغلایرلار که ، ترپنه بیلمه سین . بو حادثه دن صونرا ، گنجه لیر یوخودادا عارفین فکری حبیه نین یانیندا قالار ، نگرانلیق و ناراحتلیق اونون آرامینی و یوخوسونو الیندن آلارد ی . یوخودادا اونونلا الله شر ، راز - نیاز ائدرد ی .

کئچن گنجه ، فکر - خیالدا ل عارفین گوزونه یوخو کئتمه دی . یئرینن ایچینده جه ، ایلان چالمیش آدام کیمی ، قوورولوب - زار یلدادی . نهایت ، سحره یاخین اونو یوخو آپارد ی .

حبیه آغ گلین پالتاریندا ، قاپینی آچیپ یاواش - یاواش عارفه دوغرو گلد ی . همیشه دوداخلاریندا کورونن دوزلو گولومسه مه ینه ده گورونوردو . هورولموش اوزون ساچلاری ، آغ ئورپه ین آلتیندان ایلان کیمی ، سینه سیندن آشاغی اوزانمیشدی . باشیندا گولدن هورو - لموش بیر تاج جلوه لنیردی . او ، گلیب عارفین تخت خوابینین

کناریندا اوتوردو . الینی اونون آغارمیش پوزغون تئللرینه چکدی .
 - عزیزیم! نه چوخ داریخیرسان ؟ غصه لیمه . آخی ، من سنی
 پریشان گورنده تاب کتیره بیلیمرم . سنه بیر پارچا زحمت اولمه غوم
 اوچون ، خجالت چکیرم . دئدیکده عارف گوزلرینی آچدی . گور-
 دیویونه اینانا بیلمیردی . بیر آز مات - مات اونون اوزونه باخدی .
 حبیبه نی ایلک دفعه گلین کتیردیکلری توی گنجه سی خاطریندا
 جانلاندی . ئوزونه تکان وئریب ، دوردو .

- وارلغیم ، حیاتم ! نه یاخشی گلدین . آه ! .. اگر ، بیلسن
 سنسیر نه حالا قالمیشام . داها خسته دگل سن ائلهمی ؟! حبیبه :
 - یاخشیلاشمیشام . گورورسنکه ، داها لاپ یاخشیام . دئیب ،
 ئوزونو عارفین آچیلیمیش قوللاری آراسینا آتدی . هرایکیسی دوداق-
 دوداغا یاپیشدیردی . درین - اودلو بیر بوسه دن صونرا . حبیبه بیردن
 دیکسینیمیش کیمی ، کنارا چکیلیب ، اوندان اوزاخلاشماغا باشلادی .
 ینه ده دوداخلاریندا تبسم اوینایردی . ساغ الینی دوداخلارینا توخو-
 ندوروب ، هوا دا یئللندی .

- الوداع ! .. من گئتمه لیم . منمکی ده بئله یازیلیمیش ایمیش .
 غصه ائلمه . سنی غملی گورنده من دوزه بیلیمرم . الوداع ! ... دئیب ،
 خیال پریمی کیمی ، گوزدن ایتدی . عارف صونسوزهیجان ایچریسینده :
 - حبیبه ! وارلغیم ، حیاتم ، گئتمه ! .. دئی ، اونون دالینجا
 قاچماق استدیکده ، یوخودان آیلدی . تراونو باسمیشدی . اورهی
 شدتله دیوونوردو . آغیر نفس آلیر ، سینه سی تنکله شیر ، بوغازی
 گر گینله شیردی . بیرده اونو گورمک استه یرمیش کیمی ، گوزلری

دالغين بير حالدا ، قاپي طرفده ، اوطاغيق بوشلونغوندا چير پينيردي .
 لکن ، هچ بير شئي يوخ ايدى . اميدسيز بير حالدا ، ئوزونو
 پنجره نين قاباغينا بئيردى . بير نچه دفعه ، درين نفس آليب ، بير
 آرتوخسادى . ئوزونه گلدى . دان يئرى آغارميش ، گونش
 قارشيسيني دوتموش سئبرهك بولودلارين رنگيني قيزارتميشدى .
 اوشاق ايكن او ، آناسينين يوردوغو يوخولاردا ، « ئوپوش آيريليقي
 علامتى در . » دئيە ، دئديگي سوزلر بير آندا خاطريندان كئچدى .
 صورنا ، حبيبە مريضخانادا ، حر كئسيز - آرخاسى اوسته اوزانديغى ؛
 گوزلرى قايدا ، اونون يولونو گوزلديگي گوزونون ئونونده جانلاندى .
 اونا ائله گلديكە ، اودا ، اليني اونا دوغرو قالديريپ ، « الوداع ! »
 دئير . كيشى اورده ينده بير آغرى حس ائتدى . قيزديرماسى يوخارى
 قالخميش خسته كيمى ، ائشيديلمز بير حالدا . بير نچه هذيان دئيە ،
 ئوز تخت خوابينا ياخينلاشدى . پالتارلاريني كئيدى . ياتانلار اويا -
 نماسين دئيە ، سسيزجه ائودن چيچدى .

سحر نسيمي اونون تئللرينى اويناتدى . سولفون ، كئدلى اوزونو
 اوخشادى . كوچەلر هله خلوتده اولسا ، آرا بير ماشينلارين حر كتى ،
 ايشە تله سنلرين آياق تاپيلتى سى ، باققال ولبنيات دكانلارينين خاريلتى
 ايله آچيلان دمير - سالما قاپيلارى ؛ ائله جه ده ، سرچەلرين جيک -
 جيكلرى شهرين سكوتيني پوزوردو . عارف اطرافيندا باش وئرن
 حادثەلره توجه ائتمەدن ، دالغين بير حالدا ، ئوز - ئوزونه دانيشير ،
 طالعيندن شكايترلر ائدرەك ، بختنه نفرينلر ياغديريردى . او ، گونده كى
 كيمى ، بير لبنيات دكانينا گيردى . اللى گرام كره و بير كيچيک

بطری سود آلیب ، تیمارستانین دروازه سینه یاخینلاشدی . الی اسه .
 اسه ، زنگی بادی . قاپیچی نین گوبود . یوغون سسی ائشیدیلدی .
 دونقولدانا - دونقولدانا دروازه نین باجاسینی آچدی . او ، آغزینی
 آچمامیش عارف ایکی تومنلیگی اونون اوجونا بادی . قاپی آچیلدی .
 - آکیشی ! قویسانابیر سحرین گوزو آچیلسین . نه خبریندر؟
 بو وقتده قاپی آچیلارمی ؟ دئی ، منت یاغدیرا - یاغدیرا اونو ایچری
 ئوتوردو . عارفده اونا جواب وئریب ، باش - باشا قویماغا حال یی - وخ
 ایدی . دیزلری اسه - اسه ، ئوزونو خسته نین اوطاغینا یئتمیرمگه جان
 آتیردی . بو آندا ، اونون اورهی اوقدر حالسین ایدیکه ، آغیر بیر
 شئی آسيلمش نازیک ساپ کیمی ، ائله بیل ایندیجه قیریلاجاق ایدی .
 نفسی تنکله شیمیشدی . گیزلی بیر دویغو اونون آمانینی کسیردی .
 قورخا - قورخا قاپینی آچدی . ایچری گیردیکده ، حبیبه نین انتظاردا
 اولان ، سونوک ، ایری گوزلری اونا زیللندی . بو باخیش اونون
 هیجانینی سوندوردو . آغیر یوک آلتیندان قورتارمیش آدام کیمی ،
 درین بیر نفس آلدی . دوداخلاری یغیشدی . اوزونده سئوینجه اوخشا
 مایان صنعی بیر تبسم گوروندو . خسته یه یاخینلاشاراق :

- حالین نجه در؟ یاخشیشانمی عزیزیم! دئی ، اونون احوالینی
 سوردو . صونرا ، بالینجی باشینین آلتینا یغیشدیراراق ، اونودیگلتدی .
 سود و کره دن ، قاشیق - قاشیق اونون بوغازینا توکمه یه باشلادی .
 ساعت سکز اولاردیکه ، دکتر پتروسیانین مریضلری یوخلاماغا گلدیگینی
 خبر وئردیلر . دالاندا او ، دکتر له قارشیلانما . سلام وئردیکدن
 صونرا :

— آقاي دكتور! سيز بويوروردونوز كه ، بوردا برقه ساليناجاق ، عادي حالينا قايتاريلاجاق . آنجاق ، مريضن حالي گونندن — گونه آغيرلاشير . بو نجه اولاجاق ؟ دئي ، سوال وئردى . دكتور دا ياندى .
متاثر بير قيافه دوتاراق :

— چوخ متاسفم كه ، آجى بير حقيقتى سيزه دئمه ليم . دئي ، بير آز دا ياندى . صونرا سوزونه ادامە وئره رك : . آزمايشلردن صونرا ، آپاريلان دسته جمعى معاينه ده معلوم اولدو كه ، خانمين دردى « Ahcuopacwm » در . بئىنى ورم ائتميش . معالجه دن كئچيب . چوخ ياشامياجاق . دئي سوزونو قورتاردى . عارف شاشقين بير حال آلاراق ، « چوخ ياشامياجاق ؟ » دئي ، دكتورين دئديگى سوزلرى تكرر ائتدى . دكتور ئوتوب گئتميشدى . عارف دوردوغو يئرده جه ، دونوب قالميشدى . ائله ييل كه دنيانى اونون باشينا اوچورتدولار . باشى گيجلدى . گوزلرينه قارائليق چوكدو . سولغون رنگى گچ كيمي ، آغاردى . بياخدان برى دا يانيب مات . مات اونا باخان بير روحى مريض سانكه ، اونون دردينى آنلادى . يخيلاسرين دئي ، تئز اونون قولونا گيريب ، ياخين دا قويولموش صندليده اوتورماغينا كمك ائتدى . صونرا ، اللرينى بير- بيرينين اوستونه قويوب ، محزون باخيشلا- رلا ، اونون دولموش گوزلرينه تماشا ائتمگه باشلادى . حس ائتمەدن ئوز گوزلريده ياشارميشدى .

دكتورين سوزلرى زهرلى خنجر كيمي ، عارفين اورەينى پار . چالاميشدى .

— آه ! . . . يازيق اولدوم ! . ، دئي ، زاريلسا دايردى . يانيندان

ئوتوب کئچن شفقت باجیلاری ، پرستارلار چپ - چپ اونا باخیر ، آغیز بورونلارینی بوزهرک ، استهزالی تبسملرله اونون یانیندان ئوتور- ذولر . د کترین معاینه و تابشیریغی قورتاردی . عارف حبیبه نین یانینا قایتدی . گوزیاشلاریله اوره گنین اودونو سوندورور دوکه ، محزون اونو تنهالیقدان قورتاردی .

انسان ئوز زحمتینین ثمره سینی گوره رسه ، یونگولله شر ، آغر- یلارینی اونودار ، روحی قوش کیمی قانات آچار . قلبی گولر . آنجاق ، عارف ایکی ایلدن بری چکدیگی زحمتلر هده گتمیشدی . اوره - ینی ایشیقلا ندیران امید شمعی فوفله یب سوندورموشدولر . « دردی علاجسیز ذر . » دتمیشدیله .

د کترلرین صون نظری دوز چیخدی . عارفه خبر وئریلدیگی کوندن اون گون صونرا ، حبیبه همیشه لیک اولاراق گوزلرینی یومدو . بو اون گونون هر گونو ، عارف اوچون اشکنجه و عذابلا کئچر - یلمیش ایل قد آغیر کئچدی . بو اون گونده ، او ، پروانه کیمی ، حبیبه نین باشینا دولاندى . اینله دی ، آه چکدی ، فغان ائتدی . حبیبه صون باخیشلارینی اوندان اوزور کن ، ائله بیل که ، عارفین روحی بدنیندن اوچموشدو . داها گوزلرینین یاش چشمه سی قوروموشدو . سونوک باخیشلاری اونون اوچون ، هر شئی قورتاردیغینی ترنم ائدیردی . هیحات ! .. نه ائده بیلردی ؟

اولوم - ئولوم . بونلار طبیعتین د کیشیلمز بیر قانونیدر . تک انسانلارد کل . تمام یارانمیشلار ، حیوانات ، نباتات بئله ، بو یولون یولچوسودور . انساندا اوت ، بیتگی سایاق باش قالدیریر . گل- چیچک

کیمی ، آچیلیر ، بوی آتیر . بوتون گوزللیگی ایله ، حیاته زینت
وئریر . سئویر - سئویلیر ، صونرا ، یاواش یاواش ایشدن دوشور ،
سارالیر - سولور . حیاتی یئنی آچیلیمیشلار اوچ-ون قویوب گئدیر .
یاخش گوللرین عطری ، میوه لرین لذتی ، انسانلارین ایسه ، یاخش
یامان عمللری خاطره لرده ثبت اولونور .

حبیبه ابدیته قاووشدو سادا ، اونون مهر - محبتله دولو خاطره -
لری اور کلرده یاشاییر . هله ده اوندان سوز دوشنده ، بیر گنشت
سمبولو کیمی ، یاخشلیقلایاد اولونور .

اوشاق اوسته ماواش

اوشاخلیغین ئوزونه گوره - ئوزگه بیر عالمی وار . اونودولماز
خاطره لرله دولو بیر عالم . اونا گورده ، انسان بویویوب یاشا-
دولدوقجا ، عقل - کماله چاتدیقجا ، حیات یو کو چیگینلرینه آغیرلیق
ائتدیکجه ، هر شئه اعتناسیز - لاقید اولان اوشاخلیق دورونو خاطر لایر .
چوخ وقت ، کوچه لرده اوینایان اوشاخلارا گوزو ساتاشدیقدا ، اختیار-
سیز ، : « کاش منده سیزین یئریزه اولایدیم . » دئیسه ، بوسوزلری
اوره یندن ککچریر .

محمد ایله احمد هم یاشید ایدیلر . مکتب یاشینا دولماقدا
ایدیلر . قاپیلاری اوز - اوزه آچیلیردی . یاخین قونشو اولدوخلاریندان
بیر - بیرینه عادت ائتمیش ، اونس باغلامیشدیلار . بیر یئرده اوینار ،
کولر ، دالاشار و باریشاردیلار . دالاشماخلاری ایله باریشماخلارینین
آراسی چوخ چکمزدی . آخی ، یولداش ایدیلر . بیر گون آخشام
طرفی ایدی . ملایم یئل اسیردی . ئوزونو داغلارین دالینا سالماغا جان
آتان گونشین رنگی سولغونلاشیردی . سحر دن بهری محمد ایله
احمد کوچه ده آشیق ، یالاغاسالما ، بعضاًده گیزلین پاچ اوینایردیلار .

ایندیده ئوزلرینه قارغیدان آت دوزلدیب ، توز . تور پاخلی کوچه .
 لرده آت چاپیر - توز قوپاردیر دیلار . بواویوندا بیرنچه باشقا اوشاذا
 اونلارا قوشولموشدو . اوینون شیرین یئرینده ، آت چاپیر کن ، بیردن
 احمدین آیاغی ایلشیدی . محمد آغزی اوسته یئره گلدی . اونون
 سسینه شن ، گورولتولو سسلر کسیلدی . ائله بیل ، بیردن قورباغه
 گولونه داش آتدین . اوشاخلار آتلارینین باشینی یغیب اونو دوریه
 آلدیلار . محمدین آغزی - بورنو قانا بولاشمیشدی . دوروب آغلایا-
 آغلایا قاپیلارینا طرف یونلدی . سسه آناسی تکذبان قاپیا چیخدی .
 اوغلونو آل قان ایچینه گورنده گوزاری بویودو . آنا قلبی هیجانا
 کلدی :

– وای ! ائویم یخیلیدی! اوشاغی قان گوتوروب . دئییه ، ئوزو
 نو محمده یئتیردی .

– سنه مین دفعه دئمیشم بو کوچه اوشاخلارینا قوشولما ! دی
 گوروم سنی کیم ووردو ؟ دئییه سوال وئردیکده ، محمد :
 – احمد . دئییه ، آغلایا - آغلایا جواب وئردی . آرواد دلی کیمی ،
 احمدین اوستونه جومدو . اوشاق :

– خالا ! والله من وورمادیم ، ئوزو یخیلیدی . دئییب ، سوزونو
 قورتارانا کیمی ، تکذبان بیر نچه یومروق ایلشیدیردی . احمد
 آغلادی . سسه فاطمانسه چخدی . اوغلونو تکذبان ووردوغونو دویودو-
 خدا ، قیژ قیردی .

– آرواد ! اوتانمیرسان ؟ یئکه آرواد ، اوشاغی نیه دیورسن؟!
 دئییه ، تکذبانا اعتراض ائتدیکده ،

- یاخشی ائلیرم! ئوزونو قورد ائدیپ. اوشاغیما گوز وئریپ.
ایشیق وئرمیر! گور بالامی نه گونه سالیپ؟!
- اوتان، خجالت چك! ئوزلری دالاشاردا - باریشاردا. داه
سن نیه اوشاق آراسینا گیریرسن؟! هج اوتانمیرسان؟!..
- یاخشی ائله یرم!

- غلط ائدیرسن! دئی، سوز اوزاندی. لاپ، شیت سویوشله
چاتدی. بونونلادا اورده کلری سویومادی. الیه - یاخا اولدولار. اوز
جیرماق، ساج یولماق باشلانندی. چیغیر- باغیرتی گویه قالخدی.
محمدین ددهسی باققال حسن سس - کویه دکاندان ائشیگه چیخدی.
آروادی تکذباین دیولدیونو گوردو کده، یو گوروب ئوزونو آرایا
آتدی. اونو فاطمه ننه نین الیندن آلماق استه یردیکه، احمدین
ددهسی مرد علی ائشیگه چیخدی. اونا ائله گلدیکه، باققال حسن
آروادینی دیور. قان سچرادی بئینینه. کو کره میش حالدا، ئوزو
نواونا یتیردی. وورکه - ووراسان. نهجه دئی رلر، آزچیریشدیلار،
اما، شیرین چیریشدیلار. قونشولار تو کولوب اونلاری آیردیلار.
سس - کوی یاتدی.

بونون اوستوندن هله یاریم ساعت کئچمه میشدی. باققال حسن
باشی ساریخلی دکانین قاباغیندا، آغیز - بورنونو ساللامیش، فکرلی
حالدا، اوتورموشدو. ائله بو حالدا مرد علی الی ساریخلی ائودن
چیخدی. هر ایکیسین چپ - کینله دولو باخیشلاری بیر - بیرینه
ساتاشدی. نهچه ایلین تانیسی - دوستو ایندی اوشاق اوستونده دشمن
اولموشدو. ائله بو آندا، محمد ایله احمد سس - کویله قاباق طرفدن

آت چاپیب توز قوپاردادراق ، بونلارین آراسیندان کئچدیلر .

-- محمد ! ..

-- احمد ! .. دئییه، آتالارین گور سسلری ائشیدیلدی . آنجاق،
احمد ایله محمد اعتناسیز حالدا، ئوز آتالارینی چاپیب اوزاخلاشدیلار.
گوزدن ایتینجه ، دورت گوز اونلاری ایزلهدی . صونرا ، غیری
ارادی اولاراق ، قونشولارین گوزلری بیر - بیرینه سانجیلدی . داهای
بو باخیشلاردا کیس - کدوت گورونموردو . اونون یئرینی آیدین بیر
پشیمانلیق و خجالت دوتموشدو . هر ایکیسین دوداخلاریندا آجی
بیر تبسم گوروندو. شبهه سیز که ، ایکی قونشو اوشاق آراسینا گیریب،
بیر - بیرینه احترامسیزلیق ائتدیکلرینه آجیردیلار .

صون

لغت

اگلنجه	تفريح ، اويونجاق
اگلنمك	اويناماق ، تفريح ائتمك
اونوتمان	ياددان چيخارتماق
اويغون	مناسب
ايزلهمك	تعقيب ائتمك
جيغير	داريول
داريلماق	داريخماق ، ناراحت اولماق
دالغين	پريشان ، فكرلى
دويغو	آنلاق ، فكر
دويماق	آنلاماق
ديلك	آرزو ، ايستك ، تمنا
دينله مك	قولاق آسماق
سارسيلماق	سيلكه لنمك ، تزلزل
سانكه	ايله بيل
سوچونو	تقصيريني
شاشغين	ئوزونو ابيتيرميش
قارتال	قره قوش ، عقاب
قارشيلاماق	قاباغينا چيخماق ، استقبال ائتمك
قادين	آرواد ، خانم
اونوتماق	ياددان چيخارتماق

حكاية لر مجموعه سى-۳

.. آياخلار يىن بيرىنى گوتوروب .

او بيرىنى قويور ، گوزياشلارى بوزارميش ياناخلار يىنى ايسلاتميشدى .
قاباغيندا سو ايله دولو بير قازان وارايدي . بو منظره منه ؛ ويكتور .
هوغونون « قوزيتا » سىنى خطرلاندی . او ، رومانتيك بير داستان
اولسادا ، بو ، گوزومون فوتونده جانلى بير واقعييت ايدي . تنز قىزا
ياخينلاشدیم .

– نه اوچون آغلایرسان ، قوزوم ؟ دئيه ، سوال وئرديكده ،
زوالى قىز جىغاز ، تترهين كيچيك – توپول اللريله گوزياشلار يىنى
سيلدرك :

– قازانى باشما قالديرا بيلميرم . دئدى .
– گوچون چاتديغى قدر دولدورسانا !.. او ، بوغونوق ايشقر-
تيلارلار :

– آز دولدورسام خانمين ، آجىغى دوتار . دئدى .
– آتا- آنان بوخدورمو ؟
– اونلار كنده در .
– سن كيمين يانيندا اولورسان ؟
– آغانين .
– آغان كيمدر ؟
– ارباب در . على خاندەر ، دئيه ، جواب وئردىگى زمان داها
برك تتره مگه باشلادی .



انتشارات فرزانه